





**IMAGE EVALUATION
TEST TARGET (MT-3)**



**Photographic
Sciences
Corporation**

23 WEST MAIN STREET
WEBSTER, N.Y. 14580
(716) 872-4503

**CIHM/ICMH
Microfiche
Series.**

**CIHM/ICMH
Collection de
microfiches.**



Canadian Institute for Historical Microreproductions / Institut canadien de microreproductions historiques

© 1984

Technical and Bibliographic Notes/Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured covers/
Couverture de couleur
- Covers damaged/
Couverture endommagée
- Covers restored and/or laminated/
Couverture restaurée et/ou pelliculée
- Cover title missing/
Le titre de couverture manque
- Coloured maps/
Cartes géographiques en couleur
- Coloured ink (i.e. other than blue or black)/
Encre de couleur (i.e. autre que bleue ou noire)
- Coloured plates and/or illustrations/
Planches et/ou illustrations en couleur
- Bound with other material/
Relié avec d'autres documents
- Tight binding may cause shadows or distortion along interior margin/
Le reliure serrée peut causer de l'ombre ou de la distortion le long de la marge intérieure
- Blank leaves added during restoration may appear within the text. Whenever possible, these have been omitted from filming/
Il se peut que certaines pages blanches ajoutées lors d'une restauration apparaissent dans le texte, mais, lorsque cela était possible, ces pages n'ont pas été filmées.
- Additional comments:
Commentaires supplémentaires:

- Coloured pages/
Pages de couleur
- Pages damaged/
Pages endommagées
- Pages restored and/or laminated/
Pages restaurées et/ou pelliculées
- Pages discoloured, stained or foxed/
Pages décolorées, tachetées ou piquées
- Pages detached/
Pages détachées
- Showthrough/
Transparence
- Quality of print varies/
Qualité inégale de l'impression
- Includes supplementary material/
Comprend du matériel supplémentaire
- Only edition available/
Seule édition disponible
- Pages wholly or partially obscured by errata slips, tissues, etc., have been refilmed to ensure the best possible image/
Les pages totalement ou partiellement obscurcies par un feuillet d'errata, une pelure, etc., ont été filmées à nouveau de façon à obtenir la meilleure image possible.

PAGES TRIMMED VERY CLOSE TO EDGE OF TEXT.

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	14X	18X	22X	26X	30X
<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>
12X	16X	20X	24X	28X	32X

The copy filmed here has been reproduced thanks to the generosity of:



Thomas Fisher Rare Book Library,
University of Toronto Library

The images appearing here are the best quality possible considering the condition and legibility of the original copy and in keeping with the filming contract specifications.

Original copies in printed paper covers are filmed beginning with the front cover and ending on the last page with a printed or illustrated impression, or the back cover when appropriate. All other original copies are filmed beginning on the first page with a printed or illustrated impression, and ending on the last page with a printed or illustrated impression.

The last recorded frame on each microfiche shall contain the symbol \rightarrow (meaning "CONTINUED"), or the symbol ∇ (meaning "END"), whichever applies.

Maps, plates, charts, etc., may be filmed at different reduction ratios. Those too large to be entirely included in one exposure are filmed beginning in the upper left hand corner, left to right and top to bottom, as many frames as required. The following diagrams illustrate the method:



L'exemplaire filmé fut reproduit grâce à la générosité de:

Thomas Fisher Rare Book Library,
University of Toronto Library

Les images suivantes ont été reproduites avec le plus grand soin, compte tenu de la condition et de la netteté de l'exemplaire filmé, et en conformité avec les conditions du contrat de filmage.

Les exemplaires originaux dont la couverture en papier est imprimée sont filmés en commençant par le premier plat et en terminant soit par la dernière page qui comporte une empreinte d'impression ou d'illustration, soit par le second plat, selon le cas. Tous les autres exemplaires originaux sont filmés en commençant par la première page qui comporte une empreinte d'impression ou d'illustration et en terminant par la dernière page qui comporte une telle empreinte.

Un des symboles suivants apparaîtra sur la dernière image de chaque microfiche, selon le cas: le symbole \rightarrow signifie "A SUIVRE", le symbole ∇ signifie "FIN".

Les cartes, planches, tableaux, etc., peuvent être filmés à des taux de réduction différents. Lorsque le document est trop grand pour être reproduit en un seul cliché, il est filmé à partir de l'angle supérieur gauche, de gauche à droite, et de haut en bas, en prenant le nombre d'images nécessaire. Les diagrammes suivants illustrent la méthode.

errata
l to

t
o pelure,
on à



NE RAORIHWADOGENHTI

NE

LONGWAYANER YESUS KERISTUS,

JINIHORIHOTEN NE

ROYATADOGENHTI MATTHEW,

KANYENGEHAGA KAWEANONDAHKON KENWENDESHON

TEHAWEANATENYOU

ONI SHOGWATAGWEN

BY J. A. WILKES, JR., OHSWEGON KAIHONHATATYE, U. C

NEW-YORK:

PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.

Howe & Bates, Printers.

1836.

THE GOSPEL
OF OUR
LORD AND SAVIOUR JESUS CHRIST

ACCORDING TO

SAINT MATTHEW,

TRANSLATED INTO THE MOHAWK LANGUAGE

BY A. HILL,

AND CORRECTED BY

J. A. WILKES, JR., GRAND RIVER, U. C.

NEW-YORK:

PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.

Howe & Bates, Printers.

1836.

NE NE KAHYATONHSERADOGENHTI

JINIYAWEAONH NE

ROYATADOGENHTI MATTHEW
ROHYATON.

CHAP. I.

Ne watrorih jitagahngwahs-adatye ne Keristus.

NE kahyatonhsera ne ne jikahngwahs-adatye ne Yesus Keristus, ne royen-ah ne Dawed, ne royen-ah ne Agwerent.

2 ¶ Agwerent yeshoyen-ah *Isaac*; oni *Isaac* yeshoyen-ah ne *Jacob*; oni *Jacob* yeshoyen-ah *Judas* oni yeshagononhkwe;

3 Neoni *Judas* yeshoyen-ah *Phares* oni *Zara* ne *Tamar*-haga; oni *Phares* yeshoyen-ah *Esrom*; oni *Esrom* yeshoyen-ah *Aram*;

5 Neoni *Aram* yeshoyen-ah *Aminadab*; ony *Aminadab* yeshoyen-ah *Naasson*; oni *Naasson* yeshoyen-ah *Salmon*;

5 Neoni *Salmon* yeshoyen-ah *Booz* ne *Rachab*-haga; oni *Booz* yeshoyen-ah *Obed* ne *Ruth*-haga; oni *Obed* yeshoyen-ah *Jesse*;

6 Neoni *Jesse* yeshoyen-ah *Dawed* ne *Korahkowah*; oni *Dawed* ne *Korahkowah* yeshoyen-ah *Solomon* ne ronadeweton ne aonha ne ronchkwe ne *Urias*;

7 Neoni *Solomon* yeshoyen-ah *Roboam*; oni *Roboam* yeshoyen-ah *Abia*; oni *Abia* yeshoyen-ah *Asa*;

8 Neoni *Asa* yeshoyen-ah *Josaphat*; oni *Josaphat*; yeshoyen-ah *Joram*; oni *Joram* yeshoyen-ah *Ozias*;

9 Neoni *Ozias* yeshoyen-ah *Joatham*; oni *Joatham* yeshoyen-ah *Achaz*; oni *Achaz* yeshoyen-ah *Ezekias*;

10 Neoni *Ezekias* yeshoyen-ah *Manasses*; oni *Manasses* yeshoyen-ah *Amon*; oni *Amon* yeshoyen-ah *Josias*;

11 Neoni *Josias* yeshoyen-ah *Jechonias* oni ne shagononhkwe e,ethone ehnyaweaonh shahonwadiyahawe *Babylon*;

12 Ne ethone ohnagengeh nen shiyahonwadiyathewe *Babylon*, *Jechonias* yeshoyen-ah *Salathiel*; oni *Salathiel* yeshoyen-ah *Zorobabel*;

13 Neoni *Zorobabel* yeshoyen-ah *Abiud*; oni *Abiud* yeshoyen-ah *Eliakim*; oni *Eliakim* yeshoyen-ah *Azor*;

14 Neoni *Azor* yeshoyen-ah *Sadoc*; oni *Sadoc* yeshoyen-ah *Achim*; oni *Achim* yeshoyen-ah *Eliud*;

15 Neoni *Eliud* yeshoyen-ah *Eleazor*; oni *Eleazor* yeshoyen-ah *Matthan*; oni *Matthan* yeshoyen-ah *Jacob*;

16 Neoni *Jacob* yeshoyen-ah *Joseph* ne rone ne *Mary*, ehnonweh nihonageraton ne *Yesus*, ne ronwayats **KERISTUS**.

17 Ne agwegon jitagahnegwahsadatye tyodahsawe Agwerent jiniyore Dawed kea-niyocht kayeri-yawenre nikahnegwahsageh; ehtedyodahsawe Dawed jiniyagahewe shiyaondadyathewe *Babylon* jinigon kayeri-yawenre nikahnegwahsageh; nen eren shonsahonwadiyatenhawihte ehnonweh *Babylon* yahonnewe Keristus-neh kea-nigon kayeri-yawenre nikahnegwahsageh.

18 ¶ Nonwa rotonnih *Yesus* Keristus ne naah jiniyaweaonh: ne ronistenha *Mary* ne rodirihwisson ne *Joseph*, arekho tehodinyagon, waganeronne tayeyenhtahkwe Ronigonhriyohstonne.

19 Ethone *Joseph* aonha rone, igen roderihwagwarihsyon, oni yahterehre agerihowanahte, agarihonni atehenhsera, agwah irehre skenen-ah engyatondi.

20 Neoni ehniyoht negen rennonhtonyon, sadkaht-hoh, ne raoronhyagehronon ne Royaner wagagwatho raoserenhtagon, wagenron, *Joseph*, royen-ah Dawed, tohsa tesadonharenronh ne taejateranegen ne *Mary* teseniteron: igen ne nahoten aonhatseragon yeyadat ne ne Ronigonhriyohstonne tyoyenhtahkon.

21 Neoni wadewetonne royen-ah, oni enhtsenatonhkwe **YESUS**; igen ensehshagoyatago ne raongweta jiniyagorihwaneren.

22 (Neoni kengayen agwegon etho niyaweaonh, ne wahonni yegayerihserere jinahoten ne *prophet* rodatih Royanerhne, wahrenon,

23 Sadkahtoh, yahte-kanahkwayenterih kaneron-sere, ne oni shayadat ronwayen wadewetonhsere, neoni onhonwanatonhkwe raohseana EMMANUEL, ne nahoton tekaweanatennyon, Niyoh hitewese.)

24 Ethone *Joseph* nen wahaye ji rotas ehnahayere jiniyoht ne raoronhyagehronon ne Royaner jinihaweanih, oni tehniteron wat,ateranegen:

25 Neoni yah-tehayenterhaonh jinahe onen shonwadeweton tyotyerenhton royen-ah: neoni wahonatonhkwe raohseana YESUS.

CHAP. II.

Ne ne ronttokhaskwe jitkarahkwinegense tahonnehte, ojistohk wahodinatornahse ka-nonweh ne Keristus nahatonni.

ETHOHKEH nonwa *Yesus* onen rotonnih ehronweh *Bethlehem* ne *Judea*, shihodehniseratennyonhkwe ne *Herod* ne korahkawah, sadkahtoh, rodinigonh-rowanenhse jitkarahkwinegense nonkadih tahadiyentahkwe wahonnewe *Jerusalem*.

2 Wahoniron, ka nihenteron ne rotonnih Korahkawah ne *Jews*-haga? igen waagwadkahtoh ne raojistohk jitkarahkwinegense, neoni waagwawe ne wahonni ne ahshagweanidenhtase.

3 Ne *Herod* korahkawah onwa onen rothonde *kenigen jinikarihotense*, wathodonharenronh, oni radigweton ne *Jerusalem*.

4 Neoni ne onen wahshagotkeanisaachte agweton ne ronweaneanagerahton shagodirihonyeanih neoni ne shagodihyatonse nongwehogan, wahshagorihwanonton ka nit-karihwisson ne ehnonweh ehononnih ne *Keristus*.

5 Neoni wahonwenhahse raonha, waairon jinonweh *Bethlehem* ne *Judea*; igen kea-niyohht jikahyatone ne propheteh,

6 Neoni ise *Bethlehem*, yonhwenjade *Juda*, yah sonhaah tegenh kea-nihsaah yesewagweton ne yekowanenhse ne *Juda*: igen isegeh enthayentahkwe ne *Rayatagweniyoh*, ne enhshagotsteriste nagongweda *Iserathaga*.

7 Ethohkeh *Herod*, ne onenh skenen-ah yahshagonke ne rodimigonhrowanenhse, washagorihwanondonse jinahe tyoronradihronne ne ojistohk.

8 Neoni wahshagonhane wahrenron Sewahtenti *Bethlehem* ne, neoni agwah sewesak ne rakshaah; oni nense-watshenri raonha enskwahrerih, wahonni ehyaagewe iih oni ahiyeandenhtase.

9 Ne onen ronwathonde ne korahkowah, wahnontenti; oni, sadkahtoh, n'ojistohk, ne rontkahtohskwe jitkarahkwinegense, ohenton onhtenti, oni yahahonwe ne-
oni watkatane teyotogenhton jinonweh ni kayen ne rakshaah.

10 Ne onwa shahontkahtoh n'ojistohk, wahondonharen ne yonehragwaht kowanen adonharahk.

11 Neoni ne onen ronadaweyaton kanonhsagon, wahontkahtoh ne rakshaah neoni *Mary* ne ronistenhah, oni agwah wathontragwenhtarho, wahnweandenhtase; neoni jinihodiyeen wahadinondekshi, ronwawihe: ojinegwar karistanoron, neoni kahnehtagon, oni kanerahtiyoh.

12 Neoni Niyoh wahshagotogaten wahshagaweyen ne oserehtagon ne yahtha-thonsahonhkete Herod-neh, thiyohahade jiniyonsahonne raonadonhwenjageh.

13 ¶ Ethohkeh onwa onen jiwahonhtenti, sadkahtoh, ne raoronhyagehronon ne Royaner wahodyadatatshe *Joseph* kaserenhtagon, wahrenron, Satketskoh, oni yahashawh ne rakshaah neoni ne ronistenhah, oni sategoh *Egypt* niyahase, neoni etho jiterondak jiniyore enhskon-yenhase: igen ne *Herod* enhoyatisake ne rakshaah ne wahonni roryohsere.

14 Ethohkeh wahatketsko, wahoye...awe ne rakshaah oni ne ronistenhah ahsontheane, oni wahahtenti *Egypt* nonkadih:

15 Neoni etho nahhe yehenteron jinahrenheye ne *Herod*: ne wahonni agwah togenhske watonhsere ne nahoten rodatih ne *prophet*, ne Royanerhne wahrenron, *Egypt*-neh wahironhyenhare ne iyen-ah.

16 Ethohkeh *Herod*, shahadkahtho ne rodinigonhrowanenhse ronwanigonrhateani, ethone agwah wahonakhwen, neoni odyake shagonhaonh, ne wahshagodiryo agwegan ne exhaogon-ah ne *Bethlehem*, neoni ok-thateyohkwatasetonh jiradinagere, ne teyohserageh jiniyagaskwe odyake senha niyagasa, ji agwah shagorihwanegeanih ne rodinigonhrowanenhse katkeh ni-hotonnih ne rakshaah.

17 Ethone tagarihwayerine ehnaaweane jinihodadihne netho *Jeremy* ne *prophet*, jinihawen.

18 Etho nonweh *Rama* oweana waonronke, yagonigonhraxhense, yontstaranih, oni kowanen teyonshenthohseron, *Rachel* tewahshenthohs aoriwa ne agoyen-ogonah, neoni yahtewehre ayongweyen, igen yah kanega teyense.

19 Ethone onen shihawenheyonne ne *Herod*, sadkahthoh, raoronhyagehronon ne *Royamer* wahodyadatatshe *Joseph* ne kaserenhtagon ne *Egypt* nonweh.

20 Wahrenron, satketskoh, ehtsyatenhawh ne rakshaah oni ronistenhah, isegeh, oni yasahtenti raodnhwenjageh ne Iseratt: igen ronenhon ne ronexasikwe ne raodnhets ne rakshaah.

21 Ethohkeh wahatketskoh, wahoyatenhawe ne rakshaah oni ronistenhah, neoni yaharawe raodnhwenjageh ne Iseratt.

22 Ne ok saharonke ne *Archelaus* ronwagowanahon, *Judea* jithonakte ne ronihah *Herod*, wahohteronne netho niyahare: ok ne Niyoh wahotogaten ne oserenhtagon, ne wahonni akte wahahtenti *Galilee* nonkadih:

23 Neoni yaharawe ehwaheanagerate jikanatayen konwayats *Nazareth*: ne wahonni agwah togenhske watonhsere ne nahoten rondadihne ne prophet-hogon, Enhonwanatonhkwe Nazarene-haga.

CHAP. III.

John roderihwahnoton ne shagohnegoserahs; rohnegoserhon ne Keristus kaihkhonhagon Jordan.

ETHONE shiwehniseratennyonhkwe warawe *John* shagohnegoserahs, roderihwahnotondyese karhagon ne *Judea*,

2 Neoni ratonne, sasewadatrewaht: igen ne aoyanertsera ne karonhyageh kea ok etho.

3 Asagenh raonha negea-enh thoigen rodadihne ne prophet *Esaias*, ratonne, Tayeweanotatye ne karhagon, Senigwatago jinontahawenonhatye ne Royaner, senitawarihsi ne rohaha-ogen.

4 Oni ne shahayadat *John* ne ne raonena *Camel* aononhwerhon, oni ohnah tehodyagwaranhaston; oni jinahoten iraks kwenyoh neoni ji-iks oshes.

5 Nen tenhnon ehwahonnehte raonhageh *Jerusalem*, agwegon oni ne *Judea*, oni agwegon yanagerenyon thateyohkwatseton ne *Jordan*,

6 Neoni ethone wahontnegoserahwe raonhageh etho *Jordan*, oni ene-wahononni ne raodirihwaneraakshera.

7 ¶ Nok nen shahadkahtoh eso radi ehwahonnewe jinonwe nihshagohnegoserahs, wahshagawenhahse rononha, O sewahnegwawsate ne kenhnyaraxhen, onhka yetshirihwadatih ne aesewatego ne kanakhwenhsera ne tawe?

8 Karo kasenihawh jinikaystehserotense ne shategena ne jondatrewhatha:

9 Neoni tohsa sewennononhtonyon nahesewenron ne jonhatseragon, yongwayen ne Agwerent ne shongwanihah: igen Iih wagwenhahse ne Niyoh enhagweni ne ken igen kanenyageron ahshagogetskwahte exha-ogon-ah jinonkadiah Agwerent.

10 Neoni nonwa n'atogan ehkayen ohtehrageh ne karonta-ogon: ne engarihonni niyadekarontageh ne yahtewahyanyontha ne wahiyose engayagon, oni ojistageh yeayagoti.

11 Iih togenhske gwaserahs ohnekanohs ne naonsayondatrewahte: nok raonha ne tare ohnagen rageshatstehserageanyon niih, ne ne raohta yah ne shateyagena ne taagehkwe: ne ne raonh enhtshisewahnegos erahwe ne Ronigonhriyohston engene n'ojire:

12 Kaweyah oni rahawe ne rasongeh, ken nenhayerenhronehanyon raohswengarageh, enharoroke ne raweanekeri ehnyenayen jikayendahkwa; nok enhatshahte ne oshewohtshera enrate ne yahtewaswahs n'ojire.

13 ¶ Ethone Yesus tontahayenhtahkwe *Galilee* ken ware *Jordan* ji hitrese *John*, ne nahohnegoserahwe ne raonha.

14 Nok *John* wahorihwahsten, wahrenron, lih tenhnon teyotonbwenjohon n'asknegoserahwe, lihne kadi genh nondahse ?

15 Neoni Yesus saharihwaserago oni wahawenhahse, asehre eh nissa niyawen nonwa : igen keaniyawenhserene n'ayotkonyenhsthageh n'ongenonha hendeninahne agwegon ne aderihwagwarihsyonhsera. Ethone kadi waha-thondate.

16 Neoni ne Yesus, ne onen shahatnegoserahwe, yansahanonaran yogondatye jisahatogo, oni, sadkahthoh, ondenhotongo jitkaronhyade raonhageh, oni wahadkahthoh ne raonigonhriyohston ne Niyoh tondasennte jiniyoht ne Oride-kowah, oni raonhageh onnitskwaren :

17 Neoni, sadkahthoh, agoweana kas-onhyagon nontawe, yonton, ne ne gea-enh rinoronhkhwa Iyen-ah, ne raonhageh agwah wageryentiyohs.

CHAP. IV.

Keristus rawendondyehton oni okthihonwadendoryaton.

NETHONE jinaawen Yesus yehonwahsharinonh enegen ne ne Kanigonra ne nontahaweronhatyense ne onehsonhronon.

2 Neoni ne onen shihawendondyehton kayeri niwahniserahshen kayeri oni niwahsondahshen, raonha ohnagengeh nen wahatonhkaryake.

3 Neoni ne ethone ehwarawe ne okthenhoyeron raonhageh, wahrenron, Tokat nongenh ise ne Niyoh ronwayen, to-senhahs ken-igen kanenyageron kanatarohk watonh.

4 Nok saharihwaserago wahrenron, Kahyaton wahhi, rongweh yahne-ok thahronhehkwen kanatarohk yadekayatih, nok niyadeweanageh tkayagense ne rahsagonh ne Niyoh.

5 Ethone n'onehsonhronon enegen niyahoyatenhawe ne onatadogenhtigeh, oni ehyahotskwaren agwah enegen kanonhsoharageh n'ononhs-adogenhti-kowah,

6 Neoni wahawenhahse, Tokat nongenh ise ne Niyoh ronwayen, yasadyadenht: igen kahyatonh, Enhshagorihon raoronhyagehronon ne engarihonni nise; ne ne kondihsnongeh tenyesahwenharago, ne ten-ens ji ok nonweh tengarine ne sahsigeh otstenhrageh engayenhte.

7 Yesus tontahadatih raonhageh, Kahyaton wahhi shegon, Tohsa othenonahtsyeron ne Royaner sa-Niyoh.

8 Shegon are, n'onehsonhronon kea-niyahoyatenhawe jinonweh ne aonhaah enegenh yonontes, oni wahonatonhahse agwegon jinkayanertserotense jiniyonhwenja, oni aonadonwesehtsera;

9 Neoni wahawenhahse raonha, Iih engonyon agwegon jiniyotyerenh, ne tokaehtageh ahsadyatondi nok honi ahskweanidenhten iih.

10 Ethone wahrenhahse ne Yesus, Eren seht *Satan*: igen wahhi kahyaton watonh, Ehtserihwanegen ne Royaner sa-Niyoh, raonhaahoh ok enhtsyotens.

11 Ethone n'onehsonhronon sahoayatonti, oni, sadkahthoh, kondironhyagehronon wagonnewe wathonwahsnyene raonha.

12 ¶ Nonwa ethone Yesus waharonke ne *John* nen ronwayatinyonten jiyondadenhotonhkwa, wahahtenti warehte *Galilee*;

13 Neoni yahadohetste *Nazareth*, yaharawe ehyahanagerate *Capernaum*, igen kanyatarakta nonkadihkon, enegeraaserakta, ne *Zabulon* oni *Nephtalim*:

14 Ne wahonni yagarihwayerine jinihodatih ne *Esaias* royatadogenhtigenha, ne rawen,

15 Jiyonhwenjade ne *Zabulon*, oni Jiyonhwenjade ne *Nephtalim*, ehnonkadih kanyatarakta, isi nonkadih ne *Jordan*, ne naah *Galilee* raononhwenjageh ne *Gentiles*;

16 Ne ronongwehogon anyoht tyogarahs ji iyense wahadigen kadi kowanen teyohswathe; neoni rononhageh ne ehraditeron jinonweh yaweht yodahsatare ne kenheyon nen yoderihwagetskwen ne teyohswathe.

17 ¶ Ethone tyodahsawe ne Yesus onen roderihwahnoton, ne ne raton, Jadatrewaht: igen ne kayanertsera ne karonhyageh ken ok etho.

18 ¶ Neoni Yesus, ire kanyataraktatye ne *Galilee*, washagogen yadadenonhkwe, *Simon* ronwanatonhkwa Gwiter, oni *Andrew* yadatogen-ah, yadenyerohs: igen ne ne nijagwas nihyatyerha.

19 Neoni wahshagawenhahse Itweh, engenihiiron penyetshijagwase ne ongweh.

20 Neoni yogondatye wahonadi ne raonahare, nok wahnwahnonteratyehte.

21 Onen wahonhtenti, nare oya wahshagogen tehni-ahshe yadadenonhkwe, *James* ne royen-ah ne *Zebedee*, oni *John* yadategen-ah, kahonweyagowahne radiyadit ne *Zebedee* ne ronwanihah, shodinikhon ne ahare; oni yahshagononke rononha.

22 Neoni oksha-ok wahyahtkawe ne kahonweyah oni ronwanihah, oni yahnwahnonteratyehte raonha.

23 ¶ Neoni Yesus yathatawenri agwegon ne *Galilee*, wahshagorihonyen raodinonhsadogenhtigeh, oni wahshagoderihwahnotonse orihwadogenhti oni kayanerseragon, wahshagojonte oni niyadekanhrageh yagononhwaktanyonni jiook niyagoyatawenhse.

24 Neoni wadewaderihwareni jiniyenagerahsera ne *Syria*: agwegon ehwaondadyathewe raonhageh ne yagononhwaktanyonni odyake ne ne agwah karonhyagenhserakshen, yagotyeani n'onehsonhronon, odyake ne ne yagononhratkenhse, odyake yawenheyon ne yeyerongeh; ne agwegon sahshagojonte.

25 Neoni wahnwahsere agwah kentyohekowanen nongwehogon ne ne *Galilee*, nityagawenonh oni odyake *Decapolis*, odyake *Jerusalem*, odyake *Judea*, odyake isi nonkadiah ne *Jordan*.

CHAP. V.

Keristus wahadashawen wadehshagorihwatheten onotoharageh:

NEONI wahshagotkahtho kanenhrowanen, wathatane onotoharageh: neoni ne nenwahatyen, wahnnewe ne raotyohkwa raonhageh:

2 Neoni rahsene wahanhotongo, wahshagohironyen, wahnron,

3 Yagodahskats ne yeyesahse ne kanigonhrageh: igen agowenhk ne kayanertseragon ne karonhyageh.

4 Yagodahskats ne yagonigon:anenhse; igen rononha ronwadihrejaronne.

5 Yagodahskats ne yagonigonhranetskha: igen ronwadiragweanire nonhwenja.

6 Yagodahskats ne yontonhkaryaks ony yagonyatathense ne wahonni aderihwarisyonhsera: igen ronah-tasere.

7 Yagodahskats ne yagonitenrehskon: igen ronwadi-tenrane.

8 Yagodahskats ne yahotheron teyore nagaweryaneh: igen ronwatkahthohsere ne Niyoh.

9 Yagodahskats ne skeanon thiyense: igen Niyoh shagoyeaogon-ah yondadenatonne.

10 Yagodahskats ne ronwadihrewahtha wahonni ad-erihwagwarihsyonhsera: igen agowenhk ne kayanertse-ragon ne karonhyageh.

11 Sewadahskats ne ise, neonen ne ongwehohon enyesahswhenhsegeh, oni enyetshiarewahte oni onowen agwegon yotaxhen yesadadyase, ne wahonni iih agerihonyat.

12 Sewadonharak, agwah eso sewadonharak: igen enyetshiyeritshe kowanen ne karonhyagon: igen shate-yhot shagodihnonteratyeskwe prophet-hogon sewahenton.

13 ¶ Ise ne sewahyojis ne onhwenja: nok tokat enwaderagewe ne teyohyojis, ka naontawehte naonsayoy-neren? yahotheron thaonsayontste, ne wahonni atste yeayagoti, oni tenyonhskwaserongo nongwehohon.

14 Jonhha ne aohswatheta n'onhwenja. Wahhi genh, skanatat onontoharageh yah wahhi thaondahsehte.

15 Yah oni ne ongweh thayontegate ohogata, nok kanahkogon ayeyen, nok ken-enyehnyoten jiyehogato-tahkwa; neoni entkahswathete agwegon ne kanonhsa-gon yeteron.

16 Kea-nayawen ne sahswatheta awenehake ohenton n'ongwehohon, ne agarihonni ayontkahtoh ne sayoten-hseriyose, neoni ahonwanenton ne Yanihha ne karonhy-ageh thenteron.

17 Tohsa serhek kenh wagewe nagerihsi ne ahtyaw-enrahtsera, netea-ens ne prophet-hogon; Yah kenh tagehte nagerihsi nok tenhnon engyerite.

18 Igen agwah wagwenhahse, Jiniyore karonya oni onhwenja enwadohetste, yahtenji ne niyorihaah thaondohetste ne ahtyawenrahtseragon, ok naah agwegon eh-nenyaweane.

19 Onhka kiok kadi enhskat ne ken-igen tayerihwarihte jinikariwageh ne oyeri weanah, oni enyondaderihonyen nongweh n'ehnayeyere, enhonwanatonhkwe raonhaah nihraah ne kayanertseragon ne karonhyageh: nok onhka kiok ehnenyeyere, oni enyondaderihonyen jinikariwageh ne shagat enyondadenaton yekowanen ne kayanertseragon ne karonhyageh.

20 Igen wagwenhahse, Ne ne sewaderihwagwarihsyonhsera tokat yahthaondohetste ne raonaderihwagwarihsyonhsera ne *scribes* oni ne *Pharisees*, yahteyaweht aesewadaweyate ne kayanertseragon ne karonhyageh.

21 Sewathondehkwe ne nahoten yondadeani nagoksten-genhaorihwagayon, Tohsa sheryo; oni onhka kiok enyondaderiyo yotteronhk jinenhoyatawen kajenhayentseragon;

22 Nok lih wagwenhahse, ken-igen onhka kiok enhonagwase ne yatadegen-ah ne yahte-honhigon othenon yotteronhk jinenhoyatawen kajenhayentseragon: neoni onhka ok enhawenhahse ne yatadegen-ah, *Raca*, yotteronhk jinenhoyatawen jirodijenhayen: nok onhka kiok enhawenhahse, Senteh, ehnonweh niyotteronhk jiyotekha n'onehshon.

23 Ne kadi wahonni tokat endehshawe n'adatawi etho Altar-neh, neoni enhsehyahrake ne jatadegen-ah othenon ehtsenigonhrakshatha;

24 Kayendak ne saneyonhkwa ohenton ne Altar, oni yasahtenti; tonsajadaderihwiyohsten entewatyerenhte, jatadegen-ah, oni onen karo kaseht sahtkawah ne shawe.

25 Oksa ok, sasanigonhriyon ne tehsadatswenhse jinaheshagon ohahageh isenese; onwa ka ok non-nagenhatye ne yahswenhse enhyayatenhawe jinonka enyesayatorehte, oni ne shagoyatorehtha ahyanahskonni zhagoyenahs ahonhane, oni ayesayatondi jiyondadenhotonh kwa.

26 Agwah wagonyenhahse, yahthaonton n'aonsahsy-ageane nethoh, jinenwe skaristat ensatkarotage.

27 Sewathondehkwe ne nahoten yondadeani nagoksten genha orihwagayon, Tohsa kanahkwa ahserihwanerake.

28 Ok Iih wagwenhahse, Onhka agonhehtyen enyondadadkahtoh ne wahonni shateyoht enyenosha oksaek rorihwanera-agon ne raweryahsagon.

29 Oni tokat jiseweyendehtahkon skahteggeh ensarihwanera akten, kastahgwat, isi yasati: igen neyoyanere jisadonterese, oni aonton ne yahten agwegon jerongeh onehshon thiyayagoti.

30 Oni agenhake jiseweyendehtahkon sesnongeh engarihwanerake, jaak, isi yas-ati: igen neyoyanere jisadonterese: oni aonton yahten agwegon jerongeh onehshori yayagoti.

31 Ken oni yagawen, onhka kiok enhayatonti tehnteron, ken nenhayere enhawen kahyatonhsera tenyondekhahsyate:

32 Nok Iih wagwenhasse, Onhka kiok enhayatonti ne rone, oya engarrihonni ne ok ne kanahkwa engarihwanerake ne wahronnissa aonha oni wagarihwanerake kanahkwa: neoni onhka kiok enhonyage aonha ne yondadyatontyon wahnirihwanerake kanahkwa.

33 Shegon oya, sewathondehkwe jinahoten yagawen wahonnise, Tohsa tondaserihonnekjinisadatih ne saweanahniron, nok tokat saweanahniron tohsa oya agwah nok ehskat ne Royanerhne:

34 Nok Iih wagwenhassee, Tohsa sadatih ne saweanahniron; tohsa oni senhhas ne karonhyageh; igen Niyoh raodeanoshengeh jitkanaktanoron:

35 Nok oni nonhwenjageh; tohsa senhhas igen raonha tehorahtitagenserahkwen: yah oni *Jerusalem*; igen ne ehkanatayen ne Korahkawah rakowanen.

36 Ne tea-ens ne sanonjineh aheseewanahniron, ahsadatih ahsehahse yahtense thaskweni skanc:hkwiserat ahseragenhiste netea-ens ahshonjihste.

37 Nok sadewanagwarihsyonhak nise, etho, etho; yahten, yahten: igen wahhi nahoten ne senha isi nonweh ne ken igen, karihwaneraakseragon tyoyenhtahkon.

38 Sathondehkwe ne yagawen, skagarat yatengene nogara, oni skanawirat yatengene nonawi :

39 Nok Iih wagwenhasse, Tohsa kaserihwahsnyese ne wahetken : nok onhka kiok jiseweyendehtahkon sahranongeh enyesagonreke, yahastad ginyoh ne skadih.

40 Neoni onhka kiok tenjaderihwageani jikajenhayen, oni yenhahawk ne sadyatawet, nok oni ne nonosa terak nissa oneaneeh.

41 Neoni onhka ok ensahsteronse enhskat *mile* niyahesene yahasene tekenih.

42 Sheyon nenyesanegen, oni yasheyon neoni raonha geh ne irehre a-ahtsenih tohsa eren nontajerat.

43 Sewathondehkwe ne yagawen, Shenoronhkwak ne shasyadat, oni sheswenhsek ne yesahswenhse :

44 Nok Iih wagwenhahse, Shenoronhkwak ne yesahswenhse, sheyataterist ne yesadeweanakshateanih, yoyanere jinasheyeras nyesagenhronni, sheyadereanayenhahs ne yesaronhyagenha, oni teyesonharikhon ;

45 Ne wahonni naah ahesewatan shagoyen-ogon-ah ne ehjisewaniha Karonhyageh thenteron : igen raonha ken nenhayere ne raorahkwa entkarahkwinegeane shatenyonsheanonni ne yogoyanere oni yehserohense, oni jienhageanoreste shatenyaweane ne yagoderihwagwarishyon oni ne yahtey agoderihwagwarishyon.

46 Igen engenhake ahshenoronhkwageh ne ne yesarononhkwak, ohnahoten enyesayeritshe ? yah ken ehtehadiyerha ne Radihwistoroks (*Publicans* ?)

47 Neoni ne ok tenshenonhweronhege ne shenonhkwak, nahoten neaneeh isi nonweh jiniyoht nodyake ? yah ken ehtehadiyerha ne Radihwistaroroks ?

48 Ne kadi garihonni kaserihwayerit, shatenyaweane ne ehjisewaniha ne karonhyageh renteron jinithorihwayeri.

CHAP. VI.

Keristus ok onen jinithoyeren roderihwahnoton onotokarageh : ne rohtharakhwen ne tenyondaditenrheke yondereanayen.

SEANIGONHRAYENTONHSEK tohsa ayogen-tane nonywehne ne sheyawire : asegenh tokat ehniyoht yahteyorharats ne a-ahyatonrase ne yanihah karonhyageh renteron.

2 Ne kadi wahonni ne ehnaahsyere nothenon ensheyon, tohsa saderagarerast ne kahonrahwats sahenton, jinihadiyerha ne radigonatahkwa ne *synagogue*-tseragon oni jidekanatogenhseron, heneh-ronadatonnih nongwehne, ne raononwesenhtsera. Agwah wagwenhahse, enhadiyena nenhontonratahkwe.

:Nok nonen ehnsesyere adaditenron, tohsa yotogens ne ehsenegwati sesnongeh jinagayere jiseweyendehtahkon

4 Ne kea-igen ne kentenrehtsera aonhsehton: oni ne yanihak tehaganere wahhi nadahsehtongeh, agwah raonha tenyarihwaseragwaten okthenwatkwatho.

5 ¶ Neoni katkeh onen ehnsadereanayen, tohsa ehna-ger jiniyoht ne radirihwayesatha: radinonwese nahonde-reanayen radigeanyate *synagogue*-tseragon oni jideyodenataktanihon; ne ne tahonwadiganerake heneh-ronadadonni nongwehne, agwah wagwenhahse enhadiyena nenhontonratahkwe.

6 Nok nise, nonen ehnsadereanayen, sadaweyat kishen jinonweh aonhaah nikanaktaah ne sanonhsagon, oni ne onen ensehotonge jikanhogaronte, sadereanayen yanihnehha, adahsehtongeh; neoni yanihak, tehaganere adahsehtongeh; enhyatonraten okthenwatkwatho.

7 Nok nonen ehnsadereanayen, tohsa okhoriwagong aghake, jinihadiyerha ne yahtehodirihwiyohton: igen ronehre enyorihontane genh ji eso rondatihs.

8 Tohsa kadi nise ehnasewaweyanotenhake: igen ne yanihak roderyentare jinahoten tesatonhwenjonni, arekho tesarihwanonton jinatesatonhwenjonni ne raonhageh.

9 Ken kadi nenhsyere jinikarihote nonen ehnsadereanayen: Shongwanihak karonhyageh tehsideron, sahseadadogenhti:

10 Sayanertsera aontawehte: Thahsehre ehniyawen nonhwenjageh, jiniyoht oni ne karonhyageh.

11 Tagwanataranondenhshek oni jiniyadewehniserageh:

12 Neoni tontagwarihwiyohton, jiyongwadatkarotanih jiniyoht ne jagwadaderihwiyohtseanah ne yakhigaretanih.

13 Neoni tohsa tagwahsharineht tewadadeanagerah tongeh, ne sane sajatagwahs ne kondihserohense, igen ise sayanerstera, neoni kashatstenhsera, oni onwesehent-ahstera, ne jiniyenhenwe. Awent.

14 ¶ Igen ne tokat ensehsherihwiyohsten nongweh nahoten ahesanhigon, ise oni Yanihah karonhyageh ensyarihwiyohsten o-nise:

15 Nok oni ne yahthaonsahsherihwiyohsten nongweh ne yesanhigon, yah o-nise ne Yanihah thaons-ahyarih-wiyohsten ne sarihwaneren.

16 ¶ Isi nonka ne kea-igen ne katkeh onen ensondondyehte, tohsa nise, ehnajer jinihadiyerha ne radirihway-esahtha, ok thihoneanewearon ok oya tkiyoht jiradigonh-sonde: kengayen jiniyoht nenyododahsi, nongwehne neay-agawendoneyehte. Agwah lih wagwenhasse, enhadi-yena naah enhodaderihwaseragwahse.

17 Nok nise, katkeh nonen ensondondyehte, seayen arhoe ne sanonjine, senohare ne jiskonhsonde;

18 Ken igen nise tohsa wene'n nongwehne nonen sondondyehton, ne ok Yanihnehah ne yodahsehton: oni ne yanihah, Tehaganere ne adahsehtongeh tkagonte enhyatonren okthenwhaderihwagwatho.

19 ¶ Tohsa othenon sateweyenton ne satshogowahstera nonhwenjageh, ohskenrha se nea-ne engahetkenhte, jinonweh oni ne yenenhskwahs enyerihsi nok enyenenhsko;

20 Ken tenhnon kayen sadateweyentonhahse nahtshogowahstera ne karonhyageh, jinonweh yahothenen thayotken ohskenrha kishen aonsagahetkenhte, ji oni nonweh yahthayondaweyate ne yenenhskwahs naysanen-hsko:

21 Igen jikayen ne satshogowahstera, eh oni ne serih kayen.

22 Ne ne kahswathetsera noyeronta ne wahhi ne og-ara: tokat nongen ne skahtegheh ne ok enhskat, sayeron-tagwegon kahawe kananon ne kahswathedahtsera.

23 Nok oni ne skuhtegheh tokat enwahetkenhake, say-ontagwegon oni entyogarahshege. Nok oni jinniwat ne teyohswathe nisetseteragon entyogarahshege, yon ekragwaht onhte kowanen ne tyogarahs!

24 ¶ Yah onhka ne rongweh tehniyahshe ahonwa-weaniyohake dejaron ahshagoyeritshe: igen ka ok nikayen enhohswen ehskat nok shayadat enhonoronhkwe; netens shayadat enhodyenawaste, ne shayadat enhogenhraten. Yahthayegweni ahonwayotenhse ne Niyoh nok oni tkarenganyehtsera.

25 Ne wahonni Iih wagwenhahse, Tohsa ne aahseanonhtonyonwe jisonhe, nahoten aahsege, ne teas nahsnegira, shegon oni ne jorongeh nahoten asahkwase. Yah ken onhte jiyagonhe senha teyogarowanen jiniyoht naayeke nothenon, nea-ne noyeronta jiniyoht ne karena?

26 Jadkathoh jitea-ah kondidyese; yahtekondiyenthoths, yah oni tegononekeriyaks, nagondiyonte jiyetskwayestha; nok yanihah ne karonhyageh ranontens. Yah ken tesewehre senha ise teyetshigeanyon?

27 Kaok nikayen jinijon nonwa ne tayerenh ahagweni johsidat senha ahahneayesenhake?

28 Neoni ohnyotyeren ne seweanonhtonyon ne kane-na? tejatoreht ken-watonnanyonhs kahehtayenton, gondehyaronhs; yahtegondadyotenhse, yah oni tegondihshe-riye:

29 Neoni shegon Iih sagonyenhahse, kea-igen shateyoht ne *Solomon* agwegon ne ronwesentahkonne yah eh teyoyanere jinihahkwenyoteane jiniyoht ehskat ne kea-igen.

30 Ne kadi wahonni, igen Niyoh rahrawi ne ohonte-ogon ne kahentageh, wahhi nonwa yotonni oni enyorhea-ne nok enwatshahton, yah ken nise senha eso teh-yahrawi, O nigonhah sayen ne tewehtahkon?

31 Ne wahonni tohsa ne seanigonhrayenton, ahsadonhege, nahoten enyagwake? ne-teas nahoten entewahnegira? neoni ka naontawe nayongwarane?

32 (Igen jinonkadiah agwegon jinikariwageh ne kea-igen ne *Gentiles* ronesax:) Igen ne karonhyageh then-teron yanihahroderyentare agwegon ne gea-enh tesat-onhwenjonnih.

33 Nok sewesak tewatyerenht ne kayanertsera ne Niyoh, neoni raoderihwagwarihsyonhtsera; agwegon jinikariwageh negea-enh ehneayaweane nisegeh.

34 Ne wahonni tohsa aahseanonhtonyonwe jineaya-wen nenyorheane; igen nenyorheane tenwadyatorehte se. nea-ne jinahoten teytonhwenjohon. Ethohji wahhi jinigon yoyen niyadewehniserageh ne wahetken.

CHAP. VII.

Keristus waharihokten roderihwahnoton onontoharageh: rorihwahsten yagoserahrehsion tayondadyatorehte.

TOHSA tesheyatoeht, ne nise ne yahthatenjesaya-torehtane.

2 Igen ok ehnenjaweane jinatensheyatorehte, nen ise tenjesayatorehte: neoni jinensheyatenyenten, onhka ok o-nise ne enjesatenyendenste nise.

3 Ohneane-eh sadkahthohs ne raogahrehta ne jatadegen-ah ragahrageh, nok oni yahthatehsyatorehtha ne ise senawasageh ne ne ise skahtegeh?

4 Ne tea-ens thenon nongenh ahtsenhahse ne jatadegen-ah, to-knyotago ne sagahrehta ne skahtegeh; oni, ahsadkahthoh, ne ise senawasageh ne skahtegeh?

5 Ise serihwayesahtha, tewatyerenht isi yasatih ne senawasageh ne skahrageh; ethone nen ise enskahriyohake onen ehnsnyotago ne jatadegen-ah raogahrehta ne ragahrageh;

6 ¶ Tohsa nothenon nokhwadogenhti aahsenonte herhar-hogon, ne tea-ens ne saraseses askehronhahse khweskhwes, asegenh tengonhskwaserongo ne gonhsigeh neoni ehnskonyerate onen ise enyesatkonten-eye-sarajongo.

7 ¶ Serihwanonton, oni enyeson; serak, oni enhsetshenri: yaskonlirekhon, nok enyesanhotongwahse.

8 Igen niyadeyagon ne yerihwanondons yondatawih; naah neoni enyagesakshege yetshenryese; oni raonhageh ne enhagonhrehkon enhonwanhotongwahse.

9 Ne tea-ens onhka nonwa jinijon onhka ok ne roy-en-ah ahoriwanondonse kanatarohk, yenhaon genh raonhka onenya?

10 Ne tea-ens ahoriwanondonse kenjonhk, ne genyehaon nonyare?

11 Nok oni nongenb nise, ne sarihwaneraakskon, saderyentare ki nahoten ne yoyanere ensheyon ne sakshata, to kadi onhte niyaweta Ranihah ne karonhyageh enhshaga-on ne yoyanerese nonhka ok ahonwarihwanegeaniheke?

12 Ne kadi wahonni agwegon jiok nahoten ihsehre ehnyesayerase nongweh, ehnasheyeras rononha; ne negea-enh nyoderihwagwarihsyon oni agoyatadogentishon.

13 ¶ Sadaweyat jikanhogaronte ne wentori: igen kanhogaronh, oni yohahowanen, jinonkadih enyagohsharinente jinonkadih atkaronnyat, oni yawetowanen eh-henyenhte metho:

14 Ne wagarihonni ji wentori jitkanhogaronte, neoni niyohahaah jinonkadih, ayagohsharine ne neayagonhege, oni niyagon-ah neayetshenri.

15 ¶ Sewadeanigonraren ne onowen yetshiyaderihwahnotonse, eheyonwe agonena engeahake teyodinakaronton-ah, nok ne nagonh nonkadih aniyocht onathayon-nih jinikanigonhrakshen:

16 Ensaderyentarane naah onwa jinihodiyotenhseroten. Wani nongweh ayaroke genh onenharatasehon aganyenten, ohiktageh tokat jogahretese enhanyentago orhogtegowah enwaton genh?

17 Eh kadi niyoht jinigon ne karondiyose wadyenththa ne wahiyose; nok ne karondakshen wahyakshen ki na nenganyonten.

18 Igen ne karontiyoh yahteyaweht aonhetkenhake nenganyonten, ji oni niyoht ne karontahetken yotakshen yah wahhi teyorharats ne wahiyoh aganyonten oneane-eh.

19 Niyadekarontageh ne yahteyoyanere naganyentane enyeyake, wahi ehyaagoti ojistageh.

20 Ne kadi wahonni agaonhatseragon enyongwatogense nahoten iwat jiniyagoyotenhseroten.

21 ¶ Yahten niyadeyagon ayondonhege iihne, Sayaner, Sayaner, ayondaweyate kayanertseragon ne karonhyageh; ne ok enwaton ne ehnenyeyere jinithonigonhroten ne Ragenihah ne karonhyageh.

22 Yawetowanen yongweanire netho wehniserade, Sayaner, Sayaner, yah kenh teyongwahne sahseanagon? oni ise sahseanagon yoton-onh skonwadiyatinegeahon onehsbonhronon-ogon? oni ne ise sahseanagon yongway-oten-onh yotyatanenyon?

23 Neoni ethohkeh Iih enkhayenhahse rononhageh, yahnonwenton tegonyenteri; eren kadi seht, nise sayotehkonne sewaderihwatewahtonhseragwegon.

24 ¶ Ne wahonni onhka kiok yagothonde ne ken igen wakthare, nok oni ehneayeyere; ne wahonni tenhsyatye-reane ne ronigonhrowanen, ne otstenrageh wahadenonhsonni:

25 Oni kageanorahserowanen, aonhnoton ayotade, ehtayoyake jinonweh nikanonhsote; yahohthayawen; jikanonhsote; igen otstenhrageh tkanonhsahere.

26 Neoni niyadeyagon ne yagothonde jinigon ne geaenh wagadatih, oni yah ehthenyeyerane, ehneayagoyatawen jiniyoht ne yagoteh nongweh, ehwahadenonhsonni onehsaronhkwageh:

27 Neoni kahstarowanen tonseane, onhnoton, watkaweratase, ehwatyoyake jikanonhsote; ondenonhsarihsi: yorihowanen ji naawen.

28 Neoni ehnaaweane, ne onen Yesus saharihokten jinigon wahrenon, nongwehgon eso waagorihwanehrago jiniwatroriyahrtseroten:

29 Igen jiwahshagorihonyen jinikarihoten agwah kashats, tenhsera jirodatih, yah ehteyoht jiniyoht ne *Scribes*.

CHAP. VIII.

Keristus sahshagojontanyon ne Leper, ji ok nahoten niyagoyatawense.

NEONEN shatontahatsnenhte jiyononte, kentyohkowanen tehonityohkondatyne raonha.

2 ¶ Oni jadakthoh, ehwarawe ronhrare ne *Leper* oni wahonidenhtase, raonha, wahrenon, Sayaner, tokat ensathodate, ehskweni ehskajonte jiniwagyatawense.

3 Neoni Yesus wathonisonhsaren, keaniyahoyere raonha, wahrenon, ehngyere; nen ki sahsadewhha. Oni yogondatyne ne *leprosy* sonderagewe.

4 Oni Yesus wahawenhahse raonha, sadkahthoh tohsa nongweh shehrori; ne ok heren saseht, ehtsenatonhahs tenhnon ne Rajihenhstaji, neoni ehnenhsyere ji ensheyon jinihawen ne *Moses*, ne enwatenyendenhstahkon rononhageh.

5 ¶ Ne onen Yesus hiyahadaweyate ne *Capernaum*, ehwarawe ne *Centurion*, wahorihwanegen raonha,

6 Neoni wahrenron, Sayaner, rinbase rayatyonna rononhwaktanih ne ne *palsy*, agwah yonigonhrakshat jinihoronhyagen.

7 Neoni Yesus wahawenhahse, ehyenge enshijonte.

8 Ne kadi *Centurion* sabarihwaserago, wahrenron, Sayaner, yahohestonhah tekariwa jinigyatoden ne ehyaahse jitewagadahskwahere: ne ok nenhsadatih, saweana enhshojonte ne rinbase.

9 Igen lih ne hejin wagityohkwayen, shoder, iih entkeanonhton enhiyenhahse ken rongweh, waas, Ehyenre; nok hare oya, engiron Kaats, entre naah; oni rinbase, engiron Ehnajer, ehnenhayere.

10 Ne ne Yesus rothonde, wahonehrago, oni wahshagawenhahse jinigon ne ronne, Agwah lih wagwenhahse yahkanega tewagetshenryon ehnikowanen aontayagawehtahkon, yahten, ki ne Iserathaga.

11 Neoni wagwenhahse heso negen-enh ken hentyeyenhtahkwe jitkarahkwinegense oni jiyatewatsothos, oni enhsakahne enhontyen, ne Agwerent, oni *Isaac*, oni Jacob, kayanertseragon ne karonhyageh.

12 Nok ne kakshata ne ken kayanertsera ronwadiyatinegenhse ahsatagon niyenne; enwatsjitigo teayagonawiroke.

13 Neoni Yesus wawenhahse ne *Centurion*, Heren saseht; igen ehnaawen jidesehtahkon, etho nyawen nisegeh. Neoni ne ronbase sahayewentane ok oni ne wadate ne *hour*.

14 ¶ Neoni ne onen shahadaweyate *Peter* jirononhsote wahadkahthoh ne rone onistenhah yeyatyonna, yagonhwaktanih yatogonhkwarhohse.

15 Neoni keaniyahayere kasnongeh, neoni waodetonkwahrago; neoni ontketsko oni ondadenhane wagotsteriste.

16 ¶ Ji onen waogarahwe, ehwaondadyatheon eso yagonh ne ne yagonadeweaniyohston onehshonhrononogon; sahadiyatinegenwe kanigonhrakshen-ogon ne ok raoweanawarate, agwegon nea-ne sayeyewentane.

17 Ne kadi wahonni yagarihwayerine jinihodadihne ne *Prophet Esaias*, rawen, raonha wathadadehkwase jiniyongwayatawenhse, oni wahadahkatstatshe ongwanonhwaktenhsera.

18 ¶ Nonwa ne onen wahadkahtoh agwah kentyohkowanen watheanityohkonten raonha, oni washagodatyase ne nahonhtenti eren nakaihohhatih.

19 Neoni rayatatoen ehwarawe ne nariwa *Scribe*, oni wahawenhahse, Tageweaniyo, Iih hentene engonhsere ji ok nonweh niyenhenhse.

20 Neoni Yesus sahawenhahse ne rongweh, wahi jitsho yonatshonwenyon, oni jiten-ogon gontsjinahkonnihs nea-neeh; ne ronwayen nongweh yah kanega tehonak-tayen jiyahadenonjistayen.

21 Neoni shayadat ne jinihotyohkwa wahawenhahse, Sayaner, nyare tewatyerenht shiyadata-anhah ne ragenihah.

22 Nok Yesus sahawenhahse, Takser; rononha nissa ne raonenheyonta ronwayadata.

23 ¶ Neonen sahadita ne kahonwagon, wahonne ne raotyohkwa wahonwahsere.

24 Neoni, sadkahtoh, wagawerowanahte watyongwarehste ne kanyatarageh, agwah waganehragwahte onen watnegitaahs; nok raonha rotas.

25 Neoni ne raotyohkwa wahonnehte raonhageh, oni wahonwayehte, wahoniron, Sayaner, tagwayatagenha; waditewenheye,

26 Neoni wahshagawenhahse, Ohnea-neeh wesewahteronne O nigonhah tisewehtahkon? Ethone wahadketsko, oni wahariste ji yaote oni ne kanyatare; oni wahondarayewentho.

27 Jinihadi wahodirihwanehrago, rontonyon, Ot-honhte agwah nahrongwetodenh, jinaawen owera kanyatare wahonweanarhkwe?

28 ¶ Neonen shiyaharawe ne eren-nakanyataradi en agerahseragon ne *Gergesenes*, ehwathonerane tehniyahshe ne ne yonadeweaniyohston onehshonhronon-ogon, ok keanonweh thondane jiyondyadataahstha, oni jinategyaongwetanonyaniht nihserohen, yah onhka thohah tha-ayenhte jitehyatawenri.

29 Oni, sadkahthoh, wathodihenrehte, wahniron, nahoten nayagyatyera, nisegeh Yesus, ne nise yayen-ah ne Niyoh? kenthoh genh tahsehte neorskenironhyagenhte arekhose yeyoderihwihhe?

30 Neoni inonh niyore ji-ninese jigonnese khweskhweshogon teyonatskahontyese.

31 Ne kadi nonehshonhronon wahonweanidenhten, raonha wagoniron, tokat ensehskwayatinegenwe enwaton genh ne khweskhweshogon aonsayagwatyenahse.

32 Oni wahshagawenahse, wasene, ne onen sahadiyageane onen khweskhwestseragon sahondaweyate: oni, sadkathoh, khweskhwestseragwegon watkonrahtade yoderonhyenton yagontsnenhte wagarenre kanyataragon, yagondiskonne.

33 Neoni jinigon raoditshenen-genha wahontego, okthiyathonnehseron jikanatayen, wahontrori jiniyadekariwageh, jinaawen ne ronatyeanihne Onehshonhrononogon.

34 Neoni, sadkahthoh, kanatagon agwegon waeyageane yathonwaterahte Yesus: ne onen wahonwadkahtho, wathonwanonweron ne ne akte nonkadiah niyaonsare ne ehnonweh.

CHAP. IX.

Keristus sahshagojonte yagononhwaktani ne Palsy.

NEONI sahadita kahonweyagowahne, tonsahayayake, sarahwe jinonweh raonha ranagerahseragonh kanatagon.

2 Neoni, sadkahthoh, ehwahonwayathewe raonhageh rononhwaktani ne ne *palsy*, rayatyonnitye kanaktageh: neoni Yesus, wahagenh anyoh thonehtahkon, wahawenahse ne rononhwaktani; Gonyen-ah, sadeanigonhkatstat; sarihwaneraakshera sayesarihwiyohsten.

3 Neoni, sadkathoh, radiyatatogen ne *Scribes* wahonnehre ne rononhatseragon, Ne gea-ne rongweh waharihwanerake ne kowanen.

4 Neoni Yesus, roderyentare jironnonhtonyon, rawen, ohnyotyeren isewehre jonha wahetken ne sewerihogon?

5 Igen kanikayen onhte watyesenha, nayairon, sayesarihwiyohsten nise; netea-ens nayairon, Testan, sahtenti?

6 Nok kenkayen ahesewaderyentarake ne ronwayen nongweh roshatstenhserayen nonhwenjageh nensehshagorihwiyohsten ne yagorihwaneren, (nen wahawenhahse ne rononhwaktani ne *palsy*) Sadketsko, teshk ne sanakta, ehnyonsaseh jidesanonhsote.

7 Neoni wahadketsko, sahahtenti jithononhsote.

8 Nok onen jinikentyohkwa wahontkahtho, wahodirihwanehrago, neoni wahonwayonwesahte Niyoh, jiniyorihowanen shagoshatstenhserawi nongweh.

9 ¶ Neoni ne nen Yesus sahatongohte isi-nonwehshon, wahogen rongweh, ronwayats *Matthew*, ehrenteron jiyondyendakhwa ne radihwistaroroks: neoni wahawenhahse, Takser iih. Oni wathatane, nok wahohsere raonha.

10 Neonen shontongohte nea-neh, Yesus wahatyen radekhonyane kanenhsagon, sadkathoh, kentyohkowanen radihwistaroroks oni rodirihwaneraakskon wahonnewe wahontyen ok-henhsakahne raotyohkwa oni.

11 Neoni ne onen ne *Pharisees* wahontkahtho, wahonwenhahse ne raotyohkwa, Ohnea-neh wathondonte nejisewaweaniyah ne radihwistaroroks nen-tenhnon rodirihwaneraakskon?

12 Nok neane Yesus waharonke negen-enh, wahshagawenhahse, Kengayen yahtha-teyotonhwenjohon ne yagoyanere natshinahkenta, ne ok nyagononhwaktani.

14 Wasene tenhnon jonha sewadadrihonyen nahoten nea-ne kenton, Iih agenigonra nayondaditenre, oni yahtha-gyena ne kaneyonkhkwa: igen yah kenh-tetewage-nonhton ne akhenyente ne yagoyanere, ne ok ne yagorihwaneraakskon ne aonsayondatrewahte.

14 Ethone ehwahonnewe ne raotyohkwa ne *John*, ronton, Oh-naaweane niih nok ne *Pharisees* ronendondyetha yotkate, nok ne seniyohkwa yah nea-ne tehonendon dyetha?

15 Neoni Yesus wahshagawenhahse rononha, Enwaton-genh nondadyen-ogon-ah nen se yonyagon aontshonyonkwe, jiniyore enhskahne ronneset nok enwehniseradeke, nen eren enhonwayatenhawihite ne ronnyakhe, nen-tenhnon ethone ayagawendondyehte.

16 Yah onhka nongweh ayeranendakte nogenhase agenhake agayonneh ayeranendakte; nagonena igen neyeranendakte nase agayonneh, ne ok hegongh ne engahetkenhte senha jiniyohtonne.

17 Yah oni nongweh thayageta ase ne *wine* katshe-tagayonne; nok se tengarine ne katshe, nok ne *wine* enwawerontha, ok ne yagetaas ase ne *wine* ase oni ne katshe, dejarongh tengyatadyatanonhstade.

18 ¶ Shegon ne nihohtharagwen jiniyowageh ne rononhageh, ehwarawe rayatagen ne ne Rarihwagwatagahs oni waherihwanegen raonha, wahrenron, Kheyenah nonhten tyagawenheyon: nok tasheyanisnonhsaren aonhaget, nok enjagonheke.

19 Neoni Yesus wathatane, ok yonsahohserehte, nok oni ne raotyohkwa.

20 Neoni, sadkahthoh, agonhehtyen, ne naonegwenhsa yohetkeaonh tekenih johserare, ehshiyocht rahshonnea nontawe, nok wagayena jidetkagwathon ne raonena:

21 Igen waehre naonhatseragon, Toka-nonna ne ke-eniyahagyere ne raonena, aonsagyewentane.

22 Nok Yesus wathatkarhateni; nonen wahadkatho raonha, wahrenron, Gonyen-ah, skeanen sadadenigon rayen; jidisehtahkon aoriwa sahsyewentane. Ne oninon hehtyen sagayewentane ok ne *hour*.

23 Neoni onen Yesus yaharawe jirononhsote ne rarihwagwatagwahs, oni wahadkatho ronwadinhaonh nongwehohon ronaderitstare,

24 Raonha wahshagawenhahse, Tagwanaktothas; igen yah ne gen-eh ne kayataseah yahte-yawenheyon, ne ok ne yagotas. Neoni wahodiyeshon ne ne wahodigenhraten yaweht.

25 Nek ji onen ne ronongwe sahonwadiyatinegenwe; ethone yahadawayate, neoni wahshagonontsha, ethohkeh sontketsko.

26 Neoni jinaawen watwaderihogo jinihononhwenjanetho.

27 ¶ Neonen ne Yesus eren sarehte ne etho, tehniyahshe tehnirowegon wahonwahsere, tehodihenrehtha, yaton, Ise yayen-ah ne Dawed, ahskenitenre.

28 Neoni shiyaharawe jikanonhsote, ne tehnirowegon yohonwayatoreana: Neoni Yesus wahrenron, Tise-nehtahkon genh ne iihne nisenehre enkkweni ehneayaweane? Wahniron ne raonhageh, Etho, Sayaner.

29 Ethone kea-niyahayere ne nigahtegh, wahrenron, Ne ok engarrihonni jitisenhtahkonh, ehneayaweane.

30 Neoni onen sondenhotongo ne nigahtegh: neoni Yesus wahshagorihwahniratshe, ne wahrenron, Seninig-onrare tohsa onhka yagotogens.

31 Nok rononha, ne ok wathondekhahsi, ok no wahnirih howanahte jinaawen enagerahseragwegon.

32 ¶ Ji nen-wahadiyageane, sadkahthoh, ehwahonwayathewe tehahonhtagwegon rongweh rodeweaniyohsteani onehshonhronon.

33 Ne onen nonehshonhronon shonsagonwayatinegenwe, nen oni sahaweanatane: oni jinikentyohkwa wahodinehrago, ronton, Yahnonwenton teyongwagen jinake Iserathaga shigen.

34 Nok ne *Pharisees* ronton, Raonha shadatinegene onehshonhronon-onogon nese aoriwa ne thayatagweniyo royenawase nonehshonhronon.

35 ¶ Neoni Yesus wathetsdekhawhka jikanatayenton, shagorihonnyeanihatyese ne *Synagogues*, oni roderihwahnotontyese ne Orihwadogenhti ne kayanertseragon, oni sahshagojonte jiok-nikanhroten nongwehneh.

36 Nok onen wahadkahtho jinykentyohkwa, ehnaaweane jiniyoht ne wahshagotenre rononha, igen anyoh wahondonrishenhragon, igen a-naawen, jiniyoht teyodinakaronten-ah yahte-yodiyen ne tagonwadihsnyene.

37 Ethohkeh wahshagawenhahse ne raotyohkwa, Sane jiniyoht enshigen ne yagohehtowanen, nok niyagonghah ne yagoyotens:

38 Jadereanayen kadi ne garihonni ne Royaner jiro-yenthon, ne engarihonni endeshshagonhane ne yagoyotens jinonweli ne raohehtageh.

CHAP. X.

Keristus yahshagonhane te kenihsadire rodirihiwiyohston wahshagorihwahniratshe ne kashatstenhsera.

NEONI ne onen shiyahshagononke raonhageh ne tekenihshadire raotyohkwa, wahshagaon ne kashatstenhsera nenhadisheani ne kondinigonbrakshen, nenwaton enshadiyatingenwe, oni jiok-nahoten agwegon enshagodijonte jiok-neayagoyatawenshege kanhraogon.

2 Ne nonwa ne raodihseana-ogon ne tekenihshadire rodirihiwadogenhti kea-nihadih: Tyotyerenhton, *Simon*, ne ronwanatonhkwa *Peter*, oni *Andrew*, yadategenah; *James* royen-ah ne *Zebedee*, oni *John* yadaten-ah;

3 *Philip*, oni *Bartholomew*, *Thomas*, oni *Matthew* ne rahwistaroroks; *James* ne royen-ah *Alpheus*; oni *Lebeus*, tehahseanarahkwe *Thaddeus*;

4 *Simon* ne Canaan-haga; oni *Judas Iscariot*, ne ne tehonigonhrasere.

5 Ne neh-nihadi tekenihshadire *Yesus* yahshagonhane, neoni jinashagorihon, wahrenron, Tohsa ehniyahasewe jinonka ne ne *Gentiles*, ken oni nonkadih jikanatayenton ne *Samaritans*, tohsa sewadawayat.

6 Senha yoweyenhston ehniyahasewe jiniyoht teyodinagaronton-ah ne *Iserathaga*.

7 Neoni, janiyenhensewe, jiderihwahnoton, enseniron, Ne kayanertseragon ne karonhyageh ok-hetho naah.

8 Enyetshijonte kanhra, oni yetshiragewas ne *lepers*, sayetshigetsko ne yagawenheyon, seawayatiningenweh nonehshonhronon-ogon: watyesenha ji wesewayena, okthenwatyesenhake ji enyetshiyon.

9 Tohsa sadeweanotak ojinegwar karistanoron, yah oni karistagenrat, yah oni nojinegwarakshenskwa sah-natahkne aondahke:

10 Tohsa oni ne yerahkwa nathahinon-onhkeh, yah oni tagenihake adyatawit, yah oni ne ahta, yah oni ne adeanits: igen ne yagoyodatyese enwaton heayondadononte.

11 Neoni jiok-nikanatodenh tokat yonatawenhte en-sewadaweyate, ensewarihwisake etho onhte yaweryenti-yoht; neoni ehnonweh sewenterondak jiniyore eren en-sewehte.

12 Neoni ne onen enyetshinonhsoreane, teyetshinon-weron.

13 Neoni tokat etho jinikanonhsoten, yetshiyon ne sewayanerenhsera: nok yahten kishen yah ne shateg-na, isegeh enskayendahte ne yoyanere.

14 Neoni onhka kiok ne yahthayetshiyadewehkwen, netea-ens ne sewaweana yahthayondahonhsadate, nonen teajisewadekhahsi ne yagononhsote tokat kanatagon, se-wagenrawak ne sewahsigh.

15 Agwah wagwenhahse, keaniyawenhserere yenwa-tongohte jiniyaweaonh ne *Sodom* oni *Gomorrhah* enweh-niseradeke raojenhayentserageh, ne ehkenatayen.

16 Sewadkathoh, lih yagwanhane jiniyoht teyodin-agaronton-ah yagonwanatori jigonnese onathayonni: ne kadi wahonni sewattokhak jiniyoht nonyare, tohsa oni othenon sasewaderihwatewaht jiniyoht oride.

17 Nok sewadadenigonrarak nongwehne: igen ehen-yethiyahkawe jiyagojenhayen, oni enyetshisohkwawis-hon raodinonhsagon *Synagogues*:

18 Neoni enyetshiyatinyonte radikorahshon oni ko-rahkowahne ne niih ageriwa, ne enwatanenyendenhston jinenhodiyaawen oni ne *Gentiles*.

19 Nok nonen ensewadadahskonni, tohsa othenon se-weanonhtonyon nahoten ahesewadatih; igen enyetshiyon naah ok nen *hour* nahoten ensewenron.

20 Igen yah ise tegen nenhsadatih, ne ne kanigonra yanhah enyon nasadatih.

21 Neoni yadategen-ah yenhohtkawe ne nahrenheye nyadategen-ah, neoni ronihah ne shagoyen-ah: oni ne radikshaogon-ah tenhaditane enhonwatkonten ne shagoy-en-ogon-ah, ne engarihonni ehneayaweane enhonwadiryo.

22 Neoni agwegon nongweh, enyetshihswen ne niih akseana engahstonte: nok onhka ok yatenharhokten enhonwayatanonhstade naah.

23 Nok tokat keancayesayere ne ken kanatagon, sawatego akte nonweh: Igen agwah wagonyenhahse, Arekho tensadenatongohton ne Iseratthagageh, jiniyore ne Ronwayen nongweh henrawe.

24 Ne raotyohkwa yahtehotongohton ne roweaniyo, neoni ne ronhase jiniyoht raoyaneta.

25 Etho se jiniyoht igen ne raotyohkwa ne ehnayoh-ton ne raoyaneta, oni ne ronhase jiniyoht ne roweaniyo. Tokat nongenh ahonatonhkwen ne rayatagweniyo jikanonhsote *Beelzebub*, to-kadi onh-niyaweapon ji-ahonwadinatonhkwen ne raononhs-agon ne ne senha agahseanakhshenhake?

26 Tohsa yetshishahnihsek ne agarihonni: igen ya-
hothenon tekarthoron, negeane yahthagatogensere; oni
aonhsehton, negeane yahthiyagatogensere.

27 Nahoten lih gonhrori ne ahsatagon, jinahoten sa-
datih ji-wenteh: oni nahoten sathonde ne sahonhtageh,
yasaderihwahnoton kanonhsoharageh.

28 Neoni tohsa shetshahnihsek rononha ne radiryohs
noyeronta, nok yahthahadigweni agonwaryo nadonhets:
nok ken tenhnon kayen ehtsetshahnihsek ne nenhagweni
dejaron enhahtonte adonhets oni noyeronta onehshon.

29 Yah genh tekenih jiten-ah tewatenhniaon yejo-
ken-ah penis yadeyonenonh? enhsakah kadi netho yah-
teyawehl aonseane onhwenjageh yagayentane ne yah-
thahayatarak ne Yanihah.

30 Nok jinihsanonhkwiserageh ne sanonjine yonyote
wahraton naah.

31 Tohsa kadi sahteronshek; ise naah senha yogaro-
wanen jiniyoht ne tekajitenserageh.

32 Onhka kadi ok iihne eyongeweanaten enyagode-
ryentarake nongweh, shateayawen lih oni tenhihsnyene
raohenton ne Ragenihah ne Karonhyageh.

33 Onhka kadi ok enhagwadonhiyase teayeganerake
nongwehogan, shateayaweane raonha oni lih enhiya-
donhiye raohenton ne Ragenihah ne karonhyageh.

34 Tohsa sewerhek lih wagewe gyenhne ne kayane-
renh nonhwenjageh: yah kenh tewagon nagyenhne ka-
yanerenh ne ok tenhnon nasharegowah.

35 Igen lih wagewe keanigyerane nongweh tengarih-warhene enhotkonten ne ronihah, oni gonwayen-ah enyotkonten onistenhah, oni nagosawhha enyotkonten nawenhonsa.

36 Neoni ne rongweh tenhadatswenhsege raonha raononhsagonh.

37 Raonha ne ronoronhkhwa ronihah tokat ronistenhah senha ji-ni-yoht yahothernon shategena: oni tokat ronoronhkhwa ne royen-ah shagoyen-ah teas senha ji-ni-niyohht yahothernon shategena niihne.

38 Neoni onhka yahtha-taharahkwe ne raoyahsonde, oni yahthahagyanenhawe, yahothernon shategena niihne.

39 Raonha ne entheanonhton jironhe enhohtonse naah: oni tokat enhohtonse jironhe ne iih ageriwa enshatshenri naah.

40 Raonha ne yayenahs, ragyenahs niih; neoni onhka ok enhagyena niih, ne enhayena ne raonha ne thagenhaonh.

41 Raonha ne enhoyena ne royatadogenhti raohseanagon ne royatado genhti, enhayena ne royatadogenhti raotsheanonyahntsera; neoni raonha ne enhoyena ne rode-rihwagwarihsyon, ne rongweh raohseanagon ne roderihwagwarihsyon, ne rongweh, ne kadi enhayena jinenhonwatonradahkwen ne roderihwagwarihsyon.

42 Neoni onhka kiok enshagohnekanonte nayehnegira ne enhskat ne kea-igen niyagasa enhskat *cup* yowistok ohnekanohs, neok ne raoseanagon ne rorihwadogenhti; lih agwah wagwenhahse jonha, raonha yahothernon thagarihonni ne ahohtonse nahonwadonhreani.

CHAP. XI.

Ne John yahshagoteanyehte ne raotyohkwa Keristusneh.

NEONEN shontongohte, ne onen Yesus saharihok-ten jinahshagoteweyeanonyen ne tekenih-shadire, ne rodirihwiyohstongowah nathondekhahsi, nenshagodirihonyen oni enhonderihwahnoton jikanatowanense

2 ¶ Nonwa neonen *John* waharonke jithanhoton raskwase jinihoyotatyese ne Keristus, raonha yahshag-onhane tehniyahshe ne raotyohkwa,

3 Neoni wahawenhahse, Ise genh naah ne yagwenh tare, katon oya enyongwarharege?

4 Neoni Yesus saharihwaserago wahshagawenhahse, Wasene oni ehtsenatonhahse ne *John* shegon jinaawenhseron jinahoten sewathonde oni sewadkahtohs:

5 Tehadironwewon sahadigen, oni yerenhshaksheane sahahtenti, neoni yagonhrare ne *lepers* sayoyanereane, oni teyonhonhtagwewonne sayonronke yagawenheyon sayontketsko, oni yagotenhtenyon waondaderihowanah-ten ne orihwadogenhtiogon.

6 Neoni rodahskats raonha, onhka kiok ne yahthahogenhratane niihne.

7 ¶ Neonen, shathondekhahsi, Yesus tahadahsawen wahshagawenhahse jinikentyohkwa ne hontstonde ne *John*, Ohuise-watyeranohne karhagon ne genh nahesewadkahtoh? nohstyentane watyogarenron ne owerā?

8 Nok ohnaawen neane jisewatkensehronhne? rongweh genh rotsheronyaton nonetskha? Jadkahtoh, ne neane ronyatsheronyaton nonetskha ne na ne korahkowah raodionhshagon raditeron.

9 Nok ohnaawen ji-seweronh gatkensebah? katon royatadogenhti? ahtsisewadkahtoh? togenhske, Iih wagwenhahse, oni isi na-nonweh senha nagoyatadogenhti.

10 Igenh raonha naah ne ronwahyatonse, Sewadkahtoh, Iih yakheyateanyehte ne nagwadenhatsera ohenton ji-skonsonte, ne wahonni enyesatagwahse jiniyehhenh-senonhatye sahenton.

11 Agwah Iih wagwenhahse, Agaonhageh ne yagonageratonh nagonhehtyengeh yah na ne teyagonageratstahkon ne senha ayekowanen jiniyoht *John* shagohnegoserahs: etho sane nea-neh, raonha ne rohsthon ne kayanertseragon ne karonhyageh ne senha rakowanen jiniyoht ne raonha.

12 Neoni jidyodahsawe shihodehniseratenyohkwe ne *John* Shagohnegoserahs jiniyore nonwa ne kayanertseragon ne karonhyageh jiniyoht ne okthagonweanonhtonse, neoni ne yagonigonhrahiron agwah jiniyeshatste jiyeyenas.

13 Igen agwewon ne *prophets* oni ahtyawenratshera yehodirihwadaton jiniyore John-ne.

14 Neoni tokat ehnyoht ehshyena, negen-enh *Elias*, ne ne gen netho tawebsere.

15 Raonha ne tehahonhtonde nahahronkhage, Jinyoh raronk.

16 Nok ka onhte nonweh Iih agahskanenge negen-kahnegwahsade? Thohah teskyatyere jinyoht hekshagogon-ah yetarayan jiyontkehrondahkwa, oni yehshagodironhyenah ne rontenrotyese,

17 Neoni yehanenah, gwahsodonnihne, nok yahthatesewanonnyahkwen; oni gwatshonnyonhkweaniane, nok yahtesewadaditenron.

18 Igen ne *John* sharawe yahteraks yah oni tehahnegirha; neoni waairon, ronehshonhrontserayen.

19 Ne Ronwayen nongweh sharawe hiraks oni rahnegirha; oni rontonyon, Jadkahthoh ne rongweh ne ne rakowanen, neoni ne rahnekagastane, ne *wine*, ne rontenro ne radihwistaroroks, oni rodarihwaneraakskon. Nok kanigonhrowanenhsera enwaton tentkarihwagwarihsi naonah agoyen-ogon-ah.

20 ¶ Ethone tahadahsawen wahshagorihwasten yorihwasatste jikanatowanense jionweh yotongohton kashatstenhsera raoyotenhsera jinihohson, ne wahonni jiyahteshonadatrewahton.

21 Wesewendenhthene, *Chorazin!* wesewendenhthene, *Bethsaida!* igen ne raoshatstenhsera jinihoyotcaonh jinigon ehtshisewahsheaheani jonhageh ehnyaweaonh *Tyre* oni *Sidon*, aonsahonadatrewahton wahonnise ahonaston ahshirakshenhskwa oni ohsehara.

22 Nok Iih wagwenhahse, Keaniyawehsere senha enwatyesehake ne *Tyre* oni *Sidon*, jinhodiyatawen nehnonweh niwehniserade jinatenyetshiyatorehte, jineayawen nise.

23 Oni ise, *Capernaum*, wahhi yetshiyeyenhahkwe ne karonhyageh, nok nenwa kadi yeayetshiyatondi oneshon: igen ne rashatste raoyotenhsera ne jini-kahson nisegeh ehnikahson ne *Sodom*, asegenh ok honen nonwa jinayohton nonwa kenwente.

24 Nok lih wagwenhahse, senha watyesenah jiniyawehsere nehnyonhwenjade ne *Sodom* enwehniseradekejinatayetshiyatorehte, jineayawen nise.

25 Ethohkeh nonweh Yesus, saharihwaserago wah-enron, Wagonyatonren ise, O Ragenih, Sayaner karonyageh oni onhwenjageh, ne wahonni ise sahsehton jinigon negen-enh ronwanahsehteani rodinigonhrowan-enhse, oni okthityodokte ehnonkadih jisadyehton kawirageh.

26 Ok shateyoht, Ragenih: igen anyoh ehniyoht yoyanere jidehskanere.

27 Orihwagwegon ehtewakha Ragenihneha: yah oni onhka nongweh tehonwayenterih ne Ronwayen; ne ok ne Ranihah; yah oni onhka tehonwayenterih ne Ranihah, ne ok ne Ronwayen, oni raonha onhka kiok ne ronwayen ensehshagoriwawase.

28 Kats iihne agwegon ne sewaronhyagenh sewayote oni ne yagohwisheane, oni Iih engonyatorishenthose.

29 Tesehk nogwadyentanyaks, ahskwanageren; igen Iih wagyatanetskha skeneaah nagweryane: oni enhsetshenri adorishenhtera ne sadonhetsherageh.

30 Igen nagwadyentanyaks yahteyokste, akryena oni yahteyokste.

CHAP. XII.

Keristus wahshagoghkwariksi ne Pharisees jiniyotyeren ne Sabbath.

ETHOHKEH nonweh Yesus ronne aondadogenhtongeh wehniserade kahehtagonhshon; ononhste kayenthon, neoni raotyohkwa ronatonhkaryagonhatye, oni tahondahsawen wahadinahsarongo nonenhste, ne nenhadike.

2 Nok neonen ne *Pharisees* wahontkahtoh, wahonwenhahse, raonha, Sadkahtoh, sentyohkwa ehnahadiyere ne yahteyoderihwagwarisyon ne ehnyeyere ne yawendadogenhton wehniserade.

3 Nok sahshagawenhahse rononha, Yah ken naah tesewaweanahnoton ne Dawed jinihoyeren nonen shihotonhkaryagonhatye, ji oni nigon ronne;

4 Eh wahhi yahadaweyate jirononhsote ne Niyoh, oni warake ne onataradogenhti, yahtense teyoyanere ne aharake, yah oni jinigon ne ronne ne ok ne radijihenhtaji?

5 Katon oni yahtesewaweanahnoton nahtyawenratsheregeh, jiniyaweaonh ne ne aondadogenhtongeh wehniserade ne radijihenhstaji ononhsadogenhtigeh wahonwayonwesahte yawendadogenhton, oni yah kadi tehonwadirihwastani?

6 Nok Iih wagwenhahse nise, Kenthoh kanega irate ne rakowanen senha jiniyoht ne kanonhsa ononhsadogenhtigwoah.

7 Nok tokat aondesewaderyentarake nahoten ne genenh kenton, Iih gerihwanonwese ne adaditenron, nok yahten ne kaneyonhkwa, yah wahi onhte tasheyadewendehte ne yahteyagonhigon.

8 Igen ne Ronwayen nongweh Royaner naah oni naondadogenhtongeh.

9 ¶ Neoni nen eren shonsarehte, ehniyahare jirodinonhsote ne *Synagogue*.

10 Neoni, sadkathoh, rongweh ehire ne ronontshagenheyon. Neoni wahonwarihwanononse, wairon, Yoyanere genh aonsayondadejonte ne yawendadogenhton wehniserade? ne nothenon ahadirihwatshenri ne raonha.

11 Neoni raonha wahshagawenhahse, Onhka kadi nonwa jinijon nongweh tokat nongenh ehskat teyodinakaronton-ah, yagayateane nagonh aondadogenhtongeh, yah onhte genh thiyahayena aonsahayatago?

12 Senha wahi ese yotongohton nongweh kanoron jiniyoht ne teyodinakaronton-ah? Ne kadi wahonni yoyanere ne tkarihwayeri jinayontyere naondadogenhtongeh wehniserade.

13 Ethone wahawenhahse ne rongweh, stagwarihsi senontshageh. Neoni wahatagwarihsi; oni ehnonstayoyanereane, jiniyoht ne skadi.

14 Ethone ne *Pharisees* waliadiyageane, yahadijenhyen, to-nayaweane nahonwahtonde.

15 Nok neonen ne Yesus wahotogense, raonha akte warente; oni kentyohekowanen yahonwahserete, oni agwegon sahshagojonte;

16 Neoni wahshagawenhahse radigwegon ne ne tohsa ahonwarihowanahte;

7 Ne ken-igen yagarihwayerine jinihodadihne ne *Esaias* royatadogenhtigenha, jinihawen.

18 Sewadkahtoh nagenhatsera, ne niih kheyataragwen; ne ne khenoronhkhwa, ne nagwadonhets waaweryentiyo: Iih kadi wagyonte negenigonra ne raonhageh, ne wahonni enhshagonatonhahse kajenhayenhtserageh narekho tehodirihwiyohston.

19 Yahteyaweh ahdatteronse, ne tens nahatstaren; yah oni ne nongweh thahonwaweanaronge jidekanatogenhseron.

20 Yahongo-onh ohstyentane yahteyaweht tahayake, oni ayotekhage ohskare yah .na thahaswahte, jiniyore endeshagonhane kajenhayenhtserageh adensheanyehtserageh.

21 Neoni raohseanagonh naah tkagonte ne yahtehodirihwiyohston *Gentiles* enhondeweanodahkwe.

22 ¶ Ethone ehwahonwayathewe raonhageh shayadat rodyagweniyohsteani onehshonhronon, teharonwegaon yahtehadatih: oni ne sahojonte, yagarihwageanyate ki sahagen teharonwegonne oni yahteshaweanatahkwe wahadatih.

23 Neoni agwegaon nongweh waagonehrago, yontonyon, Yah ken ne gen-neh tegen ne royen-ah Dawed?

24 Nok neonen *Pharisees* wahonronge, wahoniron, Ne ken igenh thirongweha jinihayerha shayatinegens onehshonhronon-ogon, wahi ne royenawase *Beelzebub* ne rayatagweniyonehshonhronon.

25 Neoni Yesus roderiyentare jironnonhtonyon, oni wahshagawenhahse, Niyadekayanertserageh ok agaonha tayonnityohtyake agenron eayonton; oni niyadekanatageh tokat oni kanonhsa taondekhahsi yahteyaweht agatage;

26 Oni tokat *Satan* ahoyatinegenwe *Satan*, raonha wahi tehadadekhahsi; to-kadi ne nayaweane raoyanertsera thaonsagatanene genh?

27 Neoni tokat Iih ahagyenawase *Beelzebub* skyatinegens nonehshonhronon-ogon, onhka kadi ne gen-neh rodiyenawase ne yetshiyen-ogon-ah ji shadiyatinegens? ne kadi wahonni rononha enyetshiyatorehte nise.

28 Nok tokat Iih enskyatinegenwe nonehshonhronon engate Raonigonhriyohstahk ne Niyoh, nen kadi ne raoyanertsera ne Niyoh onwe nisegeh.

29 Ne tens, ne keanayaweane enwaton genh nahonhskari tokat renteron ne rashatste, raononhsagon enhahetkenhte ne royen, wahi nyare ahonerenke entewaty-erenhte ne rashatste? ethone onen enhahetkenhte ne raononhsagon.

30 Raonha ne yahteyagenese ragenogaronhs; oni raonha ne yahshahne teyageniroroks tenhatogwahton isinonwehshon.

31 Ne wahonni Iih wagwenhahse, Agwegon ne karihwaneren oni ronwatshaweanoryatha enwaton enjondaderihwiyohsten nongweh: nok nenhonwatshaweanoryate ne Ronigonhriyohston yahteyaweht aonsayondade rihwiyohsten nongwehgon.

32 Neoni onhka kiok enyondatih skaweanat enhonwenhahse ne Ronwayen nongweh, enwaton enshonwarihwiyohsten: nok tokat onhka kiok wahetken enionwenhahse ne Ronigonhriyohton, yahteyaweht aol.sahonwarihwiyohsten, ne ken yonhwenjade, nok oni noya jityonhwenjade ne tawe.

33 Ka ok ni kayen ehniyeyer ayerondiyohste, oni wahiyohste; ne tens ayerondatkanhte ohyahetkeane ki oni; igen enyogentane jinikarondoten, ne ji nahoten wahyanyentha.

34 O kahnegwahsakshen onyare! ohnaahsyere ehse niyoht, wahetken, ahsdatih ne yoyanere? igen tkayagense yotkate agaweryane ehsagonh yondadyatha.

35 Royanere ne rongweh, tkayagense jitkanaktiyoh raweryane, ehtkayenhtahkwa karihwiyohe: oni ne rongwetakshen, wahetken ki jitkayenhtahkwa, ehtkayagense ne karihwakshen.

36 Nok Iih wagwenhahse, Ken igen niyadekaweanageh orihwakshenhsakwa enhondatih nongweh, enyondaderihodahsyase enwehniseradeke kajenhayenhtseragon.

37 Igen saweanaogon enwadyatorehte neayesayeritshu, oni saweanaogon enhsadewendehtahkwa.

38 ¶ Ethone radiyatatogen ne *Scribes* oni ne *Pharisees* wahadirihwaserago, wahoniron, Tagwaweanino, yagwehre ayagwadkahthoh nenwatenyendenhston nisegeh.

39 Nok saharihwaserago wahshagawenhahse rononha, Sewahserohense oni sewanahkwagastha karihwaneren sewahnegwahsad ne kadi sewesaks ne aontenyendenston; yah kadi othenon tenwatenyendenston nayetshiyawi, neok watenyendenston ne Royatadogenhtigenha *Jonas*:

40 Igen ne *Jonas* ahsen niwehniserageh ahsen oni niwahsontage kanegwentagon ne kenjowanen renterondahkwe; eh kadi oni ne Ronwayen nongweh ahsen niwehniserageh ahsen oni niwahsontageh enhenterondake awe-ryane nagonh jiyonhwenjade.

41 Ne ronongweh ne *Nineveh* enshontketsko kajenhayentseragon ok enhskahne ne ken kahnegwahsade, oni enwadewendehton: ne engarihonni shonadatrewah-ton shihoderihwahnoton ne *Jonas*; oni, jadkahtoh, senha rakowanen jiniyoht ne *Jonas* kentho irese.

42 Ne korahkowah agonhehtyen entyegeh ensewatketsko kajenhayentseragon ok enhskahne ne ken kahnegwahsade, oni enhonwanadwendehte: igen ehmontawe jiyodnhwenjoktanihan ne nayothondeke ne raonigonh-rowanenhsara ne *Solomon*; oni, jadkahtoh, senha rakowanen jiniyoht ne *Solomon* kentho irese.

43 Neonen ne kanigonkrakshen shonsagayageane ne rongwetagon, enhahtenti jiyaonhwenjathense, resaks nahadorishen, oni yahtehatshenryese.

44 Ethone enhenron, Nen ki sagahkete jitewagenonhsote sage ehse nitew-agenonh; neonen sharawe, wahatshenri aogon, yonhewen, on: waderaseston.

45 Ethone yahahahtenti, yahahawihte raonha thigate jatahk nikanigonrage ne senha ronongwetakshen jiniyoht ne raonha, oni yahondaweyate ehyahonnagerate: ne kadi nohnagen yahondoktahkwe netho ne rongweh isi nonkadih senha rahetken jiniyoht shondontyerenhte. Ne kadi shateayaweane negen-eh rodrihwaneraakskon yongwetakshen ne ken kahnegwahsade.

46 ¶ Shegon ne nihothare nongwehne, sadkahtoh, ronistenhah oni ne shagononhkwe ehyegeanyate atste, iyenhre ahiweanaran.

47 Ethone shayadat wahawenhahse, Sadkahtoh, sanistenhah shenonhkwe oni ken yegeanyate, iyenhre ayesaweanaran nise.

48 Nok waharihwaterago wahawenhahse raonba nahohrorih, Onhka naah nistenhah? onhka oni ne khenonhkwe?

49 Neoni yaheanontshagwarihsi jinonkadiah ne raotyohkwa, oni wahrenron, Jادkahthoh nistenhah oni khenonhkwe!

50 Igen onhka kiok ehneayere jinithonigonhroton ne Ragenihah karonhyageh thenteron, shateyoht nagyastategen-ah, oni agyadeanosenha, oni istenhah.

CHAP. XIII.

Ne tekarihwagenwahton ne kanen oni ne wahayentho.

NE shaehniserat Yesus wahayageane jikanonhsote, eh yahatyen kanyatarakta.

2 Neoni Agwah kentyohkowanen yagotkeanison raonhageh, ne wahonni kahonwagon wahadita, eh wahatyen, nok ne kentyohkwagwegon eh radigeanyate ehtiyogeh.

3 ¶ Neoni eso yoriwageh niyategonwahadatih ne tekarihwagenwahton, wahrenron, Jادkahthoh, rayenthos wahahntenti wahayenthoisere;

4 Neoni ne onen wahayentho, odyake ne kanen ohaakta yagayentane, neoni jitea-ah tonsagondihkwe wagontekhwisa.

5 Odyake oneayageh yagayentane, ne kanen nigonhah yaonhwenjahere; yohsnore nok waganyo wahonni keanigonhah yonhwenjahere;

6 Neoni jiniyoderahkwagarataton, nok ondyadatsha; igen yahteyohterondaonh, ne wahonni sontagenheye

7 Oni odyake oinyon waragon yagayentane; wagondehyaron nohnyonwara, waodiryo ne kayenthon.

8 Nok odyake jiyonhwenjiyoh yagayentane, wagondehyaron waganenhonten, odyake weanyawe, odyake yayak-niwahshen, odyake ahsea-niwahshen niyohnanet.

9 Onhka tehahonhtonde naharonge, rothondek gin-yoh.

10 Neoni ne raotyohkwa ehwahonnewe, wahnwenhahse, Ohneaneeh nise wahsheyaten tkarihwagenwahton,

11 Raonha saharihwaserago wahshagawenhahse, Ne wahonni wahi yetshiyawi ne nensewaderyentarake ne karihwanoronshon ne kayanertseragon ne karonhyageh nok nodyake yahteyondatawi.

12 Igen onhka kiok royen, enhonwayen, oni shegon senha eso enyotkatege; nok onhka kiok yahteyagoyen, raonha enshonwahkwase saetho nigonhah ahoyentage.

13 Ne wahonni wagadatih tekarihwagenwahton: ne wahonni tehadiganere, yahtense tehodigen; oni ronathonde yahtehonhronkha yah oni tehodinigonhrayentaonh.

14 Neoni ranonhageh yagayerine jiniyehoriwagen ne *Esaias*, waton, Ji ensathondeke ehenhsaronke, nok yahthaesanigonhrayentane; oni tenskanerake enhsadkahthoh, nok yahtiyahshewe:

15 Igen keaigenh ongwehohon raoneryane jinikahniraton, oni ne raonahonhta yahtewahonhsiyoh, oni raodigara tehonaderonwegon; onwa jiook nonweh ayoton-onh ahonadkahthon oni ahonahrongaonh, ne ronhonhtageh, oni aho-dinigonhrayentaonh, ne raoneryane, ne wahonni aonsahonadonhaganonnihon, oni aonsakhejonton.

16 Nok kayataderiston naah ne sewagara, igen yonadkahthos; oni sewahonhta, igen yonathonte.

17 Igen agwah wagwenhahse, Keaigenh eso radihne rodiyatadogenhti oni ronaderihwagwarihsyonne nongweh ronerhahkwe ahadigen jinigon ne keaigenh ne sewadkahthos, nok yahtehonadkahthon; oni ahonathondeke jinikariwageh nise sewathonde, nok yahtehonathonde.

18 Sewadahonhsadat kadi ne tekarihwagenwahton ne rayenthos.

19 Neonen onhka ok yagothondek ne oweana ne ne kayanertseragon, oni yahteyagonigonhrayentase, ethone entre nonehshonhronon, neoni akte enhahawighte ne ne jikayenthonne raweryane. Ne ne geaen ne raonha ne royenah ne kanen ne ne ohahakta yagayentane.

20 Nok raonha royenah ne kanen jinonweh oneyageh yeyoyentaonh, ne shahayadat ne rothondehkwe noweana, oni oksa ok wahadonharen jiroyenah:

21 Shegon yahteyohterondaonh ne raonhatseragon, nok ken ok nahhe shotonni; igen neonen wathonigonhrawenrye wahotswatanyonse no wagarihonni ne oweana, onhwajok ok ne enhagenhraten.

22 Raonha oni ne kenkayen wahayena ne kanen ohikogon, yeyoyentaonh raonha naah ne rothonde noweana; ne ne tehorengeanyon jiyonhwenjade, neoni ronigorhateanis ne atshogowahtshera, ne wao-donryoktakhwe noweana, ne wahonni yahteyonenhontaonh.

23 Nok kenkayen royenah ne kanen ne jinonweh niyonhwenjiyoh raonha naah ne rothondehkwe noweana, oni ronigonhrayentaonh; oni onhyanyenten waganenhonten, yagahewe, odyake teweanyawe, odyake yagahewe yayak niwahshen, odyake ahshea-niwahshen.

24 ¶ Shegon oya tekarihwagenwahton wahaderihwahtendyehte ne rononhageh, ratonne Ne ne kayanertseragon ne karonhyageh aniyocht jiniyoht ne rongweh royenthon kanenhiyoh ne raohehtageh:

25 Nok jinahe rotas, ne ne ronwahswense ehwarawe ehwahayentho kanenhakshen heanekerageh, nen tenhnon eren sarehte.

26 Nok onen waganahsonten, kanenhiyoh, nok oni ehnaaweane nen wene tekayehston ne kanenhshen.

27 Ne kadi ne ronwadinhase ne ehkanonhsagon ehwahonnewe raonhageh wahonniron, Seweaniyo, wahi genh sayenthon kanenhiyoh ne sahehtageh? ka nontawe ne kanenhakshen watkondyeste?

28 Raonha wahshagawenhahse, Ne na ne rakswenhse ehnahayere. Neoni ne ronwadinhase wahonwenhahse, ehkadi genhyeayagwe eayagwaroroke?

29 Nok wahrenron, Tohsa; onwa jiensewaroroke ne kanenhakshen, ensewadehrotongo oni neanekeri.

30 Ginyoh nyare wadonnisa ok ehnskabne jinikano-rarihs; jiniyageanekeriyaks enkheyenhahse nenhadiyake, Sewarorok tewatyerent ne kanenhakshen, sewahryenon-nih enwatshen neaneeh: nok sewarorok neanekeri kanonhsagon sewayont.

31 ¶ Shegon oya tekarihwagenwahton wahaderihwahtendyehte rononhageh, ratonne, Ne ne kayanertseragon ne karonhyageh ehniyoht jiniyoht ne kanen ne *mustard* kanen, wahi rongweh wahayentho raohehtageh:

32 Wahi neane niyeyagosthon nonenhagwegon: nok ne nen onen ondehyaron, aonhaah yehontowanen nohonte-ogonhah anyoh karonta, jiten-ogonhah ehgondahsehtahkwa onenhrogonhshon.

33 Shegon oya tekarihwagenwahton wahshagodaty-
ase rononhageh: Ne ne kayanertseragon ne karonhya-
geh aniyocht jiniyoht ne yottengwahtha, ne nonhehtyen
watkahkwe, onhsehte ahshen niwatenyendentserageh
othesera, jiniyagahewe wagwegon wattengwahton.

34 ¶ Agwegon jinikariwageh rodatih ne Yesus jiken-
tyohkowanen ne tekarihwagenwahton; tokat yahne tha-
hodatige tkarihwagenwahton yahotheron thashagawea-
ni rononha:

35 Ne kadi jiniyaweaoth yoderihwananonh jinihoda-
dihne ne *Prophet*, ratonhahkwe, Iih engenhotongo ji ik-
shagaronte ne tekarihwagenwahton; Iih engeriho-dahsi
orihwagwegon ne yoderihwahsehton shondonhwenjada-
hsawen nonwa keayonhwenjade.

36 Ethone Yesus tonsahshagorenyate ne kentyoh-
kowanen, neoni yahadaweyate kanonhsagon: neoni rao-
tyohkwa ehwahonnewe, wahoniron, Tagwahrerih ne te-
karihwagenwahton ne kanenhak-shen ne kahehtageh
yohnyo-onh.

37 Raonha saharihwaserago wahshagawenhahse, Ra-
onha ne wahayentho ne kanenhiyoh ne na ne Ronwayen
nongweh:

38 Ne ne kahehtageh jiyonhwenjade: ne ne kanen-
hiyoh ne ne kakshatiyose ne kayanertseragon; nok ne
kanenhakshen ne ne raokshata ne rorihwaneraakskon:

39 Ne ne shagohswense ne royentho ne ne oneshon-
hronon: ne ne jiniyageanegeriyaks ne jinenwadonhwen-
jokten; oni ne rononnegeriyaks ne ne radironhyagehronon.

40 Ne kadi wahonni ne kanenhakshen karoron igenh
oni ojistageh eayagoti enwatshen; etho onea ne neayaw-
eane jinenwadonhwenjokten.

41 Ne Ronwayen nongweh tkagonte tahshagonhane
raodironh-yagehronon, agwegon enhshagodiyatodahsi ji-
nikentyohkowanenhsera agwegon ne yagogenhratani-
onh, oni ne jiniyagotyeren ne wahetkenhsragwegon;

42 Neoni ehyenshagodiyatondi jiyotekha-onweh no-
jire: ehnonweh neayondatyesahte onawigenha enwatoge.

43 Ethohkeh neane nyagoderihwagwarihsyon teayonderonronten onen jiniyoht ne karahkwa, ne kayanertseragon ne Ronwanihnehah. Onhka tewahonhtonde nayonronke, ginyoh rothondek.

44 ¶ Nare oya: Ne kayanertseragon ne karonhyageh jiniyoht nagohwista aonhsehton kahehtagon; ka ok nagenhatye ne rongweh ahatsenri, aonsahahsehte, ahadonharen nok ahatenhninon jinihoyen, nok yahadatnionse nehnonweh tkahehtayen.

45 ¶ Nare oya: Ne kayanertseragon ne karonhyageh anyoht jiniyoht ne ratenhninonhskowah, resaks ne senha yorihowanen:

46 Onhka, nonen ahatsenri ne senha yorihowanen, ahatenhninoanke jinihoyen, nok yaonsahahninon nethoh.

47 ¶ Nare oya: Ne kayanertseragon ne karonhyageh jiniyoht ne ahare, kanyatarageh yayago, aontagaroroke ok niyategon:

48 Neonen aganahne, ayagol tarhehte ajakta, neoni enhontyen, tahadiyehstahsi yoyanere kahonwagon enhonneta, nok ne wahetken akte yenhonati.

49 Eh kadi oneane neayaweane ne onen enwadonhwenjokten: ne yeronhyagehronon ethohkeh enthonne, tenhadiyehstahsi ne yagorihwaneren jiyete ne yagoyanere,

50 Eh yenhonwadiyatondi jiyotekha-onweh nojire: jionweh neayondatyesahte agonawigenha tengyatoke.

51 Yesus wahshagawenhahse, Watisewahonhtyentane ken negea-ehh jinikariwageh ken igen? Wahonni-ron etho, naaweane Sayaner.

52 Ethone sahenron rononhageh, Ne kadi wahonni niyadehati ne *Scribe* igense ronwadirihonyeani anyoht kayanertseragon ne karonhyageh, anyoht jiniyoht ne rongweh ne raonha raononhsagon, aontahayageawe ne raohwista jiniyategon ase oni nagayon.

53 Neoni ne onen shontongohte, ne ne onen Yesus sahaweyeanentane jinigon ne tkarihwagenwahton, nen ethone akte yeshawenon.

54 ¶ Neoni onen shiyahonsarawe raonha ji nonweh nihanagere, ehsahshagorihonyen *synagogue*, ne ne jinaawen agwah rodirihwanehrigwas, rontonyen, Ka-onhte nithohah ne gen rongweh jinihonigonra, ji oni nikashatstenhseroten ne raoyotenhsera?

55 Yah ken ne tegen ne ranonhsonnis royen-ah? yah ken ne tegen ne ronistenhah *Mary* konwayats? ne ron-dadenonhkwe, ne *James*, oni *Joses*, oni *Simon*, nok *Judas*?

56 Neoni rondeanosenha, yah onhte gen agwegon tewese? Ka kadi ne gen nithorihwenha ne geane rongweh jinikariwageh?

57 Neoni jiniyoht wahonateronse ne raonhageh. Nok ne Yesus wahshagawenhahse, Wahi nagoyatadogenhti yahteyaweh ne yahthahonwagonyenhsthage, ne ok jionweh nihanagere, oni raonha raononhsagon.

58 Neoni yah agwah othenon tehotyeren ne kayotenhserashatste, ne wahonni ne wahonni ji yahtethonehtahkon.

CHAP. XV.

Herod jitehoyatorehtha ne *Keristus*.

ETHOHKEH nonweh *Herod* ne rahseanowanen rothonde jinihatyerha ne Yesus;

2 Neoni wahshagawenhahse ne shagonhase, Ne ne gea ne *John* ne Shagohnegoserahs: shotketskwen jirawenheyonhne; ne kadi wahonni jinikayotenhserashatste ok rononha shagonatennis.

3 Igen ne *Herod* wahoyena *John*, wahonerenke, wahonhoton wagarihonni *Herodias*, ne nyatadegen-ah *Philip* rone.

4 Igen ne *John* wahawenhahse raonha, Yahteyoweyenhston nise ne tahejatyen raonha.

5 Ne wahonni warehre yoweyenhston onhte nahrenheye, tenhnon ne wahshagotshanige jinikentyohkwa, asegenh ne wahonni jironnehre ne gea ne royatadogenhti.

6 Nok ne onen ne *Herod* raodehnisera raodateanyote, ne kadi ne gonwayen-ah ne *Herodias* wathonnonnyahkwase raodihenton, oni eso wahaweryentiyone *Herod*.

7 Ne kadi aoriwa waharharatsten roweanahniron wahrenron ji ok nahoten engarihwanonton.

8 Neoni aonha, keanaawen onistenhah tayoteweyea-nonyen wagenron ne enhsiron, ne wahonni wagenron, Tagenonjistarhas ne *John* Shagohnegoserahs raononji kehratne engarake.

9 Neoni ne korahkowah wahonigonhrakshen; ethosane nea-nee, nok ki roweanahniron thodatih, neoni ne enhskahne raditeron tehondonts, wahrenron ehniyawen kayetshiyon.

10 Neoni ehnaawen yahshagonhane, yahonwanyaryake ne *John* jithanhotonhkwe.

11 Neoni eh kadi kahratyeh nononji kehratne, nen yagonwayon ne kayatase: ehnyonsagahewe nononji onistenhnehah.

12 Neoni ne raotyohkwa ehwahonnewe wathadihkwe ne oyeronta, wahnwayadata, neoni yahonwahrori ne Yesus.

13 ¶ Ne onen Yesus waharonke jinaaweane, nen eren warehte kahonweyagowahne jinonweh agwah ok akte: ne onen nongwehohon wahonronke, wahnwahsere wahnontenti ehtagehshon onen ne jikanatayenton.

14 Ne onen Yesus wahahtenti, neoni wahshagogen kentyohtswanen, neoni ehnaaweane raonigonra wahshagotenre, ne wahonni wahshagojontanyon ne yagononhwaktanyonni.

15 Ne ji onen waogarahwe, raotyohkwa ehwahonnewe raonhageh, ronton, Agwah ok keanonweh kayese thitewese, oni ontongohte jinijewadehniserenhawise; aonsayonhtentyongo ne jinikentyohkwa, kentens jikanatayenton niyahonne, ahadihninon nahadike.

16 Nok Yesus wahshagawenhahse, Tohsa niyare tetewadekhahsi; yetshinonht teninon nyare.

17 Neoni sahnwenhahse, Ken ok negen nigon jongwayen ne ok wisk niskanatarageh, nok tekenih kenjonhk.

18 Wahrenron, Karo kashawiht iihne.

19 Neoni wahshagawenhahse jinikentyohkwa rontyen kahehtageh; onen watrahkwe ne wisk nikanatarageh, oni tekenih kenjonhk, neoni, karonhyageh yahadkahtoh, wahayatateriste, oni wathayakhon ne kanatarohk; neoni yahshagaon ne raotyohkwa, nok yonsahsagonon jinikentyohkwa.

20 Neoni agwegon wahadike, wahahtane; oni ton-sahadi:kwe ne teyonatarahrioh tekeni-yawenre niwa-therageh waganahne.

21 Neoni jinihadih wahadike ken onhte wisk-niwea-nyawehtserahshen ongweh, thigate nagonhehtyen-ogon eksha-ogonhah oni.

22 ¶ Neoni ok yathaditogenhte ne Yesus raotyohkwa oni kahonweyagowahne, ne ne yahonnewe eren nakan-yataradih, niyarehkwe aahshagawenhahse jinikentyoh-kwa sasewahtenti.

23 Ne onen shonsahshagotori ne jinikentyohkwa ethone onontoharageh warehte ehyaadereanayen: ne onen jiwaogarahwe, raonhajiwa onton.

24 Nok ne kahonweyagowah nen kanyatarhen, yaty-aongwareehste; igen tagawerogate.

25 Neoni kayerihadont nateyonttenyese jinityogara-onh Yesus yahshagorane, rononha hire kanyatarageh.

26 Neoni raotyohkwa yahonwadkahtoh hire kanya-tarageh, neoni wathodinigonryake, rontonyon Kanigonra iwe; neoni okthathodihenrehte ne ne kahteronnionh.

27 Nok oksaok Yesus yahadatih rononhageh, wahren, Thatsewatodek sewanigonhrahnrionhak; lih naah; tohsa sewahteron.

28 Neoni *Peter* saharihwaserago wahrenron, Sayaner, tokat nongen ise, tagwenhahs ehyege iih oni ohnegageh.

29 Neoni wahrenron, Kats. Neonen *Peter* wahadi-tahks ne kahonwagon, wahahtenti ohnegagehshon niya-hare, Yesus jitare.

30 Nok onen wahadkahtoh kawerowanen, wahohte-ronne; oni oksaok yononwirehtonhatye raonha, ehwat-hahsentho, wahrenron, Sayaner, tagyatagenha!

31 Neoni yogondatye yathahjatede ne Yesus, saho-yena, oni wahawenhahse raonha, O nigonhah jidisehtah-kon, ne wahonni okthatesanigonrageh?

32 Neoni ji onen sahyadita, watkaweriyake.

33 Ethone jinigon ne radiyadit wahonweanidenhtase raonha, wahonniron, Ne ne togenhske-onweh Ise ne Royen-ah ne Niyoh.

34 ¶ Ne onen nenshathadiyayake, ehwahonnehte ji-yonhwenjade ne *Gennesaret*.

35 Ne onen ne ongweh ne ehnonweh niyenagere thadinigonrate ronweanonhtonyon, ne wahontenhane jiniyenerahsera, neh ayondadyathehonne yagononhwaktanyonni;

36 Neoni wahonweanidenhton raonha ne ne ronnehre ne ok oni ne yayoroohte nagwahsrongeh jitethagwathonhseron ne raonena; nok jinigon ne ehna-eyere sayeyewentane agwah ehnonstayoyanereane jiniyagonhoteane songwekhene.

CHAP. XV.

Keristus wahshagotenyen ne Scribes, nok oni ne Pharisees.

ETHOHKEH ehwahonnewe jirenteron Yesus ne *Scribes* oni ne *Pharisees*, ken tahadiyenhtahkwe *Jerusalem*, ronton,

2 Ohneane-eh sentyohkwa wahadirihwahetkenhte ne orihwagayon jinihodirihwison-onne rodikstenhogongenha? yahtehonahjohare wahadinatarake.

3 Nok saharihwaserago wahshagawenhahse, Thenon kadi nise wagarihonni wesewarihwahetkenhte jinihtshiseweani ne Niyoh noyeri weani ne raodiriwa norihwagayon?

4 Igen Niyoh shagaweani, rawen, Ehtskonyenhsthak ne yanihah oni sanistenhah: oni, Onhka ok rawenratons ne ronihah, ne tens ronistenhah, oksaok renheye kenheyatne.

5 Nok sewaton, Onhka kiok enhawenhahse ne Ronihah tokat ronistenhah, Yondatawi, ne ne jioknahoten ise satseanongatahkwa aonton;

6 Ne yahthenshagonyenstane ne Ronihah ronistenhah kishen, enhadadeweaniyoke. Keanisewayeren ise sewahson genh noyeri weani ne Niyoh yahkadi thiyeyoyentaonh nise sewagaheayontsera.

7 Jonha sewarihwagonnatagwen! yoyanere jinihoyeren ne *Esaias* jiniyehoriwagen nisegeh, rawen.

8 Kengayen nongwehogan karo tahontkwite iihne jiradihsagaronte, wahonkkonyenste ne ok ne radihskwentageh; nok ne raoneryaneh inon teyagwatere,

9 Ok horiwagon jiniyoht ne rongweanidentasehs, ne shagodirihonyeani nayerihwenhawe ne nongweh jinihdirihwisson.

10 Neoni yahshagononke ne jinikentyohkwa, oni wahshagawenhahse, Jathondek, oni sewanigonhrayentan :

11 Yah na ncane nehagon yenwadaweyate thayagohetkense nongweh ; ken tenhnon ne ne ehtagondiyageane ehsagonh, ne engahetkenhte tenhnon ne ongweh.

12 Ethone ehwahonnewe raotyohkwa, oni wahonwenhahse, Yahken tesaderyentare ne *Pharisees* waho-dihsehse, ohnagengeh jironathonde jinigon wahsiron ?

13 Nok saharihwaterago wahrenon, Jiniyategon kayenthon kengayen ne Ragenihah ne karonhyageh ne ne yahtehoyenthon, ok thondonni, engahtehrotongwen naah.

14 Ok thihonerohaty, tehadironwegon shagonahsharine ne teyeronwegon. Neoni tokat teyeronwegon, onea-neeh dejaron yeayeyateane jidekahronyonni.

15 Ethone *Peter* tahadatih wahrenon, To tagwahrori ne gea-neh tekarihwagenwahton.

16 Neoni Yesus wahrenon, Shegon oni gen nise yahtesanigonhrayentase ?

17 Shegon gen honnise ne jonha yahtese wanigonhrayentaonh, ken wahi onhka ok ehsagonh henegwentagon wahi yengayentane, enskayageane wahhi ?

18 Nok ne keaigenh nagonh entkayenhtahkwe ehsagonh wagayageane ne nagaweryane tonhtenti ; ne enyagohetkenhte nongweh.

19 Igen agaweryane tkayagense ne wahetken yonnonhtonyonhs, enyontswate ongweh eayondaderiyo, kanahkwa yerihwaneaktha, kanenhsikwen, enyondadeanonwenhten, ronwahseanayesahtha Niyoh :

20 Ne ne gen jinikariwageh waagohetkenhte nongweh : nok ne yahteyagohjohare othenon eayeke yahtha-gaongwetakshate.

21 ¶ Ethone Yesus nenwahahtemi keanonkadih nyahathahine, *Tyre* neane ne *Sidon*.

22 Neoni, sadkahtoh, agonhehtyen ne ne Canaan-haga ehnontawe jiniyahawenonhatye, yatewahsenthoh raonhageh, wagenron, Askitenre niih O Sayaner yayah-ah *David!* kheyen-ah yonehragwaht yagonigonhrotag-wen onehshonhronon.

23 Nok yahotheron tehoriwaseragwen yahskaweana. Ne ne raotyohkwa ehtahonne, wahonwenhahse, Sasategwaht; igen tayongwahsere naah.

24 Nok saharihwaserago wahrenron, Iih yahtetyongenhaonh ne ok ne yodiyatahton-onh teyodinagaronton-ah engyatago raodinonhsagon ne Iserathaga.

25 Ethone ehonwe oni wahonidenhtase, wagenron, Sayaner, tagyenawas!

26 Nok saharihwaserago wahrenron, yah ehteyoht nayondadekhwa ne exhaogon-ah agonatarohk, nok herhar yagonwanatyense.

27 Neoni wagenron, Togenskeonwah, Sayaner; shegon hens ne herharhohon wagondike nonawajista-ogon-ah tonseane ne raweaniyoh raodekwharakne.

28 Ethone Yesus saharihwaserago wahrenron, wahrenhahse, O sanhehtyen, orihwiyoh tisehtahkonh; eh ki niyawean jiniseryentodenh. Ne kadi nagoyen-ah saoyane-reane ok ne kade ne *hour*.

29 Neoni Yesus heren sarehte, ne ohnonweh ken warehte thohah kanyatarakta ne *Galilee*; ken niyahare onontoharageh, ehyahatyen.

30 Neoni agwah kentyohkowanen, ehwahonnewe ranchageh shadihawinontye ojiyohta-ogon-ah, yerensakshense, teyeronwegon, yahteyondatih, yagoyatayeshaonh jinahoten niyagoyatawenhse, ehwaondadyathewe; sahshagojonte agwegon:

31 Eh ki niyaganiharane kentyohkwagwegon wahodinehrago, wahontkahtoh yahteyeweanat wahondatih, yagoyatayesha-onh sayonton, yontshinogahtha sayonhtenti, teyeronwegonne sayegen: neoni wahonwayonwe-sahte ne Niyoh jinatawa Iserathaga.

32 ¶ Neoni Yesus yahshagononke ne raotyohkwa, wahshagawenhahse, Anyoh wakhetenre jinikentyohkwa, ne wahonni tyotkon itewese nen ahsen-niwehniserageh, yahothernon tehodiyen nahadike; yah oni teyaweh aon-sakheyatewahte ronondondyehton, wahi onwa senha ehondonrishehrahkwen jiniyenhshonne.

33 Ne raotyohkwa wahonniron, Ka onhte naontawe ne ehniyaweta kanatarohk ayongwayentane karhagonh, ne aonton ayagohtane jinikentyohkowanen?

34 Neoni Yesus wahshagawenhahse rononha, To niyongwanatarayen? Wahonniron, jatahk, nok tohkara nikenjasa.

35 Neoni wahshagodatih kentyohkwagwegon wahrenon ehtageh jatyen onhwenjageh.

36 Neoni watrahkwe ne jatahk nikanatarageh oni ne kenjonhk, neoni wahatonren, oni wathayakhon, oni wahshaga-onh ne raotyohkwa, oni ne raotyohkwa yonsahshagonon ne kentyohkowanen.

37 Neoni agwegon wahadike, oni wahonahtane: neoni tonsahadihkwe ne teyonatarahrionh jatahk niwatherageh waganahne.

38 Ne jinigon wahadike keanighadi kayeri niweanya-wehtserahshen nongweh, thigate agonhehtyen-ogon one eksha-ogon-ah.

39 Neoni ethone wahshagotori jinikentyohkwa, saonhtentyongo neoni kahonwagon sahon dita, oni keanonka yahonneuwe ne *Magdala*.

CHAP. XVI.

Ne ne Pharisees radirihwasaks nahoten enwatenyendenhston.

NE ne *Pharisees* neoni shagat ne *Sadducees* ehwahonnewe, agwah ronwenhnire, radirihwagohe nashagotonahase ne naontenyendenston jineayaweane karonhyageh.

2 Raonha wahshagawenhahse rononha, Ne onen shogarahwe, wesewenron, wehniseriyohsere; igen ne karonya onegwenhtara naaweane:

3 Neoni jiwaorheane, Nen nonwa wehniserakshatane; igen ne karonya onegwenhtara naaweane oni ehtageh notshata. O jonha sewarihwayesahton! sewagenhs jik-agonhsonte ne karonya; nok yah kenh tesewadkahthohs watenyendenhstahkon jiniyotyeren ne ken onhwenjageh?

4 Agwah sewarihwaneraakskon oni kanahkwa karihwaneren jisewahnegwahsade ne kadi sewesaks naontenyendenston; yah kadi othenon teyetshiyawire naontenyendenston, ne ok ne watenyendenston ne *Prophet Jonas*. Ethone sahshagoyatondi, akte sarehte.

5 ¶ Neoni raotyohkwa nen yahonnewe heren nakanataradih, rodinigonrhea-onh yahodiha kanatarohk.

6 Ethone Yesus wahshagawenhahse, Jadeanigonrenh, oni sewanigonrarak ne yaweh raonattengwahtha ne *Pharisees* nok oni ne *Sadducees*.

7 Neoni wahonnigonhrayentonwe rononha, ronton, Ne onhte wahonni ne yahtetyongwaha ne kanatarohk.

8 Ne onen Yesus sahattoke, raonha wahshagawenhahse, O nigonhah tisewehtahkon, ohneaneeh seweanigonhrayentoni ne gen wahonni ji yahtha tisewanatarenhah?

9 Shegon genh yahtesewanigonhrayentase, yah oni teseweyahre ne wisk nikanatarageh wisk oni niweanya-weehtserahshen, nok to-niwatherageh tejisewahkwen?

10 Ken oni jatahk nikanatarageh kayeri niweanya-weehtserahshen, to-niwatherageh tejisewahkwen?

11 To-niyotyerenh anyoh yahtesewanigonhrayentase jinigon wakthare yahten neane ne jiniyotyerenh kanatarohk, kengayen ne sewanigonrarak yahthiyataondyehstane ne *Pharisees* neoni *Sadducees*?

12 Ethone wahodinigonhrayentane jiwahshagawenhahse yahtehonadeanigonrare jiyontengwahtha ne kanatarohk, nok jishagonadatihs ne *Pharisees* oni ne *Sadducees*.

13 ¶ Neonen ne Yesus shiyaharawe jinonka ne *Cesarea Philippi*, wahshagorihwanondonse ne raotyohkwa, Nahoten, nongweh yonton ne onhka aghenake ne Iih, Ronwayen ne ongweh?

14 Neoni wahonniron, Odyake yonton ise ne *John* ne shagohnegoserahs; odyake yonton, *Elias*; oni odyake, *Jeremias*, ne tens enhskat ne rodiyatadogenhtigenha *Prophets*.

15 Raonha wahshagawenhahse, Nahoten kadi nise isewehre onhka ne Iih?

16 Neoni *Simon Peter* waharihwaserago, wahrenron raonhageh, Ise naah ne Keristus, ne Yayen-ah ne ronheonweh Niyoh.

17 Neoni *Yesus* saharihwaserago wahrenron, raonhageh, Waesayatateriste, *Simon Barjona*: igen nonwaronh onegwenhsa arekho teyondadenatonni nisegeh, nok ne ok ne Ragenihah ne karonhyageh thenteron.

18 Neoni shegon sagonyenhahse, Kengayen ise wahi ne *Peter*; ne kadi negea-enh oneayageh engenonhsonni agenonhsadogenhti; neoni jikanhogahronton nonehshon yahnonwenton thatayonigonrharen ayotswaten,

19 Neoni Iih engonyahtkawen ne yehotongwahthagon ne kayanertseragon ne karonhyageh: oni jioknahoten ensadahkwarige ne onhwenjageh enganeren oni karonhyageh; jioknahoten oni ensehsnerenhshi nonhwenjageh ensewatnerenhshi oni ne karonhyageh.

20 Ethone wahshagorihonten ne raotyohkwa, ne ne tohsa onhka nongweh ahshagodihrorih ji raonha ne *Yesus* ne ne Keristus.

21 Ehtondahsawen wahshagohrongate ne raotyohkwa, jineayawen ne tkagonte *Yesus* ehwarehte *Jerusalem*, oni eso raronhyagenhsere enhonwaronhyagenhte ne rodikstenhase oni radijihenhstajih oni ne *Scribes*, nentennhon enhonwaryo, nok oni enshatketsko ahsenhadont niwehniseragehadont.

22 Ethone *Peter* wahoyena, oni tahadahsawen wahnheze, wahrenron, Keaniyohthonh, na nise, *Sayaner*: yahteyaweht ehnyawen nisegeh.

23 Nok raonha wathatkarhateni, oni wahawenhahse ne *Peter*, Kenh saseht aknagen *Satan*: eso wakerihwanhihten niih: igen nise yahothennon tehsyatagenha jinahoten ne Niyohneh, ne ok kengayen ne ongwehne.

24 Ethone wahrenron Yesus jinonkadiah ne raotyoh-kwa, Tokat nongenh onhka nongweh iihne entyenhte, ginyoh rotih jinahoten ne raonhatseragon, neoni terahk ginyoh ne tekayahsonte, oni ragwatswanonnah yageneh.

25 Igen onhka kiok rononhste jironhe aonsahadadya-tago enhoti naah: neoni onhka kiok enhoti jironhe niih ageriwa enhatshenri naah.

26 Igen nahoten ne rongweh raoyanerenhsera, tokat nongenh tahadentsha onhwenjagwegon, nok ahohtonse ne raodnhets? ne tens nahoten aontahonwayon ne tahataton ne raodnhets?

27 Igen ne Ronwayen nongweh nen tentre raonwe-senhtseragon ne Ronihah enthonne raoronyagehronon; nen oni ethone enhshagotonren niyateyongwetageh entyoyanenhawe nagoyotenhsera.

28 Agwah wagwenhahse, Ken nonwe yegeanyate kenthoh yahthayegen ne kenheyon, jiniyore enhonwagen ne Ronwayen nongweh tentre ne raoyanertseragon.

CHAP. XVII.

Ne wathadadyatateni ne Keristus.

NEONI ohnagengeh yayak nonta, Yesus keaniyah-shagoyatenhawe *Peter, James*, oni *John*, yatadegenah, keaniyahonne enegenh ne nagwah yonontowanen etho,

2 Neoni jinaawen wathadyatateni raodihenton; neoni ragonksne wadyohstarathene aniyohht karahkwa, neoni raonena wagenrageane jiniyohht wenteh.

3 Neoni, sadkahthoh, ehshagodigenh rononha *Moses* nok *Elias*, wathadihtharen raonha.

4 Etho yahshagoweanarane *Peter*, wahrenron Yesus, Sayaner, igehre yoyanere nongyonhageh ne ken ahete-weseke: ne nahsathondate, ahetyonni jiyerihwahseronnyatha; enhskat nise, enhskat oni ne *Moses*, enhskat oni *Elias*.

5 Shegon ne nihohthare, sadkahthoh, otshatase wagentshatayentoh rononhageh: oni, sadkahthoh, ehtayeweaninegeane notshatagon, wairon, Ne ne gen-enh rirononhkhwa Iyen-ah, ne raonhageh wageryentiyohs; ehtshijathondek.

6 Ne onen raotyohkwa ronathonde, ehtageh wahont-konhs-ayen, oni eso wahodihteronne.

7 Neoni Yesus ehsarawe oni keaniyahshagoyere, wahrenron, Jadjketsko, tohsa sewahteronn.

8 Ne onen sontharatade ne radigahtegeh, yah oya nongweh teshshagodigenh, raonhaah ok ne Yesus.

9 Ne onen shatontahontsnenhte jiyononte, Yesus wahshagorihonten rononha, Tohsa onhka nongweh yetshihrorih jiwatisewatyeronyonse, jiniyore ne Ronwayen nongweh enshotketskwen ji enhawenheyonne.

10 Ne raotyohkwa wahonwarihwanondonse, ronton, Ohneane-en ne *Scribes* ronton ne keaigenh *Elias* tkagonte entewatyerenhhte entre ?

11 Oni Yesus saharihwaserago wahshagawenhahse, *Elias* togenhske enthatyerenhhte entre, oni ensharihwagwatago orihwagwegon.

12 Nok wagwenhahse, *Elias* nen wahi sahagwatho, nok tenhnon yahtehonwayenterih, nok ehnahonwayerasese ji ok nahoten rodirihwison. Shateyoht oni ne Ronwayen nongweh horonhyagentahkwe.

13 Ethone ne raotyohkwa wahodinigonhrayentane jinahadatih rononhageh ne *John* ne Shagohnegoserahs.

14 ¶ Ne onen ehshahonnewe jikentyohkwayen, ehwarawe raonhageh rayatatogen rongweh, wathodontshotha, wahrenron,

15 Sayaner, ehjitenr niyen-ah; igen teheanonhwara-wenri, agwah yonehragwaht: yotkate ojistageh wagayentane, oni yotkate ne awengeh.

16 Oni yehiyathe sentyohkwageh, nok yantehodigwenyon nahonwajonte.

17 Ethone Yesus waharihwaserago wahrenron, O yahtha tisewehtahkon sewathaharagwahton kahnegwahsade! to-nenwe onhete Iih ahewesheke? to-nenwe agwahrorihshege? to-kajatenhawh iihne.

18 Neoni Yesus wahariste nonehshonhronon, neoni tonsahyadekhahsi raonha: ne rakshaah sahonwajonte ok ne *hour*.

19 Ethone ehwahonnewe ne raotyohkwa, jirenteron ne Yesus, wahonniron, Oh-onhte niyotyeren yongwanoronse naonsahoyageaonh ?

20 Nok Yesus wahrenon rononhageh, Wahonni yah wahi tetisewehtahkon: igen wagwenhahse, Tokat ensewayentageh ne tewehtahkon jiok niwa ne *mustard* kaneh yahisewenron ne ken yononte, Isi satkwit; oni heren aontkwite; neoni yahothenen thahesewanoronse.

21 Ok sane ne ehniyoht yahthakayagensere, ne ok enwaton ne adereanayent oni eayagaondondyehte.

22 ¶ Neoni shegon ehshiyehaditeron *Galilee*, Yesus wahshagawenhahse raonha, Ne Ronwayen nongweh tehonwanigonhraserane rononha radisnongeh ne ronongweh:

23 Neoni raonha ronwaryohsere, oni ahsenhadont niwehniserageh enshadketsko. Neoni agwah wahoneryentakshen.

24 ¶ Ne onen shiyahonnewe ne *Capernaum*, ehnonweh rononha ne radiyenaks nohwista nyeroroks ehwahonnewe Peter-neh, wahonniron, Yah kenh ne yaweaniyoh tesegaryaks jiyehwistaroroks?

25 Wahrenon, Etho. Neoni onen yahadaweyate karonhsagon, Yesus wahonhese raonha, wahrenon, Nahoten ihsehre *Simon*? ka nitkonnese nohwistajiradiroroks rononha ne karahkwashon rondyatagweniyohstha nonhwenjageh? agaonhageh genh tkayenhtahkwa ne raodikshatha katon neeh ne agaonhwenjayen?

26 *Peter* wahawenhahse raonha, Ne nagaonhwenjayen. Yesus wahrenon raonhageh, Nen kadi ekshagong-ah yondadeweaniyoh.

27 Etho sane neane-eh, onwa ayethinagwate, nok keyahase kanyatarageh, sasahryokkawinehtseronti, enses-kogo entewatyerenhte: onen tenwatskarawe, ehensets-henri nohwista: ne jenah, yasheyon rononha ne niih ongyawenhk denigwegonh.

CHAP. XVIII.

Keristus wahshagorihwadatshe ne raotyohkwa roneanidenhtonhak.

ETHOHKEH nonweh ehwahonnewe ne raotyohkwa jithenteron ne Yesus, wahonniron, Onhka tkayata-gweniyoh na ne kayanertseragon ne karonhyageh?

2 Neoni Yesus yahshagononke ekshaah, raodinenherhenh wahshagodyatenhawah,

3 Neoni wahrenon, Agwah wagwenhahse, Ne ikaweaniyoh nensewaderagewe ne sarihwaneren, oni ehnenjohton jiniyoht nekshaogon-ah tokat yahten, yahnonwenton thaahs-adaweyate ne kayanertseragon ne karonhyageh.

4 Onhka kiok ehneyohton eayagonidenhton jiniyoht ne kengayen ne eksha-ah, ne shaeyadat yeayeyatagweniyoke ne kayanertseragon ne karonhyageh.

5 Neoni onhka ok eayeyena ehneyohton jiniyoht ne ken igenh eksha-ah iih akseanagon, iih naah waongyena.

6 Nok oni onhka ok ayondatkanhraten enhskat jingon ne niyasa ne ne tyagawehtahkon niihne, senha yoyanere raonha aheanihtyake katheseronnyatha oneaya, oni kanyatarhen yayagoti.

7 ¶ Yagotenht onhwenjagwegon wahonni yagogenrat-ogon! igen tkagonte ehniyawenhsere eayagoyendake nahoten ne ayondatkanhronni; nok rotenhtasere nethorongweh ne enharihonni enjonderihwatewahton!

8 Ne kadi wahonni, tokat sesongeh sahsigeh tens ensagaronni, stoskar, isi yasatih: senha wahi yoyanere yahthatasenontshontage enhsadaweyate jiyenhsonhegeonweh, jiniyoht nahsyatagwegon, nok jiniyenhenwe ojistageh jiyotekha yayasayatonti.

9 Tokat skahtegheh ensadyeronhkwen, kastahkwat, isi yasatih; senha yoweyenston skadih sagahradak enhsadaweyate jiyenhsonhegeonweh, jiniyoht dejaron ensagahratahke yayasayatonti onehshon tyotekha.

10 Senigonrarak tohsa sagenhraten ken igenh niyagasa; igen Iih wagwenhahse, Ken igenh ne karonhyageh raodironhyagehronon tyotkon tehonwaganere jiragonsonte ne Ragenihah ne karonhyageh.

11 Igen ne Ronwayen nongweh kentho thawenonhton ne aansahsagoyatago ne yagoyatahton-onh.

12 Nahoten ihsehre? Tokat rongweh ronahskwayen enhskat tegonnyawe teyodinagaronton-ah, nok enhskat agayatahton yah genh thiyahahtkawe ne tyohton niwahshen tyohton yawenre, oni jiyonontenyon niyenhenre, enhayatisake ne wagayatahton?

13 Nok tokat nonna aonsahayatshenri, agwah wagwenhahse, Enhadonharen senha engarihonni skayadat, jinyoht ne tyohton niwahshen tyohton yawenre ne yah-teyodiyatahton-onh.

14 Ne kadi shateyoht yahtehaonwese ne Yanihah ne karohyageh renteron, ne ehnyaweane ken igenh ehnskat ne niyagasa ayontkaronni.

15 ¶ Isi nonwe shegon, tokat jadategen-ah ensyaderih watewahten, ehayahase ehtsrerih ohnea-nee ehnaah ayere ok senonhaah: deseniogon tokat enhyadahon hsadate, nen wahi wesenerihwahseronni ne jadategen-ah.

16 Nok tokat yahthahyadahonhsadate, ethohkeh ehnskat tekenih niyagonh yashenonk, engarihonni jieayagonthondeke tekenih ahshen nihadi niyadekaweanageh engarihwahnraton.

17 Nok tokat shegon onea-nee yahthashagodahon-sadate, satorih ononhsadogenhtigeh nok: tokat yahthenhadahonsadate jinenhonwayerase ne kentyohkwadogenhti, eh ki nenhayatodenhake nisegeh jinyoht ne yahteyagorihwiyohston oni ehnskat ne radihwistaroroks.

18 Agwah Iih wagwenhahse Ohkiok nahoten ensatahkwarige nonhwenjageh oni karohyageh entewatahkwarige; oni nahoten ensewatnerenhsi nonhwenjageh oni ne karohyageh engahnerenhsyon.

19 Shegon oya Iih wagwenhahse, Ken igenh tokat teseniyahshe ensenirihwisa nonhwenjageh ne nagwah othenon yoweanayen enyerihwanonton, wahi eh kadi nenhonwanatyrase ne Ragenihah ne karohyageh.

20 Igen tokat tekenih tokat ahshen niyagonh yagotkeanison ne Iih akseanagon, eh igete agonenherhen.

21 ¶ Ethone *Peter* warawe raonhageh, oni wahrenon, Sayaner, to-nigon nagyadategen-ah enhagenigonhrakshate, nok aonsahirihwiyohsten? ji genh niyore jatahk nenwatnaneta?

22 Yesus wahawenhahse raonha, Yahthagiron nisegeh, Jiniyore jatahk niyohnanet: nok, Jiniyore jatahk niwahshen ne jatahk niyohnanet.

23 Ne garihonni ne kayanertseragon ne karohyageh teskyatyeren jinyoht rayatatogen korahkowah, jinigon ne shagonhase rohratonhatye jinihonatyeren.

24 Ne onen naah tahadahsawen taharade, shayadat ronwayathe raonhageh rogarotanih oyeri niweanyawe-ehstherahshen kahwistowanen ;

25 Nok jiyahothenon tehoyen nahagaryake, ne raoyaner waharihwisa nahonwatenhninonke, nok oni ne rone, shagoyen-ogon-ah, oni jinigon ahoyentageh raowenhson-ah, ne aontkaryaktahkwe jinayawen.

26 Ne ronwanhase ne wagarihonni ehtageh wahadyatonti, wahonidenhten, wahrenron, Sayaner, tagitenr sad-eanigonhkatstat, nok engongaryakshe agwegon.

27 Ethone ne Royaner ne ronhase wahotenre, sahohtkawe, wahaon ne rogarotanihne.

28 Nok ne ok shahayadat ne ronhase wahayageane, yahoyadatshenri ne shatehonwadinhase rogarotanih enhskat teweanyawewen nikaistageh ; ehwahoyena, wathohonryake, wahrenron, Takkaryakshe ne gongarotanih yongondaty.

29 Neoni ne gen ne shatehonwadinhase ehtageh jiehahsitageron wahadyatonti, wathononweron, wahrenron, Sadeanigonhrahniirat engongaryakshe agwegon jinioriwa.

30 Nok yahtehothondaton : nok wahahtenti, oni jiyondadenhotonh-khwa, yahoyatonti jiniyore enwatkaryake ehneyohton.

31 Ethone onen shatehonwadinhase wahontkahtoh jinaaweane, eso wahodinigonhrakshen, ehwahonnewe jirenteron ne raodi-yaner wahnwahrori jinaaweane.

32 Ethone ne Royaner, ohnagengeh shiyahononke raonha, wahawenhahse, O sarihwaneraakskon gonhase, lih wahi gontenron gonkarotanihne, wahonni jiwahskeriwanegen iih :

33 Yah kadi genh nise aheseron khetenr oni iih ne shateyonkhinhase, jiniih niwagyeren gontenronh wahi.

34 Neoni ne raoyaneta wahnagonni, eh kadi yahohtkawe jironnese ne shagodironhyagentha, jiniyore enharihwatshenri jineayaweane onen enhogaryakshe jiyogarote.

35 Eh kadi niyoht karonhyageh thenteron Ragenihah ehoneane nenhayere nise, tokat ehentkayenhtahkwe se-ryane yahthaonsahsheriwyohsten jiok niyondategen-ah ne nayagorihwanhige.

CHAP. XIX.

Keristus wahshagojonte ne yagononhwaktanyonni.

NEONI ehnaaweane, ne onen Yesus shahaweyea-
nentane jinithodatih, nen eren tethawenonhton ne
Galilee, eh na tethawenonh keanonka *Judea* isi nonka-
dish ne *Jordan*;

2 Neoni kentyohkowanen ne ronwahnonteratye; oni
shagojontanyon nehnonweh.

3 ¶ Neoni ne *Pharisees* ehwahonnewe oneane-eh ra-
onhageh, jiniyoht ronwanigonhrayeheronh, wahonniron,
Yoweyenston genh ne rongweh nahayatonti ne ronyag
onh ji ok nagarihonni?

4 Neoni saharihwaserago wahshagawenhahse, Yah
kenh tesewaweanahnotonhs, ne raonha ken wahi rohson
jidyodahsawe, shagoyatonni ejin oni agonhehtyen?

5 Ne kadi wahonni Wahrenron, ne rajin enhoyatonti
ne ronihah oni ronistenhah, nok tkagonte yateayatyehte
ne rone; oni tnikhentenhnon sniwarat?

6 Ne kadi wahonni onen yahthatesnikhen, nok tenh-
non sniwarat. Ne kadi wahonni nahoten Niyoh tehoy-
ehston, yah onhka nongweh thayerihsi.

7 Rononha sahonniron, Ohkadi neane-eh ne *Moses*
shongwarihwawi nagahyatonke ne teyondekhahsyatha
enhyatonneke ne rone?

8 Raonha sahshagawenhahse, wahi *Moses*, ne waga-
rihonni jiniyohniron ne seweryahsagon, wahathondate
ne tahesewadekhahsi ne tisewenteron: nok jidyodahsawe
yah ehteyohtonne.

9 Neoni nonwa Iih wagwenhahse, Onhka ki ok en-
hayatonti ne rone, ne ok ne keaigenh ne kanahkwa
engarihwanerake, oya enhonyage, waharihwanerake ka-
nahkwa: oni onhka ok rodinyak ne teyodekhahsyon
waharihwanerake kanahkwa.

10 Raonha raotyohkwa wahonniron, Tokat kadi kea-
neayaweane ne rongweh ne rone, yah kadi teyoyanere
nayagonyake.

11 Nok wahshagawenhahse, Agwegon nongweh yah-
teyeyenahs jinigon katon, ne ok agaonhageh ne waon-
daton.

12 Igen odyake *Eunuchs*, tehshagodinyoseronhs eh-niyaweonh ji ongweh ronaton-onh jironwanadeweton; neoni odyake naah ne *Eunuchs*, ne ne kahasani ne ongweh: ehniyagoyere.1 nok shegon oya ne *Eunuchs*, ne ne rononha ronadattonni igen ne kayanertseragon ne karonhyageh aoriwa. Raonha ragweni rayenah, how nisa rayenah.

13 ¶ Ethone nonweh ehwaondadyathehon ekshagon-ah, nen keaniyahshagoyere tashagonihsnonhsaren, ohadereanayen: neoni raotyohkwa wahonwanariste.

14 Nok Yesus wahrenon, Karo ityenht neksha-ogon-ah, tohsa ne teyetshiyeryentharen; igen ehniyeyatodenhse ne kayanertseragon ne karonhyageh.

15 Neoni wadehshagonihsnonhsaren, oni ethone eren sarehte.

16 ¶ Neoni, sadkahtoh, shayadat ehwarawe wahrenhahse, Seweaniyohtseriyoh, To-naagyere ne yoyanere, ne aongyentane ne jiniyenhenwe agonhege?

17 Neoni sahawenhahse, Ohneane-eh wahskwenhahse yoyanere? yah ne gen onhka teyagoyanere ne ok enhskat, ne ne, Niyoh: nok tokat enhsadaweyate jiyahsonhege, ginyoh senigonrarak ne Oyeri weanah.

18 Raonha wahawenhahse, Kanikayen? Yesus wahrenon, Tohsa ongweh sheryoh, Tohsa kanahkwa sanhik, Tohsa senenhsko, Tohsa sheyeanowenhten onhka;

19 Ehtskonyenhsthak yanhah oni ne sanistenhah; oni, shenoronhkhwak nongweh jinise nihsadadenoronhkhwa ehnajer.

20 Ne ranegenhteron, wahrenon Agwegon wagyeriton keaigenh ken shitewagyen-ah ehshigyatodenh shegon nonwa: nahoten shegon tyodokte?

21 Yesus sahawenhahse, Tokat tesatonhwenjonni nahesaderihwagwarihsyonhak, wahnuyoh ginyoh satenh-ninon jinisayen, oni sheyon ne yagotenht, oni ensayentane natshogowahrtsera ne karonhyageh; oni tagwatswanon nah iteneh.

22 Nok ne ranegenhteron ji nen rothonde jiwahadatih, eren sarehte wahonigonhrakshen: igen rogata yawetowanen royen.

23 ¶ Ethone Yesus wahrenon ne raotyohkwageh, Agwah wagwenhahse, ne nagotshogowah otskerongeh ne yayondaweyate ne kayanertseragon ne karonhyageh.

24 Shegon oya Iih wagonyenhahse, Senha anyoh watyesenha ne karyotowanen ne *Camel* taondohetste jitewahonhtagaronte tewaderonwarongohtha, jiniyoht ne agotshogowah yayondaweyate ne kayanertseragon Niyohneh.

25 Neonen raotyohkwa ronathonde, agwah eso jiniyoht ne wahodinehrago, ne ronton, Onhka kadi onhnongenh ne gea-eh cayagoyatateri tayontongohte?

26 Nok Yesus wadeshagotkaneren, oni wahshagawenhahse, agwah sane ongweh okthikanoron; nok ne Niyoh agwegon yahotheron tekanoron.

27 ¶ Ethone *Peter* waharihwaserago, wahrenon, Sadkahthoh, agwegon niih yongwatyon, ise wagwahsere: nahoten kadi cayongwayentane?

28 Neoni Yesus wahshagawenhahse rononha, Agwah Iih wagwenhahse; negeane ise nonwa wahi itewese, ne ne jienjontnegwahsagwatago, ethone ne Ronwayen nongweh neayenhshenterondake raonaktageh jithaonwesenh-tsera, eh onise neayaweane tekeniyawenre niwatyendah-tserageh jinonweh ensewatyen, eayetshiyatorehte ne tekeni-yawenre roditarageh ne Iserathaga.

29 Neoni niyadeyagon onhka rotyonh jirononhsote, ne tens raongweta, tens kayen ne yadeanosenhah, ronihah, ronistenhah, rone, shagoyen-ogon-ah, ne tens ne raonhwenja, oni ne iih agerihonnyat keaneayaweane weanyawe yohnanet enjagotyèritshe, nok oni cayondaweyate jiniyenhenwe yeayagonhege.

30 Nok yawetowanen tyagotyerenhton ne ohnagen enjagaonni; oni nohnagen ne tendyontyerenhte.

CHAP. XX.

Keristus jinihodeanonwakte ne yorihonni teshagorenyaton ne rodiyotenhs jiniyoht ne raohehtageh.

IGEN ne kayanertseragon ne karonhyageh jiniyoht igenh ne rongweh ahononhsotageh, onen wahaya-geane orhøngene wahanhatserisakha nayagoyoten ne raohehtageh.

2 Neoni ne nen wahaderihwissa ne rodiyotenhs skaristat sewehniserat jongwedat, onen yahshagoreke raoh-ehstageh.

3 Neoni sahayageane are nahshenhadont *hour*, oni washagotkahthoh odyake skeanen thiyete jiyontkehron-dahkhwa,

4 Neoni wahshagawenhahse rononha, Wasene onise seniyoten kahehtagoh; neoni jinitkarihwayeri ehnenkaryake. Neoni wahonhtenti.

5 Shegon are oya yonsahayageane ne yahyakhadont *hour* tyohtonhadont oni, etho are ehnahayere.

6 Ne onhte ehskah-yawenre *hour* nare sahayageane, shegon oya wahshagoyadathenri skeanen yegeanyate ronatsshorehton, oni wahshagawenhahse, Ohneane-eh ne ok ne kensewageanyate kenwendatye skeanen sewatshorehton?

7 Rononha wahonwenhahse, Ne wahonni yahtense teyonkhinhaonh. Raonha wahshagawenhahse, Wasene onise kahehtageh yaseniyoten; jinensewatyere jinitkarihwayeri, ehnenewatkaryakshe.

8 Ethone ne nenwaogarahwe, ne royaner rohehtayen wahawenhahse ne ronhatseragweniyo, Yahshenonk ne rodiyotenhs, sheyon jinathondentsha, ehtewadahsawen ji ohnagen yahaonni yenskahewe jityotyerenhton.

9 Neoni onen ehshahonnewe ne ronwadinhaonh ken onhte ehskah-yawenrehadont *hour*, onen wahadiyena niyadehadih skaristatshon.

10 Nok ji onen ne tyotyerenhton warawe, ronnerhahkwe isi onhte gen nonwe senha eayagwayena; etho kadi oneane naawen niyadehadih skaristatshon.

11 Ne onen jiwahadiyena, ohsnonniyoht wahonasthose ne raodiweanageh jinahonwenhahse ne rongwetiyoh ne ronohsote,

12 Wahonniron, Keaigenh ne ohnagen tonderihokten ne ok ehskat, *hour*, neoni jinahsheyere satyaweanenongyonha, ne yongwaronhyagen jiniyodahkondak jiniyotarihen ne wehniserade.

13 Nok raonha saharihwaserago shayadat, wahrenron, Dyatenro, yahtewagero. akte genh tagerihwayeritshe: eh wahi niyongenirihwison skaristatshon?

14 Tesehk ne sawenhk, eren saseht; ehnyere oni negea-enh nohnagen eayahonni shateayaweane oni nisegeh.

15 Yah kenh teyorihwaweyenston ne ji ok naagyere ne ne yadegyatih agwawenhk? Sewagara wahetken genh ne aoriwa ne Iih wagyanere?

16 Ne kadi nohnagen tendyontyerenhte, oni tyotyerenhton ne ohnagen: igen yotkate ne eayondadenhahse, nok niyagonhah ne yondadyataragwen.

17 ¶ Neoni ken ware *Jerusalem*, wahonne ne tekenih shadire jiniyahonne, ehnonweh nahshagawenhahse, rononha,

18 Jadkahtoh, ken nonwa wetewe *Jerusalem*; ne Ronwayen nongweh keaniyawenhsere teahonwanigonhraseren jionka radijihenhstajihne oni Scribes-neh, ronwadewendehtane enhonwaryo,

19 Ehyenhonwahtkawe jionka ne *Gentiles* enhonwadentoryate, enhonwahsohkwawishon, oni tenhonwayentanharon aonha, neoni ahshen niwehniseragehadont enshatketsko.

20 ¶ Ethone ehwaonwe raonhageh ne ronwadinistenhah ne *Zebedee* raokshata ronne nagoyen-ogon-ah, ronwarihwanegeanire raonha, oni 'agwah thyoriwate rorihwanontonre raonhageh.

21 Neoni wahrenhahse aonha, Nahoten senyente? Wagenron raonhageh, Aahsheyon keaigenh tehniyahshe kheyen-ogon-ah ehahyatyen, ehskat jiseweyendehtahkon, ehskat sehsenegwatih, ne sayanertseragon.

22 Nok Yesus saharihwahserago wahrenron, Yehtejaderyentare nahoten senirihwanonton. Ensenigweni genh ne ahesenihnegira ne enjate ne *cup* ne Iih engate nenknegira, oni ahesenirihwiyohste adatnegoserhon ji niih nahoten wagatnegoserahton? Wahniron etho niyoht, eaya-geanigweni.

23 Neoni wahshagawenhahse, Ensenihnegira orihwiyo-onweh ne *cup* nagwawenhk, neoni enjatnegoserahte ne yerihwiyohstahkhwa jinahoten ne wagatnegoserahton; nok keagayen nayontyen jikeweyendehtahkon, oni skenegwatih, yah iih tewagawenhk nakheyon, nok ne eayondaton ne nonhka ne enhonwatsheronnyahkwenthose ne Ragenihah.

24 Neoni ne onen ronathonde noyeri nihadi, jiniyoht ne wahshagodinagwase ne geane tehniyahshe yadadenonhkwe.

25 Nok Yesus yahshagononke raonhageh, wahrenron, Sewaderyentare wahi ne radiyatagweniyose ne *Gentiles* ne rontenyentenhs jikentyohkowanenhse enegenh ashagonatragwen, jinigon oni ne radikowanenhse ondeweyenhstha ne nashagonaderihwagweniyohsten.

26 Nok yahehthayaweane jonhageh: 'igen onhkaok enhakowanenhake jinijonh, ne ki naah enjisewayatara-seke:

27 Neoni onhka ok jinijonh enhayatagweniyoke, ne ki naah sewanhatsera genhak:

28 Shaoriwat ne Ronwayen nongweh yah tero genho ne ahonwatsteristhageh, nok tenhnon ahshagotsteriete, oni ahahtkawe ji ronhe ne engarihonni eso yagonh.

29 ¶ Ji nen eren sahonnehte jincuweh *Jericho*, agwah kentyohkowanen sahonwahsere.

30 Neoni, sadkahthoh, tehniyahshe tehnirowegon ohahakta niteron, nen ronathonde Yesus ehwahatongohte, ehwathodihenrehte, yaton, Tagenitenr, O Sayaner, ise Yayen-ah ne *David*!

31 Nok jinikentyohkwa ronwanahritha, ne thahyatotade; neok hegen senha tahyaderayatahkwewe, yaton, Tagenitenr, O Sayaner, ise wahi Yayen-ah ne *David*!

32 Neoni Yesus wathatane watogen, oni yahshagononke, wahrenron, Nahoten isenehre, nagyatyeras ne senonha?

33 Wahniron jiwahonwenhahse, Sayaner, ne nagenigahtegeh aondenhotongon.

34 Eh kadi naaweane Yesus wahshagotenre rononha, keaniyahayere ne nigahtegeh: yogondatyee kani waoyanereane wahnigen, oni rononha wahonwahsere.

CHAP. XXI.

Keristus wahohsalon Jerusalem warehte ne ne arekho tekaweyendeht.

NEONI onen okhetho ronne ne *Jerusalem*, nea ehnonweh jiyononte ne *Bethphage*, jiyonontowanen ne *Olives*, ethone yahshagonhane ne *Yesus* tehniyahshe ne raotyohkwa,

2 Wahshagawenhahse, Waseneh kanatagon, yades-enitogenht ok ehnonweh, oni oksaok enseniyadatshenri adenati ehkaneron: nidyoyen-ah igene; senihnerenhsi, karo endiseniyatenhawihite iihne.

3 Neoni ne tokat onhka nongweh othenon enyets-hiyenhahse, enseniron, Ne Royaner tehotonhwenjonni, negea-enh; yogondatyehneayaweane endyonteanyehte.

4 Agwegon ehnaawen, ne kati yahaweanayerine jinihawen ne royatadogenhti-genha, rawen,

5 Shehrorih ne ondadyen-ah ne *Sion*, Sewadkahtoh, Sewakorahkowah tare isegeh, royatanetskha, rohse adenati, oni yedeweton yowirine.

6 Neoni etho wanehte ne raotyohkwa tehniyahshe, eh kadi naaweane *Yesus* jinahshagoyerase,

7 Neoni wahniyathewe nadenati, oni noyen-ah, oni raonosa-ogon wahadiren, ehwahonwentskwaren.

8 Neoni yonehragwaht kentyohkowanen wahadita-gwenrhtarho raonosa jiniyenhohse; odyake wahadin-hahtoskare ne karonta, wahadigeron aktatyeh jiniyenhohse.

9 Neoni jinikentyohkwa nohenton ronne, oni ronwadihnonteratyeh, rontonne, *Hosanna* ji nonga royen-ahne *David!* Royataderiston raonha warawe raohseanagon ne Royaner; *Hosanna* enegenhji!

10 Ji onen sharawe *Jerusalem*, watyanatishonhkwe jinahyeyageane, wairon, Onhka ne gea-enh?

11 Neoni jinikent yohkwa waairon, Ken wahi ne *Yesus*, ne royatadogenhti Nazarethaga ne *Galilee*.

12 Neoni *Yesus* warehte ononhsadogenhtigowahne, Niyoh raononhsa, oni sahshagoyatinegenwe neh rontenhninonhs oni tehadinonwayentha, oni wahagarhathohseron natekhwarah-ogon jiradihwistahrakwa, oni eanitskwarahk jiraditeron norite rontenhninonhs;

13 Neoni wahshagawenhahse, Kahyaton negea-enh, Iih agenonhsa kanatonhkwen jikanonhsote eayonderea-nayendahkwageh; nok nonwa ne ne kanenhskwa jonnyaton.

14 Neoni teyeronwekhon yontshinogahtha ehwaonwe kanonhsowaneaneh; oni sahshagojonte.

15 Ne onen thadiyatagweniyose radijihenhstajih oni *Scribes* wahontkahthoh yotyatanenyon jinahatyeranyon, neoni ne eksha-ogon-ah wathodihenrehte kanonhsagon, ronton, *Mosanna* ne royen-ahne *David!* eso wahonate-ronse,

16 Neoni wahonwenhahse raonha, Sathonde genh nahoten ronton? Neoni Yesus wahrenron, Etho: yah ken nonwenton tesewaweanahnoton, wahi Jiyehsagahronton owirasa yenongerha oni waskweni ehwagondiyageane kanentontsera?

17 ¶ Neoni wahshagoyatondi, sahayageane kanatagon ken warehte *Bethany*, ehwahonhsontorarake.

18 Nonwa orhongene, ehsarehte kanatagon, nen wahatonhkaryake.

19 Neoni wahadkahthoh kerhide jogahrehtese jiniyahawenonhatye, yaharawe, yahothenen teyoniyonte, ne ok nonerahte, wahrenhahse, Tohsa nonwenton sewahanyonten. Eh kadi naawen wagarontagenheye onhstathen.

20 Ne onen wahontkahtho ne raotyohkwa, wahodinehrago, ronton, Yohsnore agwah ontagenheye!

21 Yesus saharihwaserago wahrenron ne rononhageh, Agwah wagwenhahse, Tokat endisewehtahkon tohsa tesewanigonragehak, yah ne ok tegen ne ehnahesewayere jinaawen ne jogahrehtese, nok shateyoht, senhas ne ken yononte, Sadonnek, kanyatarageh seht, tkagonte ehneayaweane.

22 Neoni agwegon jioknahoten enhserihwanonton adereanayentseragon, entisehtahkon, unhsyena naah.

23 ¶ Neonen sharawe ononhsadogenhtigowahne, ne tkayatagweniyose radijihenhstajih oni rodikstenhase nongwehohon ehwahonnewe raonhageh jinonweh nihshagorihonyeani, wahonniron, Ka-negea nonweh tyesarihwawi ne kashatstenhsera jinisatyerha? onhka sashatstenhserawi?

24 Neoni saharihwaserago wahrenon, Iih oni gwarihwanondons joriwat, ne ne tokat eayonkrorih, Ehoni ih neayaweane engwahrorih ka-tkayatagwenis nageshatstenhsera jinigatyerha.

25 Thoigen adatnegoserhon ne *John*, kanidyawenon? karonhyageh katon ongwehne? Neoni wahonigonhrayentonwe, rontonyon, Wahi tokat ahewenron, Karonhyageh nidyawenon; oksha ok enhenron, Oh kadi neane-eh yahtetehjisewehtahkon?

26 Nok, tokat entewenron, Ongwehne; eayethitshani ne nongweh; igen ronwarihwawase naah ne *John* iyenhre royatadogenhti.

27 Neoni sahonwarihwaseragwen Yesus, waairon, yahhayagweni ayagwenron. Oni sahsagawenhahse, Yah ki onih thagwahrorih jinityawenon nageshatstenhsera jiniwagyote.

28 ¶ Nok nahoten isewehre ise? Rayatatogen rongweh tekenih tehowirayen ninegenhteron-ah; yaharawe ne tkakowanen, jirenteron, wahrenon, Kyen, waas sayoten akhehtageh.

29 Raonha saharihwaserago wahrenon, yahthaonton; nok ohnagen sahadatrewahte eh kadi warehte.

30 Neoni eh warehte ne ne shayadat, ok ne shagat jinahoyerase. Neoni saharihwahserago, wahrenon, Eh yenge; nok yahehthiyehawenon.

31 Ka-nikayen ne tehniyahshe ehnahayere jinithonigonhroten ne ronihah? Wahonniron, ne wahi ne tyotyerenhton. Yesus wahshagawenhahse, Agwah wagwenhahse, Keaigenh radihwistaroroks nok ne odinhehtyen yonatyesen jigononhe jiniyoht neane yahayonwe ne kayanertseragon ne Niyohne nok nise nohnagen.

32 Igen ne *John* iro isegeh aderihwagwarihsyontseragon, nok yahtejisewathondati; nok ne radihwistaroroks oni yahtegontogentha ronwaweanaragwen sayerihwiyohte: nok nise, tesewaganere, yah kadi tejisewadatrewahton, ne naondesewehtahkon raonha.

33 ¶ Jathondek nare oya tekarihwagenwahton : Keaighenh rayatogen rononhsote, royenthon ne raohehtageh, oni wahateenronni, oni wahatagwate wahronni ne *Wine* yagonyatha, oni rononhsosni yononhsahniiron, oni wahshagoni agoren eayagoyoten, nok ne raonha inon niyahrehsere jiyenageronyon :

34 Ne onen thoja jinikanorarihs, onen yahshagonhane nayagoyotensha, ne naonton ahadigo ne waganenhonten.

35 Neoni ne rodiyotens wahshagodiyena ne shagonhase, wahnwayesahte, nok enhskat wahnwaryo, thikade oneaya ronwayenhtanyon.

36 Nen, are oya yonsahonhane ne shagonhase senha eso radih jiniyoht ne tyotyerenhton : eh kadi oneane nahshagodiyere rononhageh.

37 Ne kadi oneane ohnagen jinaawen yahonhane onen ne royen-ah, wahrenron, Tokat enhonwadahonhsadate niyen-ah.

38 Nok ne onen thodiyote wahnwadkahtoh royen-ah, nok wathondadenhahse, Ne ne gea-ehh ne rayatagweniyo raowenhk ; how ehjitewaryo, nen tenhnon tenjitetagwagayonte jinihoyendakhwe.

39 Neoni wahnwayena, neoni isi yahonwayatondi jikahehtayen, ehyaonwaryo.

40 Ne onen ne Royaner, ne raowenhk jikahehtayen enrawe, to-nenhshagoyere ne ehrodiyote ?

41 Rononha wahnwenhahse, Raonha tkagonte wahshagoronhyagente enhahtonde oni ne ronongwetakshen, oni thiyete ensehshagonhane eayagoyoten, ne kadi enhadiveanotakhwe erihoteweyenton nenganhonten jinikanorarihs.

42 Yesus wahshagawenhahse, Yah ken nonwenton tesewaweanahnoton ne kahyatonhseradogenhtigeh, Wahi oneaya ne radinonhsonyatha ne isi yahonati, ne kadi nonwa kayatagweniyo jikanetsker oneaya eayeyen : ne wahi negea-ehh ne Royaner rodeweyena, ne wahnnoni yonehragwaht nongwagara yonadkahthon ?

43 Ne wahnnoni katon lih nisegeh, Ne raoyanertsera ne Niyoh enjesahgwahse, ne eayondaton ne niyadeyagaonhwenjageh tokat neane aganhonten.

44 Neoni onhka kiok eayagoneayeane ne keaigenh tengarine naah jironbe: nok onhka kiok ahoneayeane engatheseronni ne rayerongeh.

45 Neoni rajihenhstajihkowatshon oni *Pharisees* ronathonde ne tekarihwagenwahton, ronnehre iih onhke genh yonkhiton.

46 Nok ji onen ronnehre keaniyahonwayere, wahshagoditshanige nongwehohon, asegenh jironnontonyon negeane royatadogenhti.

CHAP. XXII.

Tokarihwagenwahton ne kanahkwage jiniyoht Korah-kowah royenah.

NEONI Yesus waharihwaterago shagon oya shashagawenhahse ne ne tkarihwagenwahton ji wahadati, wahrenron,

2 Keaigenh ne karonhyageh thoha taonsagyatyeren royatatogen korahkowah, ne wahonyakten ne royen-ah,

3 Neoni yadeshagohjaren ne shagonhase ayontkwatane karo aontayenhte jiwadeanyote: nok yahtethonah-tentyon.

4 Nare, oya yonsahatentane ne shagonhase, wahrenron, Shehrorih ne ronweaneanyote, Jadkahtoh, onen wageweyeantaonh neayeke; agetshenen-ogon oni yonarsenhse kawenthon, neoni agwegon nen kaweyeanentaonh; karo kadi kaseneht jiyagonyagon.

5 Nok wahontyesahte, akte niyathonnehseron, odyake raohehtageh ware, odyake jidehatenhninontha:

6 Neoni ne wahondenre ok hegen ronwadirihwayesahtanyonhs ne ronwadinhase, oni wahnwadiryoy.

7 Nok onen ne korahkowah wahotogense, wahohsense; ne wahonni yahshagohtkawe raonenhrinehsera, oni wahshagohtonde ne ronatswaton shagordiryohs nongweh, wahontshahte jikanatayenton.

8 Ethone wahshagawenhahse ne shagonhase, Nen kaweyeanentaonh nonyenhskwa, nok ne ronweaneanyote ronaderayat yahki naah tehonathondagwanion roneronhatye.

9 Wasene, ne karihonni, agwegon aondaseweht ne negea-enh jiyohatenyon; jinigon eayetshigenh, yetshiyeanyoten jityagonyagon.

10 Eh kadi naaweane ronwadinhase yahonhtenti jiyohatenyon, wahshagodiyataroroke agwegon, jinahshagodigenh, yegagwegon ronongwetakshen yongwetiyose; onen jiwadeanyote yatkarihwayerine.

11 ¶ Ne onen ne korahkowah wahatkensehah jiniyotyeren, eh kadi wahogenh yah ne tehononontagon ne wadeanyote kanena;

12 Nok wahawenhahse raonha, Dyatenro, ohneane-eh kenh ihsese jiwadeanyote, oya niyoht ne sahkwenya? Neoni wahadeweanaton.

13 Ethone korahkowah wahshagawenhahse ne shag-onhase, Ehjisewanerenk ranontshageh rahshigeh, jityogarahonwe yahjiseniyatondi; ehnonwe yenhatstaren tahonawirok oni.

14 Igen eso ronwadihnongonne, nok nigonhah yondadyataragwen.

15 ¶ Ethone onen wahontkeanisa ne *Pharisees*, tehadiyatorehtha to-nahadiyere ne tahonwarihwawenryese jirohthare.

16 Neoni yahonwadinhane raonhageh ne raodityohkwa wahonne ne Herodian-haga, wahonniron, Tagwaweaniyo, yongwaderyentare nen nise togenhske-onweh, ne sherihonyeani jinayaweane ne Niyohne ne togenhske-onweh, nok oni okthiyagaweronhatye nongweh; nok oni yahtehsherahkwa ne onhka ok nongweh.

17 Tagwahrarih kadi, Nahoten ise ihsehre? Yowey-ehnston genh nahonwayon nogaryaksera ne *Cesar*, katon yahten?

18 Nok ne Yesus rottogense jirodirihwaneraakskon, wahrenon, ohneane-eh tagwanigonhrayeron, agwah sewarihwagonnatahkwa?

19 Tagwanatonhahse ne ogaryakshera ohwita. Neoni ehwaehewe ehskat penis jinigon.

20 Neoni wahshagawenhahse, Onhka na aoyatonni oni ne tewadeanagerahtontseronni?

21 Wahonwenhahse, *Cesar* raowenhk. Nok ethone wahshagawenhahse, Ehjijon ginyoh ne *Cesar* jinahoten raowenhk ne *Cesar*, oni nothenon ne Niyoh raowenlik yetshiyon ne Niyoh.

22 Ne onen ronathonde jinikaweanageh, wahodineh-rago, onen sahonwayatondi, eren sahonnehte.

23 ¶ Ok shaehniserat ehwahonnewe raonhageh ne *Sadducees*, ne ne ronton yahthaonsayontketsko nenwadonhwenjokten, ne ronwarihwanontonni,

24 Wahonniron, Tagwaweaniyo, *Moses* rawen, Tokat rongweh enhrenheye, yahthenhowiryentage, ne ki nyatadegen-ah shodinyak ne rone-genha, ok kadi ne enganenhatatye jinayaweane.

25 Nonwa jiniyaweaoenh nongyonghageh jatahk nadehondenhonterahkwe: tyotyerenhton, wahonyage, nok wahrenheye, yahtehodeweton, waodatenre kadi ne rone ne yatadegen-ah sahodinyage:

26 Eh kadi oneane naaweane, agare ne ahsenhadont, yagahewe ne jatahk nihadih.

27 Agare onenh oneane nagonhehtyen wagenheye niyaweaoenh.

28 Ne kadi wahonni, tokat, nenwadonhwenjokten nen enjontketsko, kanikayen rayatagweniyo rone engenhake, ne jatahk nihadih rodinehkwe?

29 Yesus saharihwaserago wahrenron rononhageh, Sewarihwayatahtonhs, yahtesewaderyentare norihwado-genhti, yah oni ne raoshatstenhsera ne wiyoh tesewayen-teri.

30 Igen jinenwadonhwenjokten yahthenskariwadeke nayagonyake, ayagonyagonne oni, aneayohton jiniyoht ne yeronhyagehronon ne Niyoh karonhyageh.

31 Ne gen nonwa yaorihwisate jinenjontketsko ne yagawenheyonhseron, yah ken nonwenton tesawaweanahton jinihodatih jonhageh ne Niyoh, rawen wahi,

32 Iih naah Niyoh ne *Abraham*, oni Iih Niyoh ne *Isaac*, oni Iih Niyoh ne *Jacob*? Niyoh yahten neane Niyoh ne yagawenheyonhseron, ok tenhnon ne ne yagonhe.

33 Ne onen kentyohtkwagwewon yagothonde ne kea-igenh, kowanen rodinehragwahs jinihorihotenh.

34 ¶ Nok ne onen ne *Pharisees* nen shahonronke ontan wahonwaneanarahkwe thathontotade ne *Sadducees*, oksha ok wahontkeanissa.

35 Shayadat jinihadih, ne ne teharihwagenhas, wahorihwanondonse, yaweht okthihorihwaye-eron, wahrenron,

36 Tageweaniyo, kanikayen ne tkarihwagweniyo ne weani ne ahtyawenrahtseragon?

37 Yesus sahawenhahse, kengayen Ehtsenoronhkhwak ne Niyoh ne Royaner seryahsagwegon, sadonhetsheragwegon, seanonhtonyonhtseragwegon.

38 Ne ne gea-enh tyotyerenhton ne tkayadagweniyo.

39 Neoni ne takenihadont ne shateyoht, Shenoronhkhwak ne sahsyadat senonhsanekhaonh jinise nisadadenoronhkhwa najer.

40 Ne ne gea-enh tekariwageh ne weani tekaneren ne yoderihwagwarihsyon oni ne rodiyadadogenhti-ogon.

41 ¶ Ethone shegon ne *Pharisees* ehshakahne ronakeanison, Yesus wahshagorihwanondonse rononha,

42 Wahrenron, Nahoten isewehre ne Keristus? onhka naah ronwayen-ah? Wahonniron, *David* royen-ah.

43 Raonha wahshagawenhahse, Oh kadi nyotyeren ne jiniyoht ne *David* ne kanigonhrageh raweanis Royaner? ratons,

44 Ne Royaner wahrenron wahawenhahse ne lih agyaner, Satyen jikeweyendehtahkon, jiniyore engonyenawase ne ne yesahswense tensarahsitagenserahkwe.

45 Tokat nongen *David* enhawenhahse Sayaner, tokadi niyotyeren ahoyenhahageh?

46 Yah onhka nongweh teyagogwenyon ayagorihwaseragwen; yah joweanat wahonnteron, oni othenon aonshonwathwanondonse.

CHAP. XXIII.

Keristus wahshagohrongate nongwetagwegon neaycrih-wahsere ne yoyanere.

ETHONE wahshagodatih ne Yesus jinikentyohkwa, nok oni ne raonha raotyohkwa,

2 Wahrenron, Keaigenh *Scribes* oni *Pharisees* ehradit-skwahronyon jiradyentatahkwa ne *Moses* :

3 Ne kadi, wagarihonni, oh kiod nahoten ronniron ensonterene, wahi nensonterene ehkinenhsyere; nok tohsa shenageren ne raodiyotenhsera: igen nok ne rodithare, yahteyaweh ehnhadyere.

4 Igenh ne wahontagwariste ne yokste, yodahkondak oni yonigonhrakshat nayagogehte, eh enhadiren ne ongewehne ehnenhsageh; nok ne rononha yahtehadinowese ahonoryaneron ne niyehnonhsaah aahonte.

5 Nok agwegon ne raodiyotenhsera jinihonetyeren ne ok aoriwa ne ongeweh ayontkahhoh: rodigowanaton ne karihwayatahtonhsera, oni rodigowanaton ne atste nonkadih oni ne raodinena,

6 Neoni radigonyenhstha ne ne gen kanaktenyon jirondekhonnyatha, oni aonhaah enegenh jirondyendakwa ne *Synagogues*,

7 Neoni yondadenowewerons jiyontkehrondahkwa, ne nahonwadinonhkwe, *Rabbi, Rabbi*.

8 Nok tohsa nise ayetshinatohkwe *Rabbi*: asegenh shayadat ok ne jiseweawaniyoh, ne we'hi ne Keristus; nok nise sewadadenonhkwe sewagwegon.

9 Tohsa onhka nongweh asheyenhahse Ragenih nonhwenjageh: ehnskat se ok ne Yarihah, ne karonhyageh.

10 Tohsa oni nise ayesenhahse Tageweaniyo: igen shayadat se ok ne Yaweaniyoh, ne ne Keristus.

11 Ok tenhnon onhka ok enhakowanenhhake jinigon ne ne sewanhatsera engenhake.

12 Neoni onhka kiok radadenyahesen enthadokten naah; nok ne ronidenhton raonha naah tehowarenhsaronne.

13 ¶ Nok sewentenht jonha, *Scribes* oni *Pharisees*, sewarihwagonnatha! igen ise waehjinhotonse nongwehogan ne kayanertseragon ne karonhyageh: igen nise yathaesewadaweyate, yetshinonstadihs nodyake ne nyagodaweyaton.

14 Sewendenht jonha, *Scribes* oni *Pharisees*, sewarihwagonnaton! igen ise waetshigari ne yagodehreonse yodinonhsoton, neoni okhoriwagon sewadereanayendatserahs: ne kadi engarihonni kowanen sewayentasere en-sewadejirendahkwe.

15 Sewendenht jonha, *Scribes* oni *Pharisees*, sewarih-wagonnaton! igen wesewatongohte kanyatarageh oni ehtiyogeh ayagaweron aonsayongerongwahse; nok jiniyore ehniyawenhs, watshijonyen tekenih teyohnanet nekshaah ne oneshshon jiniyoht ne jonha.

16 Sewendenht, ne ne teyetshironweks jiniyetshiye-rase! ne ne sewatons, Onhka kiok enyondatih eayonde-weanayesahten ne *temple*, yah ne othenon; nok onhka kiok eayondeweanayesahten ojinegwar karistanoron ne *temple*, waondatarothahse naah.

17 Sewendehserowanen, tesewaronwegon! kanikayen kakowanen, ne karistanoron, ne tens ne *temple* ne sewarihwayeani ne karistanoron nojinegwar?

18 Neoni, onhka kiok eayondeweanayesahte jiyeyatarastha, yah neane othenon; nok onhka kiok eayonde-weanayesahte ji nonka ne yondataare ehagarake jiyeyatarastha, waagonontanhake neaneeh.

19 Sewentese, oni tesewaronwegon! igense nahoten oya agayatagweniyohake, ne yondatawi, netens ne yeyatarastha ne engonwayatateriste ne yondatawire?

20 Onhka, ok kadi, eayondatih ne yoweanahniron ji nonka ne jiyeyatarastha, jikahere oni, yagoweanahniron jinayeyere.

21 Neoni onhka ok ehayondeweanakshaten ne onohsadogenhti *temple*, yagoweanahniron oni ji nonka raonha ne ehrenteron.

22 Neoni raonha ne ahadeweanakshaten ne karonhyageh, eh ki wahadeweanakshate raonaktageh ne Niyoh, ne ki wahoton ne renteron.

23 Sewendenht jonha, *Scribes* oni *Pharisees*, sewarih-wagonnatagwen! igen sewagaryahe nogaryaksera ne kahondagerase ogon-ah, neoni sewarihotarhon jiniyokste tenhnon ne kayatagweniyo ne ahtyawenrahtsera, nyoderihwagwarihsyon, kajenhayentne, kentenron, tewehtahkon; ne ne gea-ehh ehnasewayeren, tohsa oni nodyake ahesewariwenron.

24 Tesewaronwegon yetshiyatendyehtonhatye! anyokt jiniyoht ne otskerongeha ne ojinouwa, nok se ne *Camel* karyotowanen watons neaneeh ahesewenhnehkwane.

25 Sewendenht nise, *Scribes* oni *Pharisees*, sewarih-wagonnaton! igen sewaragewen ne *cup* ne atste nonkadih, oni oyashon nyerahkwa, ehniyoht nok se ne nagon nonkadih tewaderyahtikhonkseragwegon oni wahetken iyore.

26 Ise tesaronwegon *Pharisee*! seragewh tyotyerenhton nagon nonkadih ne *cup* oni nyerahkwa-ogon, nok oni atste nonkadih yoyanerek ohneane-eh.

27 Sewendenht jonha, *Scribes* oni *Pharisees*, sewarih-wagonnaton! igen jinisewayatodense jiniyoht ne kanonhsote yondadyadataastha nagwah kahsawetarhon, yonehragwaht sane yoyanere atste nonkadih, nok ne nagon kananon ongewehkenha ostyen, oni nagwah wahetkenhkowah.

28 Eh kadi nise agwah ehniyoht anyoh tkarihwayeri jinisewayatoden nongwehne, ken se kananon sewarihwayesahton oni sewarihwaneren.

29 Sewendenht jonha, *Scribes* oni *Pharisees*, sewarih-wagonnaton! ne wahonni ise yetshiseaeani jiradiyadat ne rodiyatadogenhtigenha, oni sewatyerongwen jiradiyadat ne ronaderihwagwarihsyonne,

30 Neoni sewatons, Tokat ethone aontayagyonhege shihonadehniseradehkwe ne ongwanihseragenha, yah onhte ehthayongwayatohteaonh yahthiyatayongwearonhton ne raodinegwenhsa ne rodiyatadogenhtigenha.

31 Ne wahonni ise sewarihwahnraton jonhatseragon, ne ne jonha naah raodikshata ne shagonawenthon ne rodiyatadogenhtigenha.

32 Sewananh kadi jonha jiniwatenyenten ne yetshinihogongenha.

33 Jonha onyare, sewahnegwahsade kahnyarakshen! ohneneaayaweane nahesewatongohte aonsesewanyageane wesewadejirendahkwe onehshon?

34 ¶ Ne wahonni, jadkahtoh, Iih yakhenhane jonhageh ne rodiyatadogenhti, oni rodinigonhrowanense, oni *Scribes*: nok odyake eayetshiryo teayetshiyentanharon; odyake eayetshisohkwawishon sewanonhsagon ne *Synagogues*, eayetshihrewahte eayetsronhyagenhte jikanatayenton:

35 Ne wahonni jonhageh entewaseane jinigon nyoderihwagwarihsyon agonegwenhsagenha yodiyageaonh jiyonhwenjade, ethone tyodahsawen raonegwenhsagenha ne roderihwagwarihsyonne *Abel* jiniyore raonegwenhsagenha *Zacharias* royen-ah ne *Barachias*, ehnonweh nijisewaryo ok tyogenhke ne *temple* neane *altar* jiyerihwahseronnyatha.

36 Agwah wagwenhahse isegeh, Agwegon jinikariwageh tkagonte sayagorane ne ken kahnegwahsade.

37 *O Jerusalem, Jerusalem*, jonha yetshiyawenthon ne rodiyatadogenhtiogongenha, oni yetshineayoyen ne thonwadinhaon nisegeh, to-nigon tewagatonhwenjonihne nagwayatarorongenha ne sewakshataogongenha ehnskahne, jiniyoht ne kitkit kanerahontshogon, nok yahtesewathondaton!

38 Jodkahtoh, jisewanonhsoton onen sonderihsi tkagonte naawen.

39 Igen wagwenhahse jonha, Yahnonwenton thaaskwadkahtoh jinenwe, jiniyore enshiron, Ronendont raoha ne tare raohseanagon ne *Royaner*.

CHAP. XXIV.

Keristus wahshagotogaten sewaderihsyonhe ne ononhsadogenhtigowah.

NEONI Yesus sahayageane, eren sarehte ne jikanonhsode ne *temple*: neoni raotyohkwa ehwahonnewe raonhageh, ne nahonwanatonhahse jiyagononhsosni ne *temple*.

2 Neoni Yesus wahshagawenhahse, Yah kenh tsewadkahtohs agwegon negea-enh jinikariwageh? Agwah Iih wagwenhahse, Keaneayaweane yah na skaheayat thagenhake, ne yahten thaontayonsenhtane.

3 ¶ Neoni jirenteron jiyononte ne *Olives*, ne raotyohkwa ehwahonnewe raonhageh adahsehtongeh, wahoniron, Tagwahrerih, katkeh negen ehneayaweane; nahoten oni enwatanyendenston ne onen tendehse, nok oni onen enwadonhwenjokten?

4 Neoni Yesus saharihwaserago rononhageh, Sewanigonrarak tohsa onhka nongweh yesanigonrhaten.

5 Igen yotkate ne gen jineayaweane entyen ne ne Iih aksheanagon, eayontonne, Iih ne Keristus; eayetshinigonrhaten kentyohekowanen.

6 Neoni ensewaronke aderiyohsera, neoni waderiyohserakshense: tohsa tesewanigonrharen: igen tkagonte se ehniyawenhsera, nok arekho jiniyawadokten.

7 Igen niyagaonhwenjageh teayagorihwarhese kayanertserayenton, korahkowatshon teagarihwarheseron: neoni enganhratarine, adonhkaryagon, teayaonhwenjishonhkwanon, okthiyonhwenjagwegon.

8 Agwegon ne ne gea-enh jientewadahsawen onigonhrakshatane.

9 Ethone tkagonte teayetshiyaderyahtikhonne, eyetshiyawentho, yetshihswenhsera agaonhwenjagwegon ne ne Iih agerihonnyahsera.

10 Nen tenhnon yawetowanen agenron eayonton, teayondadenigonrhatanyonse, teayondadatswenhseron ne ongeweh.

11 Nen tenhnon ne nonowenta eayetshirihowanahnten, enhonwadinageren rodiyadogenhtigenha, kanigonrhatenhserowanen jinensewayatawen.

12 Ne engarihonne ne karihwaneraakshera ensewane-
renste, ne jiniyenoronhkhwa nodyake ensewawistohtah-
kwe.

13 Nok raonha onhka ok yatenharihohsere, ne shahayadat enhonwayatago.

14 Ne kadi negea-enh orihwadogenhti ne kayanertsera engarihowanahnton onhwenjagwegon ne kadi wahonni eayagoderyentarake, niyadejonhwenjageh; ethone onen thoha engagwite nenwadonhwenjokten enwawe.

15 Ne kadi, onen, nen ensewadkahthoh kahetkenhsera kayese watonhsere, jiniyehogen ne royatadogenhti *Daniel*, ne ne gea-enh kahetkenhsera ehengatage aonhwenjadogenhtigeh, (onhka kiok raw nahnoton, raronk.)

16 Nen ginyoh jinigon ne yeteron *Ju'ea* ken rontegwaht jiyonontowanense:

17 Raonha onhka ok kanonhsageh yahentskwarageh tohsa ratsnenhte othenon yaonsahago raononhsagon:

18 Yahten oni raonha ne kahehtageh yahreseke taontahakete yataonsarahkwe raonena.

19 Neoni yagotenht ne yeneron, nok oni ne yonstarontha, nethone wehniseratenyon!

20 Nok jadereanayen tejadeanatonk nen ehneayaweane ne yah gohserageh thagenhake, yah oni thayawendadogenhtonhake:

21 Igen onen tenhnon kowanen waagoderonhyenhten jiyagonhe, ne ne yahnonwenton ehtedyaweaoenh jidyodahsawe shiyonhwenjade jiniyore nonwa, yah oni nonwenton oya ehthiyaonsayaweane jinenwe.

22 Neoni ethone enwehniseratenyonke tokat yahthayonsonhakha, yahohtaowahroten thaontongohte: ne ok ne yondadyataragwen engarihonni ne ehwehniseratenyon nenjonsonhah.

23 Ne ethone onhka ok nongwe enhyenhahse, Sadkahtho, Keristus ken renteron, tohsa kasenehtahk.

24 Igen keaneayaweane tayetasere eayairon Iih ne Keristus, ne nonowenta; onowenta oni *prophets*, eso yotyatanenyon jinenhontyere; nen ki yengarihwageanyate tokat nongenah aonton, enhonwadinigonrhaten ne yondadyataragwen.

55 Jadkahthoh, arekho ehthiyaweaoenh nok Iih gwahrorih.

26 Ne wahonni tokat nongenah eayesenahse, Sadkahthoh, eh wahi renteron jo ok thihaonhaah ok keanonwe thirese; tohsa eh yahase: Sadkahthoh, eh wahi renteron adahsehtongeh jitkanakte; tohsa kajisenehtahk.

27 Igen jiniyoht ne teweaniregarahon jitkarahkwinegens, entkayenhtahkwe yateayoyake jiyatewatsothos; etho oneane neayohton jinenrawe ne Ronwayen nongweh.

28 Igen ka ok nonweh engayendake noyeronta-genha, ehnonweh engontkeanisa otanyon.

29 ¶ Yogondatyé kadi ne nen ohnagengeh shahonaderonhyenhten wehniseratenyonhkwe onen entyogarahwe ne karahkwa, oni ehniida yahthenjohswathege, oni ojistohkhogon entewaseane ne karonhyageh, oneane kashatstenhséra ne karonhyageh tenwatkarenron:

30 Neoni ethone tkagonte waogentane jinahoten enwatenyendenston ne Ronwayen nongweh etho karonhyageh: onen ethone ne nongwehohon niyadeyagaonhwenjageh nonhwenjageh eayagonigonranen, ethone onen enhonwagen ne Ronwayen nongweh otshatagon enthayenhtahkwe entharihwenha kashatstenhsera oni onwensenhtak.

31 Neoni onen endehshagonhane raoronyagehronon yoragareni kahonrawats eayoragarehre; ethone eayagoyataroroke yondadyataragwen jitengawerahkwe kayeri ni kawerageh, jiyoderonyotanihon agwegon.

32 ¶ Nonwa sewadaderihonyen ne tekarihwagenwahon ne jogahrehtese karonta: Wahi notenhadonniah, entkanerahtareke, igen yoderyentare ok hetho nagenha:

33 Eh kadi niyoht jonha, ne onen ensewadkahthoh agwegon jiniyotyeren, sewaderyentarak onen ok hetho, onense jikanhogaronte.

34 Agwah wagwenhahse jonga, Keaigenh kahnegwahsade yahthayontongohte, nyare ne keaigen orihwagwegon ehneayaweane.

35 Karonhyageh oni onhwenjageh waderihongohte neane-eh, nok ne ageweanaogon yahteyaweht ne yahehtayawenhsere.

36 ¶ Nok ne ehwehniserade oni ne *hour* yah onhka teyagoderyentare nongweh, yahten, yah oni ne karonhyagehronon ne karonhyageh, ne ok ne Ranihah roderyentare.

37 Igen jiniyoht shihodehniseratenyonhkwe ne *Noe* jiniyaweaonh, eh kadi are neayaweane ne onen tentre ne Ronwayen nongweh.

38 Igen jiniyoht ne shiwehniseratenyon ne arekho shiyaonhwenjo-onh, ehniyohtonne tehontskahonyon radihne-girha, rodinyakhons rondeanyotonyons tyotkon, jiniyore oneane *Noe* nen wahadita ne kahonwagon,

39 Yahtehonnehre, onen genh waonhwenjo-onne nease aonderihwihewe eren onen shohawihton; eh kadi are onwa reayaweane ne Ronwayen nongweh nonen tentre.

40 Ethone tehniyahshe kahehtageh yenhneseke: enhskat enthonwayena, nok enhskat enhodatenre.

41 Tegeniyahshe odinhehtyen engenitheseronniheke ;
 ehnskat engonwayena, nok ehnskat enyodatenre.

42 ¶ Jatyehwaten kadi ; igen yahtesewaderyentare kat-
 keh kanonweh ne *hour* ne Ehjisewayaner onen entre.

43 Jaderyentarak keaigenh, tokat ne rongwetiyo ne
 rongwe rononhsote ahoderyentarake katkeh naayonwe
 nahonwanonhskari, tkagonte ahonigonraren, yah oni
 thayagogwenyon ayagohetkenhton jirononhsote.

44 Ne kadi wahonni oni nise sewarharek sewatshe-
 ronnyahkwenthohsek : igen ne enwadeke ne *hour* yah-
 tesewaderyentare ok na ne Ronwayen nongweh entre.

45 Onhka kadi negea-enh yonttokha ne yondaden-
 hase ; igen wahi ne raoyaneta shagoyataragwen ne rarih-
 wagwatagwas ne raononhsagon, nenhshagaon neayeke
 watogen wahi nonen eayondadenonte ?

46 Rodahskats na ne ronwanhase, onhka ok ne raoy-
 aneta, jinensrawe, enhatyerok yoyanere jinihotyeren.

47 Agwah wagwenhahse, Ne na enhogowanahte en-
 hanigonra rake jinihoyen.

48 Nok tokat keaigenh kanhatserakshen enhatonheke
 raonhatseragon, yah wahi oksha, ok thataontare ne
 royaner ;

49 Neoni keanenhayere enthadahsawen wahshagoye-
 sahte ne shatehonwadinhase, oni skahne enhondekhonni
 enhadihnegira ne radihnekagastha ;

50 Ne royaner ne shagonhase ensrawe enwehnisera-
 deke yahothennon thenhorhareke, oni ethone enwadeke ne
hour ne ne tenhotyerenhji,

51 Ne kadi tenshoyake enwahton-onweh, eh enrehte
 shagat yenhonton ne rodirihwayesahton : ehneayaweane
 tehonhsenthohsere tenhodinawiroke oni tenhonagaranye.

CHAP. XXV.

*Tekarihwagenwahton ne oyeri nigondi ne yahtegondi-
 nahkwayengeri.*

ETHONE jiniyoht ne kayanertseragon ne karonhya-
 geh thoha teskyaderihwatyeren ne oyeri nigondi
 kondiwinon, watkondihkwe ohahsera, oni wagonhtenti
 yagonterane ase ronyagon.

2 Ne kadi wisk nigondi gonttokha, wisk oni nyoditeh.

3 Ne kadi ne yoditeh watkondihkwe naonawenhk yehahserahzkwa, nok yahteyodiha ne keayah:

4 Nok ne gonttokha yagondihawe ne keayah kehratne naodihogata.

5 Jinahe ne yagonnyagon waondorishen oni gwegosenhtarane oni waagotawe.

6 Neoni ahsonthen tontayagohenrehte, Sewadkahthoh, yagonnyagon tayen, waas dejateratane.

7 Ethone agwegon ne kondiwinon watkonditane, wagondigwatago naodihahsera yatenhonwaterate.

8 Neoni ne yoditeh wagonnenhahse ne gonttokha, Tagweayenon; waongwaswase ne teyongwaswathetagon.

9 Nok ne gonttokha wagondirihwaserago, wagonniron, Yahehtekarihoteh; onwa o-niih eayongwaswahse nigonha ok yongwayen; senha yoweyenhston ehyahasewa jithondenhninons, sewadatninons nissa.

10 Jinahe yegondigonte yodihninonron, onon ne ronnyakhe warawe; oni jinigon ne yagotseronnyahkwenthon yagondaweyate jityagonnyagon; oni jikanhogaronte onen sayenhoton.

11 Ohnagengeh onen oneane-eh wagonnewe nodyake kondiwinon, gonton, Sayaner, Sayaner, tagwanhotongwas oni niih.

12 Nok waharihwaserago wahearon, Agwah Iih wagwehahse, Yahtegwayenteri.

13 Sewadeanigonraren, ne garihonni, igen wahi yahsesewaderyentare ka-niwehniserade *hour* oni, ne onen tentre ne Ronwayen nongweh.

14 ¶ Igen ne kayanertseragon ne karonhyageh jiniyoht ne rongweh tehotawenrehatye inonh tyenageronyon, ne onen yahshagononke ne shagonhase-ogon, yahahtkawe ne raowenhshonhah enhontsteriste.

15 Neoni shayadat yahawen wisk ne kahwistowanense, oya shayadat tekeni, neane-eh oni oya shayadat enhskat neane-eh; yahawen niyadehadi ehnaawen ne tkaweaniyo jiniyontokhatseroten; ethone onen nihoh-tentyon wathatawenryehsa.

16 Ethone ne onen ne royena ne wisk nigon ne kahwistowanense onen wathanonwayenhte, watyonaneta jinonsahago.

17 Neoni ehnaaweane ne tekenih tehoyena, watyonanetane ontkwenyete.

18 Nok onen ne ehnskat royena wahatagwate onhwenjagon, wahahsehte ne royaner raohwista.

19 Ohnagengeh wahonnise jinahe neane royaner ne raonhatsera nen sarawe, onen entharade neahadirihwagwatago.

20 Ne onen ne royena ne wisk nigon ehwarawe, shahawi ne wisk nigon oni jinihogwen, wahrenron, Sayaner, negeane teskwawi wisk nikahwistageh; sadkahthoh, wisk nigon wakkweni ehnaako.

21 Royaner wahawenhahse raonha, Yoyanere jinisa-tyeren, agwah tisehtahkon: wahsyerite niyorihowaah wahsatsteriste, Nen kadi nonwa engongowanahte senha yorihowanen ensatsteriste: yasadaweyat jiyensadonha-ron ne ne sayaneta.

22 Raonha oni ne royena teyoriwageh ehwarawe wahrenron, Sayaner, teskwawi tekenih yorihowanen: sadkahthoh, tekenih ontkweni wagago thikade ne teskwawi.

23 Ne Royaner wahawenhahse raonha, Yoyanere jinahsyere, agwah tisehtahkon: niyorihowaah gonribontani, Nen kadi nonwa wagongowanahte yorihowanen enhsatsteriste: sadaweyat ahsadonharen ne ne yayanerhne.

24 Nen are neane thowi royena joriwat ehwarawe wahrenron, Sayaner, gonyenteri sarihwahniron nongweh, ehshyake jinonweh ne yahtesayenthon, enseroroke jinonwe ne yahtesarenyaton:

25 Neoni oksha shiwakteronse, oni wagahtenti wahahsehte ne sawhista onhwenjagon; sadkahthoh, ehkayen ne sawenhk.

26 Ne Raoyaneta saharihwaserago wahrenron ne raonhageh, Sarihwaneraakskon entorahsera gonhase, saderyentare engyake jinonweh yahtewagyenthon, oni enseroroke jinonwe ne yahtewagarenyaton;

27 Ken wahhi, nahesayeren, ehyaahesayendake nakwista jinonweh natehaditenyese, ne nen shonsagewe lih aonsongyenake nagwawenhk oni jinigon ayodehyaron.

28 Ehtsekwah, kadi, ne kahwistowanen ne rahawe, oni yahahtshen ne ne rahawahkwe ne oyeri niyoriwageh nyorihowanense.

29 Igen niyadeyagon ne yahawahkwe enjondaton naah, ne wahonni eayawetowanha enhayena: nok ken-gayen enshonwahkwa ne yahse tehawahkwe, nok oni nok shihawahkwe.

30 Neoni isi yenhonwayatondi ne yahtethorihwayeritonh ronwanhase jinonweh tyogarahshonweh: ji non yanwatsjitogo oni teayagonawiroke.

31 ¶ Ne onen ne Ronwayen nongweh ne onen tka-gonte tare enthagwegonhatye raonwesehtak, oni agwe-gon agoyatadogenhti karonhyagehronon enthonne, nen tenbnon etho entheanitskwaren raonwesehtseragon:

32 Neoni raohenton eayegeanyatane eayontkeanissa jiniyadeyohwenjageh; neoni *one* tenhshagokhahsi inon teayonterate, jiniyoht tagonwadikhahsi teyodinagaronton-ah nok kondiyatagerase:

33 Ehnonkadi engondigeanyatane teyodinagaronton-ah jiraweyendehtahkon, nok ne kondiyatagerase shaneg-wadih.

34 Ethone ne Korahkawah enshagawenhahse ne jion-kadiah raweyendehtahkon rasnongeh, Karo kaseneht yetshiyadaderiston ne Ragenihnehah, jadaweyat kayan-ertseragon shondonhwenjadahsawen thonaktahseronny-ahkwenthon:

35 Igen shigatonhkaryakskwe, tagwanonten; Shiwagenyatathenskwe, tagwahnakanonten; Shiwagonh-wenjaya, tagwayatinyonton:

36 Yahtewagenenayen, tagwarawi: Wagenonhwak-tanihahkwe, tagwat-kense: genaskwa shonton, tagwat-kense.

37 Ethone nyagoderihwagwarihsyon enjerihwaserago, eayairon, Sayaner, katkeh shagwadkahtoh sadonhkary-akskwe, wagwanonte? katkeh oni sanyatathenskwe, nok wagwahnakanonte?

38 Katkeh shagwadkahtoh sonhwenjaya, wagway-atinyonte? sawaseron, oni wagwarahse?

39 Oni katkeh shagwadkahtoh sanonhwaktanih, shisenaskwa, oni yegwat-kense?

40 Ne Korahkowah enharihwaserago rononhageh enhenron, Agwah Iih wagwenhahse, Ne ne jiniyetshiyatyerasese ne jeyadat ne ne keaniyehosthon ne jinigon kahe-nonhkwe, ehse nisewayeresee niihne.

41 Ethone kense nenshagoyerasese ne rononha ne shanegwadiah, eren seneht yetshiyadewendehton, jinonkadiah tyotekha jiniyenhenwe, gonwadiseronnyeani noneshonhronon jinihotyohkwa.

42 Igen shigadonhkaryaksuwe, yahteskwantonen: Wagenyatathenskuwe, yahteskwanyatanawenhthon :

43 Agonhwenjaya, yahteskwatinyonton : agwaseron, yahteskwawari; wagenonhwaktanih, genaskwashonton, yahteskwatkenhsehahkwe.

44 Ethone are ne rononha enhshadiriwaserago, enhonhiron, Sayaner, katkeh shagwagewagen sadonhkaryaks, oni sanyatathense, oni sonhwenjaya, oni sawaseron, oni senaskwa, nok yahteyongwatsteriston ?

45 Ethone shashagoriwaseragwahse, wahrenron, Agwah, Iih wagwenhahse, Ne ne jiniyetshiyerasese yahotheron ne ne enh¹at ne yeyosthon ne jinigon ne khenonhkwe, yahehteskwayerasese niih.

46 Ne kadi jiniyagon eren eayenhte jinonkadiah jiniyenhenwe wakhehrewahte; nok yagoderihwagwarihsyon keaniyenheayen jiyeyagonhe jiniyenhenwe.

CHAP. XXVI.

Ne ne radirihwagwatagwas ronwarihwahretsteanih Keristus.

NEONI ne onen shontongohte, ne onen Yesus shahaweyeanentane agwegon nenshiyahenron, nen wahshagawenhahse ne raotyohkwa,

2 Sewaderyentare wahi tekeni-thenwata ohnagen ehnonweh niwadeanyote enegen nenwatongohte, (*passover*), ne kadi ne Ronwayen nongweh ehnonweh natenhonwanigonhrasere neonen tenhonwayentanharen.

3 Ethone onen wahontkeanissa agwah radigwegon radijihenhstajihkowa, oni ne *scribes*, oni ne thodikstenhasese ronongwehohon, jinonweh nihononhsotegowah rayatagweniyo rajihenhstajihkowa, ne raohseana *Caiaphas*,

4 Ehnnonweh nahadirihwissa jineyaweane neahon wayena Yesus enganigonrhateani, nentenhnon enhonwaryo.

5 Nok odyake ronton, Tohsa ne wehniserade ne wa-deanyote, onwa nigen nongwehohon teayongwarihwatiha enwatsharogo.

6 ¶ Nonwa, onen Yesus *Bethany* yereše, jirononhsote ne *Simon* ronhrare, (*leper*.)

7 Ehonwe raonhageh onhehtyen kahawi kahnatahk (*alabaster*) iwat ne naonhaah weayenanoron yogarowanen, ehwagarho raononjineh jirenteron tehontskahon.

8 Nok ji onen wahontkathoh ne raotyohkwa, jiniyoht ne wahodinagonnyate, wahonniron, Nahoten yorihonte ken-ondeayenatyesahte?

9 Ne kea-igen ne keaye aontenhnonhake, eso yatay-onenon ayondatawi ne yagotenhtenyon.

10 Neane Yesus wahotogense, wahshagawenhahse rononha, Ohneane-eh watisewadadenigonrharen nagonhehtyen? yorihowanen wahi jinongwatyerase.

11 Igen tyotkon wahi sewayen ne yagotenht: nok niih yah tyotkon thensewayendake.

12 Igen negen jinagayere ongweayenarho gyerongeh, ne aoriwa ehmagayere igen yongyadata-anhe.

13 Agwah lih wagwenhahse nise, Kaoknonweh neagenhatye orihwadogenhti eayonderihwahnoton jiyonhwenjade, engarake, ne kea-igen nonhehtyen jinongwatyerase, eayontroryathage jinityorihwayeriton ne aonha.

14 ¶ Ethone shayadat ne tekenihshadire, ronwayats *Judas Iscariot*, ken warehte jithaditeron radiyatagweniyo radijihenstajih,

15 Neoni ehayahshagawenhahse, To-naaskwagariakshe, nok lih yenhiyahtkawe isegeh? Neoni wathadirihonten ne raonha ahshen-niwahshen nikaristanorontserageh tahonyon nohwista.

16 Neoni ethone tahadahsawen onen ne ok naonsahoweyenhsten nea-enhonigonrhaten.

17 ¶ Nonwa, tyodehniseradyerenhton jinihondeanyo-
tha ne yahtewatthengwahton kanatarohk, ne raotyohkwa ehwahonnewe Yesus-neh, wahonniron, Ka onhte nonweh nasenaton nagwagwatagwahse ne a-ahseke ne enegen enwatongohte (*passover?*)

18 Wahrenron, Wasene katanagon rayatatogen rongweh, enjisenenhahse, Ne neh Shongeniweaniyo rawenhatye, Onen thohah yaongwaderihwihe: En kadi neayaweane engatsteriste ne (*passover*) sanonhsagon oni jiniwagityohkwa.

19 Ne kadi ehnaaweane ne Yesus jinahshagoyerase wahshagohongaryake ne raotyohkwa; wahadigwatago ne (*passover*.)

20 Ne onen kadi, jiwaogarahwe, onen wahontyen ne raotyohkwa.

21 Neoni ok ne jitehontskahon, wahrenron, Agwah Iih wagwenhahse jonha, enhskat ne jinijon tkagonte teyongigonhraserane.

22 Neoni konwayats ne wahodinigonhranonwake, tahondaawsawen niyadehadih wahonniron ne raonhageh, Sayaner, aten Iih?

23 Neoni saharihwaserago wahrenron, Ne ne enhskahne teyongenijenhton skakshatneh, ne shahayadat tehagenigonhraserane.

24 Ne Ronwayen nongweh ehwarehte, jinikayeren jikahyaton jinenhoyatawen raonha: nok rotenht ne thorongweh ne ne wathonigonhraseren ne Ronwayen nongweh! senha yoyanere ne yahnonwenton thahonageraton.

25 Ethone *Judas*, ne negen wathonigonhraseren, wahawenhahse raonha, Tageweaniyo, aten Iih? Wahrenron, Etho jinahsiron.

26 ¶ Neoni, jitehontskahon, Yesus wathanatarahkwe, oni waha yatateriste, wathayakhon, wahshagaon ne raotyohkwa, oni wahrenron, Jenah, senek; ne nagyeronta.

27 Neoni watrahkwe ne *cup*, oni wahatonren, oni yashagaon rononha, wahrenron, Sewahnegira sewagwegon:

28 Nok kea-igen agenegwenhsa ne negen ne ase watenyendenhstahkon (*Testament*.) wakrironh ne negen enskaragewahte eso karihwaneren.

29 Nok Iih wagwenhahse, Yahteyaweht aaknegira ayogondatye ne onenharatasehon, jiniyore ne enwehnise-radeke ne onen ne enseknegira nase enhskahne nise Ragenihnehah ne kayanertseragonli.

30 Neoni ne onen wathadiriwahkwe oreanase ethone wahadiyageane ken wahonnehte jityononte ne *Olives*.

31 Ethone rawen ne Yesus rononhageh, Agwegon negen yetshigenronnyane Iih ageriwa neayogarahwe: igen kahyatonh, Kea-nengyere tengeanityohgogwahte enhihrewahte ne ratsteristha ne teyodinakaronton-ah, oni ne teyodinakaronton-ah jinikentyohkwa okthiyatengonreni okthiwagwegon.

32 Ok ohnagen Iih enskadtetsko shegon, Iih ohenton enge ji-isewe ne *Galilee* nonkadiah.

33 *Peter* wahanrhwaterago wahanron raonhagen, Etho sane agwegon nongweh enhonwadigenron ne engarihonni nise, yah ki niih nonwenton thiyaonkkenhraten.

34 Yesus wahanron raonhageh, Agwah Iih wagon-yenhahse, Kea-igen nonwa enyogarahkwe, arekho ne kitkit thenyodadike, nise ahshen nenskwadonhiye.

35 *Peter* sahawenhahse, Etho ehskahne tendeniheye, shegon yahteyaweht agonyadonhiye nise. Radigwegon sane ne wahonniron ne raotyohkwa :

36 ¶ Ethone ehtahonnehte Yesus ronne jinonweh konwayats *Gethsemane*, wahshagawenhahse ne raotyohkwa, nyare kensewatyen, gadereanayen nyare.

37 Neoni wahoyatarago *Peter*, oni tekenih ne Shagoyeaogon-ah ne *Zebedee*, nentondahsawen jiniyoht ne ronigonhrakshense nagwah.

38 Etho wahanron rononhageh, Agwadonhats yonehragwaht wagenigonhrakshense, ji oni giheyonhsere: ken sewenterondak, tewadeanigonraren.

39 Neoni yahahtenti isi nonweha, ehtageh wahatkonhsayen, wahadereanayen, raton, O Ragenih, tokat okthakanoron, wagatongohtas ne *cup* niih, etho sane nea-ne-eh, yah Iih tewageriwa, ne ok nise jinisanigonhroten ehneyaweane.

40 Neoni ehsarawe jaditeron ne raotyohkwa wahshagoyadatshenri roditas, wahawenhahse ne *Peter*, Ohnawen! yah ken tesewagwenyon nahesewatyehwatage ehskat *hour* jinahe?

41 Sewadeanigonraren oni sewadereanayen, ne ne tohsa akte niyahesewanigonhrenhawe: Kanigonra orihwiyo ehniroten nok nowaron onetskha nea-neeh :

42 Raonha are eren sarehte ne tekenihadont, oni yahadereanayen, raton, O Ragenih; tokat negeane *cup* yahthatenwagatongohtanire, ji kiok ki na enknegira, jinenhsyere ehneyaweane.

43 Neoni ehsarawe jiraditeron roditas are, nen se yoxte ne radigahtegeh.

44 Nen are shashagoyatonti, eren sarehte, yonsahadereanayen are ne ahshenhadont, ok ne shagaweana jinahenron.

45 Ethone nare ehsarawe roatyohkwageh, wahshagawenhahse, shegon niseventas, sewadorishen nonwa: onen Jodkahtoh, neane *hour* thohah kade, oni ne Ronwayen nongweh nen ok hetho ne tehonwanigonhrasere radihsnongeh ne rodirihwaneraaxkon.

46 Tesenitan, tewahtenti: Jodkahtoh, nen ok etho ne tehanigonhrasere niih.

47 ¶ Jinahe shegon nihohthare, jodkahtoh, *Judas*, ne nenhskat ne tekenih-shadire, nen tare, ronne tehonityohkondatye kentyohkowanen radihawi asharegowah kankyen-ogon, ehtahonnehte jithaditeron radiyatagweniyose oni thodikstenhase nongwehogon.

48 Nonwa, raonha ne ronigonrhateanire rawen enwatenyendenhston, Onhka kiok, rigwanyon, ne-eh ehjiseniyena.

49 Neoni okshaok ehwarawe Yesus-neh, wahrenron, Watkonnouweron, Tageweaniyo; oni wahogwanyon.

50 Neoni Yesus wahawenhahse, Dyatenro, otnasatyerane ne gentho? Ethone nen wahonnewe, onen yahonwayena ne Yesus ratshenen ontan.

51 Neoni, jodkahtoh, shayadat ne Yesus ronnene, wahasharatago, wahoyenhte ne ronhase ne rajihenhstajihkowa yahohonhtyakte skadih.

52 Ethone ne Yesus wahawenhahse, Sasettan ne sashare: igen agwegon jinigon ne ronsharenhawe rontkaronnyane asharegowawa rodiryohsere.

53 Isewehre ken nonwa yah genh thaakkweni ahya-dereanayenhahse ne Ragenihah, oni endehshagoreke ne isi nonwe ne tekeni-yawenre niyohnanet kentyohkowa nenhsera ne karonhyagehronon?

54 Nok to kadi neayaweane ne kahyatonhseradogenhtiogon engaweanayerine, wahi tkagonte-onweh?

55 Ok ne kade ne *hour* wahrenon ne Yesus jikentyohkowanen wahshagawenhahse, Eh ken nisewayere, jiniyoht ne yenenhskwas, sewahawinonhatye asharegowa oni yondadyenhtha jiwahskwayena? kense niyadeweh-niserageh enhskahne tewenteron gwarihonyeani jikanonhsotegowa, yah kadi neane teseweron shagwayena.

56 Nok agwegon ehnaaweane jiniyodatih norihwado-genhtiogon ne rodiyadadogenhtigenha fonadadihne tagayerite ehnaawane. Ethone ne raotyohkwa agwegon wahonwayatondi wahontego.

57 ¶ Neoni jinihadi ne ronwayena ne Yesus ehwahonwayatenhawihte jithenteron ne rakowanen *Caiaphas*, jinonwe nithonatkeanisson ne *scribes* oni thodikstenhase nongwehohon.

58 Nok *Peter*, wahohsere inon tenhnon tare jinonweh thanonhsotegowah ne rakowanen rajihenhstajih yahaweyate jiyononhsawenhte, ne ne tahaganerake jiyendawadokten.

59 Nonwa, ne radikowanense radijihenhstajih oni radikowanense nongwehohon, rodijenhayen onen wahonwarahse onowenta-ogon ne Yesus, ne wahonni ahonwaryo;

60 Nok yah onhka arekho: ethose, onen eso wahanweanowentase, arekho ki yaonderihwihewe. Ohnagengeh tehniyahshe wanewe onen ne ne engatogenhji enhonweanowenhten,

61 Neoni wahniron, Ken-igen rahetkenhskwa rawen, Iih wakkwenyon agenonhsarihsi jirononhsote (*Temple*) ne Niyoh, nok aonsagenonhsosni ahshen naonta aonsagenonhsissa.

62 Neoni rajihenhstajih kowah wahadyatagwarihsi, oni wahawenhahse, yahohenon tehsaton? serihwaserago nissa ohnyotyeren kense nonwa onen watisaderihwawenhege?

63 Neoni Yesus okthatehotode yahskaweanat. Neoni ne rajihenhstajihkowah wahodatih wahrenon raonhageh, Iih wagonyaderihoktahkon jironhe-onweh ne Niyoh, Nea nonwa tagwahreri gyaahsa ise genh ne *Ke-ristus*, ne Niyoh Ronwayen.

64 Yesus sahenron raonhageh, Etho jinahsiron; etho sane neane, lih wagonyenahse, Ohnagengeh ensehtsadhakathoh ne Ronwayen nongweh enhenterondake jiraweyendehtahkon rasnongeh oni kashatstenhsera, nen tentre otshatagon ne karonhyageh.

65 Ethone rajihenhstajihkowah waharajon ne raonena, wahrenron, Kea nonwa wahadatih waharihwanerakegowah; nahoten shegon isi nonweh yayerihwisake? Sewadkahthoh, nen nonwa sewathonde jinahayere.

66 Nahoten isewehre nise? Wahadirihwaserago wahniron, renheye.

67 Ethone wahnweanitskeroserahwe ragonksne, oni wahnwayagwenrhtarho; ronwagonghrehkon ronwayenhtanyons,

68 Rontonyon, Tagwahroryanyon niihne, ise Keristus; ohnka neane nahesaweyeanageani nonwa?

69 ¶ Nonwa *Peter* atste nonkadiah renteron jikanonhsote; kayataseah ehiwe jirenteron, wagenron, Ise wahi niseneskwe ne Yesus ne *Galilee*-haga.

70 Nok wahadonhiye ronathondenyon, wahrenron, yah tekyenteri nahoten saton.

71 Neoni, nens sahayageane jiyononhsote, oya kayatase wahotkahthoh irade, wagenron, Kea-irade rongweh neonne nineskwe ne Yesus ne *Nazareth*-haga.

72 Neoni shegon wahadonhiye agwah wahadeweanahnirate wahrenron, yahtehiyenteri ne rongweh ne jiton.

73 Neoni kea-naheyah ohnagen oya ehire ehwathane, wahrenron *Peter*, Ise wahi iseneskwe: oya oni nihsewewenoten.

74 Nen tahadahsawen wahadeweanayesahtanyon, wahrenron, Yahotheron tehiyenteri ne rongweh ne jiton. Neoni yogondaty ne kitkit ondatih.

75 Neoni *Peter* yogondaty saharehyarane ne raoweana ne Yesus, jinahoten raweani, Arekho enhskat ne kitkit theayodadihake, nok ahshen nenskwadonhiyase. Neoni yahayageane, yahatstaren waganehragwahte.

CHAP. XXVII.

Keristus yahonwahtkawe raneren jirenteron Pilate.

NE onen jiwaorheane, agwegon ne radikowanenhse radijihenhstajih oni rodikstenhase nongwehohon onen wahonwajenhayen ne Yesus ne onen ahonwaryo.

2 Ne onen wahonwanerenke nok wahonwahsharine, ehayahonwanaskwewe jithenteron *Pontius Pilate* ne Rakorah.

3 ¶ Ethone *Judas*, ne tehonigonhrasere, nen wahadkahthoh onen wahonwadewendehte, ethone shadaderihwastanih, ehshahahewe ne ahshen-niwahshen nikaristanorontserageh jiraditeron ne radiyatagweniyocse radijihenhstajih radikowanenhse oni,

4 Sahenron, Wagerihwanerake jiniwagyeren watakenigonhraseren ne ne kanegwenhsanoron. Neoni wahonwenhahse, Oh kadi ne henon niihne? ise ne saderyentare jinahsyere.

5 Neoni ehwahoti nohwista ononhsadogenhtigeh, eren warehte, oni yahadatnyaterenge.

6 Neoni ne radikowanenhse radijihenhstajih tonsahonnehkwe ne karistanoron, wahonniron, Yahteyoweyenhton nahetewateweyenton, igen yahatkene nonegwenhsa.

7 Nen wathadiyatorehte, onen wahonnonhwenjahni-nonte, jieayondadyadataasthageh nagaonhwenjayen.

8 Ne wahonni neh kahentayen rodinatongwen, Onegwenhsa kahentageh, nonwa shegon ne kenwehniserade.

9 (Nen yahonderihwihewe ehnaawen jinihodatih ne *Jeremy* royatadogenhti, rawen, Teshodihkwen ne ahshen-niwahshen nikaristanorontserageh, jinihayatanoronhkwe, ehnihodinatohkwe ne ronwadiyea-genha ne Iseratt.

10 Ehnahadigaryake jiwahadihninon ne yetshetony-atha kahentayen, ne ne Royaner jinihagyataragwen.)

11 ¶ Ne onen Yesus ehirade ohenton jirenteron ne Korah neoni ne korah wahorihwanondonse raonha, wahrenron, Ise genh naah ne korahkowah ne Jews-haga? Neoni Yesus wahrenron, Etho jinahsiron.

12 Neoni ji onen wahonwadonthonse jinahonwayere ne radijihenhstajihkowah oni radikowanenhse nok wahothenon tehawen.

13 Ethone *Pilate* wahawenhahse, Yah ken tesa jiniyoriwageh wahesarihwahretsten notogeaonh?

14 Ne ne yahskaweanat tehorihwaseragwen; ne wahonni ne korah eso wahonehrago.

15 ¶ Ne ethone, jironadeanyote ne korah jinikarihoten shayadat ens wahohtkawe ne ranaskwa, onhka kiok tehonatonhwenjonni nongwehagon.

16 Neoni ethone ranaskwayen, raongwetanehragwaht ronwayats, *Barabbas*.

17 Ne kadi, onen ehskahne wahontkeanissa, *Pilate* wahshagawenhahse, Ka-nikayen isewehre aonsakheyahtkawe nisegeh? ne keaigenh *Barabbas*, nok Yesus, negeane Keristus ehjisewayats?

18 Igen roderiyentare ne ok ne kanoshaonh aoriwa jironwayena.

19 ¶ Ne onen ji ehrenteron kajenhayentseragon jiyontyendahkwa ne rone tondenhane raonhageh, watonne, Tohsa othenon ahadewenharho nahawenhahse ne roderihwagwarihsyon ne rongweh: igen niih eso ongeronhyagenhte jinaawen ne kenwente kaserenhtagon adetshenhsera, ne aoriwa.


20 Nok thadiyatagweniyose oni radikowanenhse ronwadihrejaron jinikentyohkwa nahadiriwanonton *Barabbas* aonsahonwahtkawe, nok ne Yesus ahonwaryo.



21 Ne korah waharihwaserago wahrenron rononhageh, Ka-nikayen ne tekenih yenskwahtkawe? Wahonniron, *Barabbas*.

22 *Pilate* wahshagawenhahse, Oh kadi neane nenhiyere ne Yesus, ne ronwayats Keristus? Radigwegon tahondatih wahonwenhahse, Tehonwayentanharen neane-eh.




23 Ne kadi ne korah wahrenron, Ohnyotyeren? Nahoten wahetken jinihotyeren? Ne ok hegen senha wahondeweanayentonwe, ronon, Tehonwayentanharen neane-eh.







**IMAGE EVALUATION
TEST TARGET (MT-3)**



**Photographic
Sciences
Corporation**

23 WEST MAIN STREET
WEBSTER, N.Y. 14580
(716) 872-4503

1.5 1.8
2.0 2.2
2.5 2.8
3.2 3.6

1.5 1.8
2.0 2.2
2.5 2.8
3.2 3.6

24 ¶ Ne onen ne *Pilate* wahadkahtoh yahtehogwenyon ahoyatagenha, ne ok hegen tahondeweanahkwison, ethone watrahkwe ohnekanohs, wahohsnonhsohare raodihenton jinikentyohkwa, raton, Ne lih agyatagate ne raonegwenhsageh igen roderihwagwarihsyon; Ise nissa jatsterist.

25 Ne onen wahadirihwaserago ongwetagwegon, wahnonniron, Raonha raonegwenhsa iihne kayendat, nok oni nakhiyen-ogon-ah yongwaderihwayenhahse.

26 ¶ Ethone sahohtkawe *Barabbas* rononhageh: ne onen wahnwahsohkawishon Yesus onen tenhnon yahonwahtkawe jinonweh yatenhonwayentanharon.

27 Ethone shodar ne korah raotyohkwa onen wahnwayena Yesus ehayahonwayathewe kanaktowaneaneh, onenh ehwahontkeanissa tenhnon ohshodarhagwegon.

28 Neoni wahadirihsi ne raonena, nentenhnon wahnwentyake jitagonhkowah ahshire.

29 Ne onen rodinhahseronni ohikta eanonwarore rononni, raononjineh waheren, oni ostyentane tahonyon rasongeh jiraweyendehtahkon nonkadiah, neoni tehonwanonhweronyon jiniyoht tahondontsothatage, ne ne kagonnaton, ronweani, Sanehragwaht, Korahkowah ne *Jews-haga!*

30 Neoni ronweanitskeroseras, wahnwahkhwa ne rahawe, wahnwayenhtanyon raononjineh.

31 Neoni nen ohnagen jironwagonnatha, nen sahonwentyahsi ne ahshire, ne sahonwadyatawite ne raonha raonena, onen wahnwahsharine jiyatenhonwayatanharon.

32 Neoni, ji onen wahadiyageane, ehwahonwayadatsHENRI rongweh ne *Cyrene-haga*, *Simon* ronwayats: tahonwea nonhtonse wahrenhnenhsaren ne tekayahsonte.

33 ¶ Ne onen yahonnewe jinonweh nikanaton konwayats *Golgotha*, ne nayairon, jinonweh ohstawenserake,

34 Ne wahnwanonte teyohnekahyojis ne ahahnegira tekayehston otshate: ne ji onen wahatkense, yahtehohnegiren.

35 Neoni wathonwayentanharon, wathadikhahsyongo ne raonena, wahadiyenthohji nonhka agowenhk enwaton: ne kadi ne yahaweanayerine jinihodatih royatadogenhtigenha, rawen, Wathadikhahsyongo nagenena rononha, nok oni wathadikhahsyongo nohenton wagadyatawiton.

36 Neoni, ehwahontyen, oni wahonnonna;

37 Neoni jiyehodenonjistate ehkahyaton kagonnaton ne ne waton, NE NEGEA-ENH YESUS NE KORAHKOWAH NE JEWS-HAGA.

38 Ethone oni tehniyahshe ninenhskwas ehskahne wathonwadiyantaharon; ehskat jiraweyendehtahkon, ehskat shanegwadih.

39 ¶ Neoni ne ehrontongohtha ronwatehatha, agwatehonorongarenron,

40 Neoni ronton, Ise genh ne ensenonhsarihsi ne ononhsadogenhti, nen tenhnon ensehsonhsonni ahshen nenwada ensehsta, to-kadi nonwa sadadyatagenha. Tokat ise ne Niyoh Ronwayen engenhake, kasatsnenht nonwa jidekayahsonte.

41 Eh oni nahadiyere radiyatagweniyose Radijihenhstajih ronwagonnatha radikowanenhse oni ne *Scribes* oni ne rodikstenhase, ronton,

42 Raonha shagoyatogenhas nodyake; nok ne raonha yahtahagweni ahadadyatagenha. Tokat raonha ne Korahkowah ne Iseratthaga, ginyoh tethatsnenht jidekayahsonte, ethone nen endehjitewehtahkwe.

43 Eh ken ronyahesen Niyohne; how nissa royatagenha nonwa, tokat togenhske enhononhweseke igen raton wahi, Iih ne Niyoh ronwayen.

44 Ken oni ne ninenhskwas, ne enskahne wathonwadiyantaharon ne raonha, etho ok oneane thaaweane ok ne shagat wahonwenhahse.

45 Nonwa, ne yahyakhadont *hour*, tayogarahwe okthiyonhwenjagwegon jiniyore ne tyohtonhadont *hour*.

46 Neoni, etho onhteh ne tyohtonhadont *hour*, Yesus wathahsenthoh rowendeht, raton, *Eli, Eli, lama sabachthani?* ne nayairon, Ageniyoh, Ageniyoh, ohneane waskyatanigonrhen?

47 Odyake neh yegeanyate, nen ronathonde jinahoten wahrenron, ronten, Kea-igenh rongweh yehoronhyenha anyoh ne *Elias*.

48 Neoni okshaok shayadat watharahtade, yahatrahkwe watneginyontha, ne wahanahne teyohnekahyojis, ehwahanyonten ohstyentanegeh, ne nahohnekanonte.

49 Odyake ronton, Tohsa; tetewaganerak tenhnissa ahshigenh itre ne *Elias* naonsahoyatago raonha.

50 ¶ Yesus, ne onen are tonsahohenrechte rowendeht, onen wahrenheye.

51 Neoni, sadkahthoh, tekanhotahkon ne ononhsadongenhti watewatoren enegen tondahsawen yahokten ehta-geh; wahtyaonwenjishonhkwe, oni teyotstenrenyonhkwe watkarine,

52 Neoni jiyeyataryon ondenhotongo; eso noyerontagenha ne tyagawehtahkonne yoditaskwe, sayontket-sko,

53 Neoni sayeyageane jiyeyataryon nen shishotket-skwen, neoni ehniyehonenon O natadogenhtigeh, shonwadigen ne kentyohekowanen.

54 Nonwa ne onen ne *Centurion*, oni jinigon ne ronneronwanigonrare ne Yesus, jiwahontkahthoh watyaonhwenjishonhkwe, ji oni naawenhseron, eso tahondonneke, rontonyon, Tkgante togenhske ne ne Niyoh Ronwayen.

55 Neoni tyonathonwisen eso gondi ehkonneskwe, tegondiganere inon niyore tkondigeanyate, ne shagondiyad dat ne ronwahsere ne Yesus *Galilee* nonkadiah shontahayenhtahkwe, ne ne ronwaweanarahwahkwe ne raonha:

56 Enhskat ne gonnene naah ne *Mary Magdalene*, oni oya *Mary* ronistenha ne *James* oni *Joses*, oni rodinistenhah ne *Zebedee* shagoyen-ogon-ah.

57 ¶ Ne onen jiwaogarahwe, ehwarawe rotkanonni rongweh ne ne *Arimathea*-haga, raohseana *Joseph*, ne oneane Yesus raotyohkwa:

58 Raonha ehwarehte jithenteron ne *Pilate*, yahongen ne raoyeronta ne Yesus. Ethone *Pilate* yahshagawenhahse thonwayon ne raoyeronta.

59 Ne, onen ne *Joseph* wahayena noyeronta, wahahwenonni nagwah kanyatariyo.

60 Neoni ehyahayen nagwah raonha raowenhk ase oni jiyeyendahkwa noyeronta, agwah ne ne kagwatagwen otstehrogon: nentenhnon kentstehrowanen rodinhotongwen jirayadat, nen eren shonenonhton.

61 Neoni kenh-nigondi *Mary Magdalene*, nen oya *Mary*, ehkonditeron teyotogenhton jirayadat.

62 ¶ Nonwa, ji oya sayorheane ne ken wenteh rontsheronni, ne radijihenhstajihkawah oni *Pharisees* ehyahontkeanissa jirenteron ne *Pilate*,

63 Wahonniron, Tagwaweaniyo, yagweyahre thoi-genh ranigonrhatkagowah jinihoyeren, ne shegon shihronhe, rawen, Keaneayaweane nohnagen ahshenhadont niwehniserageh enskadketsko.

64 Ne kadi wahonni keaniyawen, yonna jirayadat, orihwiyo kadi enwaton igen ne yahehtheayawenhserene ahshenhadont niwehniserageh ne raotyohkwa ahsontheane enthonne enshadinenhsko, nok enhonniron ongwehegongeh, Shotketskwen jirawenheyonhne: senha kadi ne kayatahtonhsera jinayaweane jiniyonkhiyadadontha jiniyoht ne tyotyerenhton.

65 *Pilate* wahshagawenhahse, Sewayen wahi ne yonnonnha; eren saseweht, jinasewagweni jadeanigonraren.

66 Onen ehwahonnehte onen wahadinonna ji raydat, agwah kahnehtohraron jitegendeneayarigon, nen tenhnon ehraditeron radinonhne.

CHAP. XXVIII.

Keristus shotketskwen jiwaherihowanahte karonhyagehronon.

JI ne ondokten ehniseradogenhti, onen ne sondahsawen ne entewadehniseratyerenhte ne sewendat, ehwagonnewe *Mary Magdalene*, nok oni noya *Mary*, gontkensere jirayadat.

2 Neoni, sadkahthoh, jinaawen yonehragwaht watyaonhwenjishonhkwe: igen ne raoronyagehronon ne Royaner tayeyenhtahkwe karonhyageh, eren waganeayagwite jikanhogaronte, ehonnitskwaren.

3 Ehnihagonhsoten jiniyoht teweaniregarahon, nok ne raonena kenragenh jiniyoht oniyehste:

4 Neoni jinahodihteronne ne radinigonrare wahodiya-dishonhkwe, ana-aweane waaheye nongweh.

5 Neoni karonhyagehronon wagoweanarane wagenron nodinhehtyengeh, Tohsa sewahteronn; igen wagadery-entare sewesaks ne Yesus, tehonwayentanhare.igenh.

6 Yah kenh teshenteron; asegenh onen shotketskwen, jinihawen. Kaseneh, sewadkahtoh jinonweh nihaya-tyonnihkwe ne Royaner:

7 Neoni wasene yohsnoren yaetshihrori ne raotyokwa nen shotketskwen jirawenheyonhne; oni jadkahtoh, ohenton enre ne nen *Galilee* yensene; ehnonweh nenh-jisewagen: sewathonde Iih wagwahrori.

8 Neoni oksha ok sagonhtenti yohsnore yodihteronsere oni kowanen yonadonhahratye, oni gondidakhenontye ne yaonsagondirihwihewe jithaditeron ne raotyohkwa.

9 Neoni jiniyonsagene jisahonwadihroriyane, ne raot-yohkwa, wagyadkahtoh, Yesus wathonterane, wahren-ron, Agwegon watkwanonweron. Neoni ehtondagene, wageniyena rahsigeh, wahonweanidenhtase.

10 Ethone Yesus wahshagawenhahse nononha, Tohsa senihteronn: wasene yetshihrori ne yetshincnhkwe ken yeayen *Galilee*, ehnonweh nenjongwadkahtoh niih.

11 ¶ Nonwa, ne onen yonahtentyonhatye, wagyad-kahtoh, odyake ne radinonnahkwe kanatowaneane wahnnewe, wahshagodinatonhahse ne radiyatagweniyose radijihenstajih jinaawenhseron.

12 Neoni ne onen wahontkeanissa nok oni ne rodik-stenhase, nathadiyatorehte, eso nohwista wahonwenon ne Shodar,

13 Ronton, Keagayen ensewenron, ne raotyohkwa ehonhte rodi ahsontheane, ethone nijonkhinenhskwen jinahe waongwentawe.

14 Neoni neayaweane negea-eh ne korahne yenhon-hontogate, iih neane eayagwarihwagwatago, ne ne yah-teyaweht ahsjisewarahse nise.

15 Eh kadi na-aweane wahadiyena nohwista, ehna-hadiyere jinahonwadirihonyen: ne kadi jinahadiyere eh wahi niyoht jiwaherihowanahte ne *Jews*-hagageh shegon nonwa ne kenwehniserade.

16 ¶ Ethone ne enhskat shadire ne raotyohkwa ken wahonnehte *Galilee*, jiyononte ehvehshagonatonni ne Yesus jinonweh.

17 Neoni ne onen shonsahonwagen, wahnweanidenhtase; nok odyake ok thatehodinigonrageh.

18 Neoni Yesus ehwarawe, wahshagawenhahse, wahrenron, Agwegon ne kashatstehsera yongwawi ne karonhyageh oni nonhwenjageh.

19 Wasene, ne engarihonni, oni yetshirihonyen agahonhwenjagwegon, eayondatnegoserahwe ne rahseanagon ne Ranihah, neoni ne Ronwayen, neoni ne Ronigonhriyohston;

20 Yetshirihonyen yeayehewe kadi agwegon jioknahoten Iih wagwenhahse nise; oni, jadhakthoh, Iih wahi itewese tyotkon, nok oni jiniyenwadonhwenjokten entewesheke. Awent.

Kenthoh yodokte ne rohyaton Royatadogenhti *Matthew*.

